

# BIBLIOTHEK

DES

LITTERARISCHEN VEREINS

IN STUTTGART.

LV.

---

STUTTGART.

GEDRÜCKT AUF KOSTEN DES LITTERARISCHEN VEREINS.

1860.

PROTECTOR  
DES LITTERARISCHEN VEREINS IN STUTTGART:  
SEINE MAJESTÄT DER KÖNIG.

\*

VERWALTUNG:

Präsident:

**Dr A. v. Keller**, ordentlicher professor an der k. universität in Tübingen.

Kassier:

**Dr Zech**, ordentlicher professor an der k. universität in Tübingen.

Agent:

**Fues**, sortimentsbuchhändler in Tübingen.

\*

GESELLSCHAFTSAUSSCHUSS:

**Dr Böhmer**, stadtbibliothekar in Frankfurt a. M.

**G. freiherr v. Cotta**, k. bayerischer kämmerer in Stuttgart.

**Dr K. v. Gerber**, kanzler der k. universität in Tübingen.

**Hofrath dr Grimm**, mitglied der k. akademie in Berlin.

**Dr G. v. Karajan**, vicepräsident der k. akademie in Wien.

**Dr E. v. Kausler**, vicedirector des k. geheimen haus- und staats-archives in Stuttgart.

**Dr Klüpfel**, bibliothekar an der k. universität in Tübingen.

**Dr O. v. Klumpp**, director der k. privatbibliothek in Stuttgart.

**Dr Maurer**, ordentlicher professor an der k. universität in München.

**Dr Menzel** in Stuttgart.

**Dr Pauli**, ordentlicher professor an der k. universität in Tübingen.

**Dr Wackernagel**, ordentlicher professor an der universität in Basel.

# HUYGE VAN BOURDEUS

EIN NIEDERLÄNDISCHES VOLKSBUCH

HERAUSGEGEBEN

VON

FERDINAND WOLF.

STUTTGART.

GEDRUCKT AUF KOSTEN DES LITTERARISCHEN VEREINS  
NACH BESCHLUSS DES AUSSCHUSSSES VOM JUNI 1860.

1860.

**DRUCK VON L. F. FUES IN TÜBINGEN.**

EEN SCHOONE HISTORIE VAN  
HUYGE VAN BOURDEUS.

NOYT WONDERLIJCKER, NOCH ONGHEHOORDER AVONTUEREN,  
DAN DIE BIJ HUYGHEN VOORSCHREVEN GESCHIET  
ENDE GEBEURT ZIJN. EN MET SCHOONE FIGUEREN VER-  
CIERT.

GEPRINT T'ANTWERPEN IN DIE  
CAMER STATE IN DEN GULDEN EENHOREN  
BIJ WILLEM VORSTERMAN.



## [2<sup>a</sup>] DIE PROLOGHE.

OM wat vreemtds ende wat nieus te hooren dat oude geschen  
ende oude geschriften menich hondert iaren verborghen hebben ghe-  
houden. So heb ic hier een seer vreemde wonderlijcke noyt won-  
derlijcker historie int claer ghestelt om dye te ouerlesen ende daer  
wt ghenuechte te rapen, ende dye sinnen des menschen daer mede  
te versolaceren als si met eeniger melancolien ende swaricheden  
belast worden, het si van eenich ingheuen des vyants, oft van  
swaricheyt des bloets want melancolie ende swaricheyt genereert  
ende maect dicwil grof bloet dat menich werf den mensche siechte  
toe brenget. Hier om sal hen die mensche maken eenen blijden  
geest wan die doet den mensche lange leuen. Dese historie is ghe-  
maect niet om eenich belet van goeden wercken, ende dat men  
daermede versuymen soude eenigen gods dienst als sermonen ve-  
15 speren ende der ghelycknen dienste maer si is ooc gemaect om dese  
lange tongen van clappaerts ende clappeyen als die haren tijt wil-  
len ouer brengen met achterclap om eenen anderen sijn eere te  
benemen achter rugghe, dan sullen si vinden wat quader arger  
fenijn dat een quade tonge is ende wat groter last, anxt, partijscap  
20 oorloghen, dootslaghen die tonghe bi brenghen ende brouwen mach.  
[2<sup>b</sup>] Ende isser yemant dye hierin vindet dat hen mishaghet en  
wilt daerom ons niet te seer wederlegghen, want het is al te goe-  
der meeninghen ghedaen, want wat dye menschen scrijven sonder  
medewerckinghe des heylighen geests dye sijn al wel te straffen  
25 ende te wedersegghen. Maer wat dye ewighe waerheyt ghespro-  
ken heeft dat sal warachtich bliuen.

Hier volghet die na prologhe. \*

[3<sup>a</sup>] OM dat men hier achterulgen ende beschriuen sal van  
sommighe dinghen die gheschiet souden sijn inden tijden vanden

grotén coninc Karel. So wil ic eerst wat scriuen vanden seluen  
Karel Die alder gloriooste ende onuerwinlicste coninc Karel was  
seer vroom ende victorioos inden strijden, seer wijs in scientien  
ende in dye vij. vrije consten, hi was ooc kerstelijk ende duech-  
delijc van leuen, hy hielt sijn hof eerlic ende sijn heeren ende  
dienaers in duechden so dattet scheen een clooster te sijn want  
in sijn hof en mocht men niet sweeren dobbelen caerten, oft dier  
ghelijcken doen daermen god mede mochte vertoornen. Hi had bi  
hen oude wise raetsheeren, hy was oock rechtueerdich in sijn  
10 vonnissen soowel den armen als den rijcken. O lacen nv houtmen  
veel abusen inder heeren houen, als van dobbelen, te versweeren  
gods liden ende ledēn oncuysheyt, ouerspel maechden schoffieren,  
vrouwen cracht, ende der gelijcken daer af dicwil den landen grote  
plaghen comen. Karel was een goet prince outsiende god, ende  
15 een groot beschermer der heyligher kercken. Hy was so sterc in  
de strijde dat hy met sinen sweerde teenen slaghe een ghewapent  
man metten paeerde doorsloech. Als hy gram was soe verueerde  
hem een yeghelic. Karel hadde by sijnder coninghinne Hildegaeert  
.iij. sonen als Charlot die sterf sonder oor. Pippijn coninc van  
20 Italien, Lodewijc coninc van Aquitanien die na keyser wert. Ende  
hy had ooc .iij. dochteren, Rotruyt, Berga, ende Gilla daer ic nv  
voort af swighen sal, ende comen totter gesten van onser historien.

[3<sup>b</sup>] Hoe die groote Coninc Karel open hof hielt voor sijn  
heeren vrienden, ridderschap ende dienaers.\*

Die groote Coninc Karel na sijn oude costume ende soo hielt  
hy open hof op eenen tijt voor sijn heeren ende vrienden in dye  
stat van riemen daer hy by hem had .ix. ghecroonde Coninghen  
veel hertogen ende bisschoppen, ende .xl. Grauen. iij. m. ridderen  
edel mannen ende noch. v. m. mannen van eender wapen ende van  
eender cleedinghe die altesamen waren onderdanich coninc Karel  
ende stonden tot sinen ghebode. In dit hof en was ooc niet verghe-  
ten dat ghene dat meestendeel dye blijschap maeckt, dat sijn die  
eedele duechdelijcke schoon minlijcke vrouwen ende Joncfrouwen  
dye seer veel was, als van hertoghinnen Grauinnen, Ridders, vrou-  
wen, Camenieren ende noch ander, die seer rijckelijc dat hof al  
omme vercierden want tusschen elck twee heeren ende ridderen  
so saten [4<sup>a</sup>] vrouwen onde ioncfrouwen elck na sinen staet. Daer  
wert groote rijckelijcheyt ghehoont van spyse ende van dranck,  
des daer van alles oueruloedich was, daer wert seer eerlijck ghe-  
dient elck nae sinen staet Ende daer en diendemen anders niet dan  
wt silueren ende gulden valen, men schanck den wijn oueruloe-  
delijc. Als die maeltijt ghedaen was so riep die coninc alle dye  
heeren bi hen ende seyde. Mijn heeren ick ben out ende en mach  
de wapenen niet meer hanteeren, hierom bid ic v liedien dat gi doch  
eenen anderen kiesen wilt dye nut ende bequaem ware om dye  
Croone te draghen. Daer was een wijs wel ghemint here des co-  
nincx cancellier gehechten Dumay van beyeren die seyde O ghe-  
nadighe Heere als wy v verliesen soo en weten wi niemand te kie-  
sen voor Coninck, die de landen soude profitelijc ende nut sijn.  
Doe seyde coninc Karel o mijn ghetrouwe vrient Dumay, Hier is  
mijn sone Charlot dye cloeck is ter wapenen, ende seer stout in  
so dye feyte van orloghen, ende redeliker wijs van rade, dyn wil ic  
dye croone ouergheuen, ende ick wil payselick ende in ghemake  
voort aen leuen om God neerstelijcker te dienen.

Als dit die Cancellier hadde ghehoort soo seyde hi. O outsiende coninc dat v belieft sal ons allen helieuen ende god gheue dattet si tot profijt van al kerstenheyt. Ende aldus consenteerden alle die heeren ende pricnen inden woorden van coninc karel.

¶ [4<sup>b</sup>] Hoe Charlot coninc van vrancrijc wert ghecroont ende ghesalft. \*

[5<sup>a</sup>. B 1] ALS coninc Karel hoorde dat zijn heren wel tevreden waren met sijnder meningen so was hi blide, ende hy dede bereyden die dingen dyemen totter croningen soude behoeuen.  
 10 Ende des anderen daechs is die coninc gereden met sinen sone tot onser vrouwen kercke te riemen, daer die misse met groter feesten gesongen wert, ende charlot wert daer coninc ghecroont ende gesalft wter ampullen daer die coningen van vrancrijc noch mede gesalft worden die wten hemel gecomen was. Daerbi was een  
 15 verader Amoris genaent, die benijde dat charlot coninc geworden was, want hi ooc vanden bloede was, ende seyde in hen seluen. Ic sal maken dat charlot niet lange leuen noch coninc zijn en sal, ende dan sal die crone op mi versteruen ende ic sal dan coninc werden ende coninc Karel is seer out, dien sal ic wel veriagen  
 20 met mijnen grooten vrienden. Ende doe quam amoris voor Kaerlen, want hi hadde eenen valschen raet bedacht, ende nam Kaerlen metter hant ende seyde. O edel here gelooft moet zijn die eewige god dat v sone charlot coninc is, mer op alle dinghen moetmen voorsichticheyt hebben, want daer isser van uwen houe die steden  
 25 ende sloten van v te leene hout die uwen son veraden sal ende sinen doot gesworen heeft, ende daer af weet ic de waerheyt wel. Doe wert Karel zeer gram ende seyde amorijs luttel woorden ende die vast, mer doet hen ontbieden voor mi Doe seyde amoris. Ghe-  
 nadige heere, het is Hughe van bourdeus, wiens vader was her-  
 30 toge Sanguijn ende want hi van so groeter macht is so meent hi die croone noch te hebben ende self coninc te zijn want hi meent had hy uwen sone charlot verslagen hi soude lichtelijc v dan wten lande veriagen. Doe seyde Karel met grooten verwonderen hoe soude dat moghen sijn dat mi heer hughe so soude [5<sup>b</sup>] verraden,  
 35 hi en is nochtans van verraders bloet niet gecomen, want sijn vader was goet ende getrouwne. Ende de coninck riep tot hem Vyons

van poytiers, ende gaf hem brieuen te dragen tot hughen, ende hem te segghen dat hi ende sijn broeder met .x. van haren ridders te houe comen souden den coninc te dienste, want ic so spreken wille.

5                   Hoe hughe des conincs brieuen ontfinck.

Als vyons nv des conincs brieuen had so is hi gereyst na bourdeus, daer hi hugen ende sinen broeder vant ende seyde. Die coninc heeft v beyden ontboden met .x. van uwen ridders om bi hem te comen te parijs ende hi gaf hem des conincs brieuen die si eerlijcken ontsinghen, ende vyons seyde hoe die coninc sijn crone ouergegeuen had sinen sone charlot. Doe dat Huge hoorde so seyde hi. Is mijn heere charlot coninc, so gheuen hem god dat hijt met eeren besitten mach: ic sal hem gheerne te dienste comen. Doe bleef die bode bi hughen die hem goet chiere dede, ende des morghens sloech hi vyons ridder, ende gaf hem .lx. marc gouts Doe was die bode verblijt ende nam oorlof aen hughen ende hi is weder gereyst totten coninc die hem vraechde hoe hi te bourdeus ontfangen was Ghenadige here seyde die bode seer wel ende door v liefde sloech hi mi ridder ende gaf mi .lx. 20 march gouts, ende hi was seer blide dat charlot coninc ghecroont was, ende hi sal selue cortelinge hier sijn. Doe seyde Kaerle huge is mi willekome ende al die met hem comen. Ic heb dicwil daerop ghedacht oft hi charlot mijnen sone verraden soude dat ic niet wel gelouuen en can, want hi van goeder afcoemste is, want 25 sijn vader hertoghe Sanguijn was een so loyalen ghetrouwuen man alsmen vinden mochte. No [6<sup>a</sup>. B ij] wil ic wat swighen van Kaerle ende spreken van Hughen.

Hoe Hughe ende gheeraert met haer gheselschap na Parijs quamen daer si besprongen worden van den vyanden.\*

30                 [6<sup>b</sup>] Als hughe nv alle dingen wel beschikt had so is he met sinen broeder ende .x. ridders op geseten ende is na den coninc gereden mer si quamen eerst biden abt van Cloengi haren oom die se blijdelic ontfinc, ende dede hem grote chier. Ende huge seide dem abt dat si van den coninc ontboden waren tot sinen dienste

ende dat si derwaerts reysden. Doe seyde dye abt lieue neue met  
v wil ic reysen daer af huge seer blide was. Des anderen dages  
smorgens worden al haer paerden bereyt ende si zijn opgeseten  
ende die abt met hen lieden, ende sijn so tesamen gereden na parijs  
5 daer die coninc was. Nu heeft die verrader Amorijs vernomen dat  
huge tusschen wegen was om bi den coninc te comen so is Amo-  
rijs op geseten ende is gereden totten jonghen coninc Charlot ende  
seyde. Ghenadighe heere want ic v sculdich ben ghetroute zijn,  
ende v van scaden ende scanden te beschermen, so werre als mi  
10 mogelic is. So suldi weten dat hughe van bourdeus is tusschen  
weghen om hier te comen, ende ic heb hooren spreken dat hy hen  
vermeten heeft dat hi v soude dooden, ende met macht vwen va-  
der wten lande veriaghen, ende so soude hi selue coninc sijn.  
Als dit charlot verstont so vervanderde he al zyn bloet ende seyde,  
15 wat salicker mede doen. Doe seyde amoris here ic soude v raden  
dat ghi v wapende ende nemet met v .ij. c. mannen ende belegt  
die wegen ende passagien ende deerste die daer comet nemet hen  
ende sinen broeder dat leuen. Doe seide charlot ghi hebt mi goe-  
den rat gegeuen: ende hi heeft hen doen wapenen ende nam met  
20 hen .ij. c. gewapender mannen, ende is wt ghereden ende heuet  
alle de passagien ende weghen beset daer huge moeste voorbi pas-  
sagien ende weghen beset daer huge moeste voorbi passeren Nv  
is huge op den wech om totten coninc te comen daer si veel volcx  
inden weghe saghen te paerde Doe vraech [7<sup>a</sup>] de huge sinen oom  
25 den abt oft hi dat volck niet en kende, doen seyde die abt dat hi  
se niet enkende. Doe seyde hughe. Ic bid v lieue broeder. Noopt  
v paert met sporen ende rijdt derwaerts ende besiet wat dat volc  
wil oft begeert. Doe seyde gheraert dat en sal ic niet doen want  
mijn hert isser al heel af ontstelt ende tongemake, want te nacht  
so heeft mi gedroomt in mijnen slaep datter .ij. libaerden quamen ende  
namen mijn wapenen, die eenen libaert di wonde mi seere, ende  
die ander mijn paert daerom ben ic nv verscrift ende veruaert  
van herten, aldus huge ende gheraert noch tsamen sprekende, soo  
sloech charlot voor wt sinen hoop ende stack zijn peert met spo-  
35 ren ende liet sijn speer sincken ende quam gereden met nide ende  
grotten gewelde op gheraert dyn by seer quetsede ende stack  
hem van sinen paerde in dat sant. Als dit heer Hughe sach so stac  
hi sijn peert met sporen, ende trac haestelic zijn swaert wt met

stouter herten ende hi sloech na charloten so vreesscelic dat hi  
 tusschen den helm dore hem dat hooft van den lichame sloech ende  
 hi viel doot ter aerden van den paerde ende soo bleef die ionge  
 coninc Charlot onuersiens verslaghen Ende onder Charlots volc  
 5 was ooc die verrader Amorijs met sinen knechten ende dienaren  
 die dit aensach ende hi vloot wech met sinen volck van wapenen  
 dat met hem comen was. Ende daerna nam Hughe gheraerden  
 sinen broeder die so seer ghequetst was, ende leyde hem op een  
 paert ende bracht hem soo binnen parijs daer si den coninck von-  
 10 den dye hem lieden willecome heetede noch nerghens af wetende  
 van deser valscher verradernije. Doe seyde Hughe. O ghena<sup>[7b]</sup>  
 dighe heer coninc ghi ontbiedt mi met minen broeder ende met .x.  
 van minen ridders, ende om v onderdanich te syn so meenden wi  
 hier te comen in goeden vrede ende met rusten, maer daer wi  
 15 quamen ghereden in de valleye aen v bosch vonden wi meer dan  
 .ij.c. mannen al gewapent. Ende doe quam daer een voor wt en  
 volcke geslagen ende doorstac minen broeder, siet hier die wonde  
 Doe seyde coninc Karel met grammen moede, wist ick wie dat  
 ghedaen hadde hi soude hangen sonder eenich verbidden. Doe  
 20 seyde huge. O heere ic hebbe my ouer hem gewroken, want ic  
 hebbe denseluen dye mijn broeder wonde sijn hooft af gheslaghen  
 maer god weet dat ic hen niet enkenne. Doe seyde Karel. Bi al  
 dat god is. Alwaert charlot mijn sone in dat stuc het ware v al  
 vergeuen. Ende doe dede Karel meesters comen om gheraert te  
 25 helpen. Doe seyden de meesters. O here en sorcht niet want bin-  
 nen. xv daghen sullen wi hen weder gesont hebben Als si noch  
 stonden tesamen sprekende, so quam die verrader amoris in der  
 salen ende bracht den dooden charlot op en paert met groten druc  
 recht of hi seer droeuich hadde gheweest. Doe seyde Karel O  
 30 amoris wien brenget ghi daer. amoris seyde, genadige here het  
 is charlot v lieue sone. Als dat Karel hoorde, so werdt hi heel  
 ontstelt ende was so qualic tevreden dat hi nauwe spreken en-  
 conde. Ende si seyde ten laetsten, o amorijs wie heeft minen soon  
 verslaghen ende ghedoot. Die verrader seide Dese moort heeft  
 35 ghewracht dye quade felle hughe van bourdeus die hier staet, hi  
 had uwen sone charlot gheweghelaecht daer hi reedt iaghens ende  
 vlieghen daer heeft hem hughe oueruallen ende aldus deerlijc [8a]  
 verslagen Doe seyde de abt van cloengi, heer amorijs so help mi

god, men sacher vlieghen noch iaghen, noch voghelen noch hondēn,  
maer charlot was gewapent ende veel mannen met hem ende hy  
quam op ons ghereden met fallen moede ende quetste minen neue  
gheraert so ghi ghesien hebt, ende hi quam so bedect inde wapen,  
ende oocen hadde hi niet dat rechte teeken van vrancrijcke daerom  
en heeft hughe mijn neue van rechts wegen niet misdaen alsmen die  
waerhcyt wel ondersoecket Doe seyde karel met fallen moede,  
waerom ghi valsch katijf hebdi minen sone verslaghen. Doe ant-  
woorde hughe als een vroom ridder ende seyde. Ghenadighe here  
so sal moe ghenade weten o edel heere dat ic die v vassael ende  
dinaer ben noyt teghen uwen sone charlot arch noch quaet en dacht,  
noch ic en hebbe hem oock niet geweechlaecht, noch ic en hebbe  
hen ooc niet gheslagen dat ic hem kende ofte wieste wie hi was.  
Ic moeste wel een vermaledijt mensce wesen soudic so minen rech-  
ten lansheere so deerlijc verslaen ende vermoorden alsmen mi ouer-  
seyt ende opleyt. Ende isser yemant die mi daermede bethijen wil  
ende mi dat opsegghen, ic sal mi seluen daer teghen auontueren  
ende eenen camp aenuerden. Doe seyde coninc karel. Amorijs sal  
den campe aenuerde, ende amorijs gaf hugen den hantschoen, dien  
huge blidelic aenuerde. Doe seyde coninc karel tot hughen ghi  
moet borghen stellen. Doe seyde hughe, heer coninc die staen hier,  
dats geraert mijn broeder, ende die abt van Clöngy mijn oom ende  
vrient Ende daer waren ij. hertoghen die borghen bleuen voor den  
verrader Amorijs, ende dat waren beyde sijn broeders van [8<sup>b</sup>] vader  
ende moeder. Doe seyde huge. O genadighe heer coninc ghi sult  
uwe genade op my laten dalen eest dat ic amorijs in den campe ver-  
winne, ende dan begheer ic quite te sijn ende ontslegen van uwer  
viantscap. Doe seyde dye coninc daeren derfdi niet voor sorgen.  
Doe riep de coninc tot hem Reynier, Dunay van beyeren, ende Ogier  
van denemercke, ende beual hen drien dat recht van den campe

Hoe hughe ende amorijs teghen malcanderen campen daer  
amorijs verslaghen bleeft. \*

[9<sup>a</sup>] ALs dye rechters vandencampe ghestelt waren so seyde  
dunay van beyeren totten coninc: here dat de campionen schuldich  
sijn van doen dat en sullen si nyet achter laten. Doe wert dat perc  
bereyt daermen campen soude dat lanc ende breet was. Doe keerde

hem de abt tot god almachtich hern ootmoedelijck biddende aldus.  
 O almachtich god der hemelen ende der aerden, ic bid v ootmede-  
 lijc dat ghi die alle herten kent wilt minen neuen huge bescermen  
 van allen quade, ende wilt hen doch sijn goet recht doen behouden,  
 5 want ghy wel weet dat huge der saken onsculdich is so si kaerlen  
 den coninc aengebrocht waren, dus biddick v minlike iesu door v  
 bitter liden ende passie, door v dierbaer preciose bloot, ende door  
 v alre bitterste doot geeft hem victorie die recht heeft dat biddic v  
 goedertieren here die des wel machtich zijt, die een onuersceiden  
 10 god is met god den vader ende met god den heylighen gheest uv  
 ende in der eewicheyt Amen. Aldus hebben hem dese twee cam-  
 pioenen des anderen daechs bereyt om elc zijn eere te bewaren,  
 ende si hebben eerst misse ghehoort, ende hughe beual hem onder  
 die bescherminge gods almachtich ende onder die behoedinge van  
 15 maria synder gebendijder moeder ende onder die verdiente van  
 allen gods lieuen heylighen, ende Huge offerde inder missen .v.  
 gouden pennighen om dat men voor hem soude bidden. Ende als  
 hughe de benedictie van den priester ontfanghen hadde so bereyde  
 hi hem totten percke eerlijck te comen want amoris was daer al te  
 20 voren comen met zijn vrienden ende borghen dyn god bedrouwen  
 moet. Aldus is Hughe oock ten percke ghecomen metten sinen.  
 Doe si beyde int perch waren, so wert daer dat cruys[9<sup>b</sup>] gebracht  
 bi den heren die den campe beuolen was, ende daer soude elc van  
 den campioenen sine eet doen dat zijn sake recht was. Doen seyde  
 25 amoris, my behoort voore te sweren Doe seyden die heeren wel  
 aen so doet uwen eedt Doe knielde amoris ende seyde. Ic amoris  
 sweere by edelheyt ende by al dat god is ende so moet mi god helpen  
 Tis gheleden ontrent .vij. iaer dat ic desen huighe heb hooren spre-  
 ken tot eender stede daer hi was geseten dat hi charlot soude ont-  
 30 lijuen ende dooden om dat hi so machtich was van maghen, ende  
 dat hi kaerlen wien lande soude verdriuen om dat hi selue coninc  
 soude sijn, so helpe mi god ende al zijn heyligen. Doe stont amoris  
 op, ende huge knielde doe ende hi leyde sinen vinger op dat cruys  
 ende hi dede sinen eedt seggende. Ic sweer bi god almachtich ende  
 35 bi sijnder cracht dat ic noyt en hebbe gedacht om charlot te dooden,  
 noch ic en heb tot geender plaetsen geweest daer ic die woorden  
 ghesproken heb oft daer ic mi des heb vermeten, ic en soude sulcke  
 dingen niet doen om al die werelt, dat ic minen here so soude ver-

slaen, so helpe mi god ende sijn gebenedijde moeder maria ende  
 alle gods heylighen, doe stont huyge op van der aerden ende hi  
 custe dat cruyts met reuerencien ende eerweerdicheyt. Doe schreet  
 huge op zijn paert ende reet in dat perc. Doe seyde die abt tot  
 5 hugen. God die heere helpere des rechts moet v behoeden ende  
 bescermen van allen schanden ende oneere, maer wil v zijn gracie  
 verleenen dat ghi met victorien wten percke moet keeren. Doe zijn  
 si beyde gheweet ghemaect ende men gaf elcken een stercke lancie  
 daer si malcanderen so vreeslijc mede onderstaken dat de lancien  
 10 in veel stucken braken, ende men brachte hen weder nieuwe lan-  
 cien die si we[10a. C ij]derop malcanderen in stucken braken, ende  
 so braken si in stucken al die lancien die int perc waren, so dat  
 si hen ten laetsten moesten verweeren metten sweerden daer si  
 15 op malcanderen so vreeslic mede sloeghen. Ende Amorijs verraste  
 hughen ende sloech hem dat helmet af dat scoone van goude was  
 gemaect, ende ontkeerde hem sijn hooft. Doe sloech huge met  
 eenen grammen mode op amorijs sulcken slach dat hi wt sinen hals-  
 berch sloech meer dan .v. c. malyen, ende daer toe een grote wonde.  
 Als amorijs den slach geuoelde so enwas hy nochtans noch niet ver-  
 20 uaert, mer hi verhief sijn swaert ende doorsloech hugen sinen stalen  
 hoet, en hadde ghedaen dat onder den helme was si soude daer  
 hugen verslagen hebben. Doe riep hugh in hem seluen tot mariam  
 seggende. Nu helpet de hemelsche coninginne dat ic die onschuldich  
 ben met eeren mach mijn leuen houden. Ende met dien verhief  
 25 Huge zijn sweert ende sloech amorijs op sinen helm dattet vier  
 daerwt spranc so dat hi metten hoofde moeste buyghen voor op dat  
 paert mer amorijs weerde hem seer vromelic. Daer sochte elck  
 nauwe listen hoe die een den anderen verrascen soude ende ton-  
 derbrengen. Doe stach hugh zijn paert met sporen ende verhief  
 30 zijn sweert ende hi bracht eenen slach met beyden handen dat hi  
 den verrader dat hooft afsloech dat hi doot vanden paeerde viel. Doe  
 spranc huge van sinen paeerde ende werp amorijs wten percke Doe  
 seide huge blijdelijck. O ghi heeren die hier ghestelt sijt te wissen  
 dat recht vandencampe, ben ic ooc meer sculdich Doe seyden die  
 35 heeren, ghi hebt dat recht van den campe voldaan ende die heren  
 reden tesamen metten state tot coninc karel ende hi vraechde huge  
 oft hertoge amorijs doot [10b] ware, doe seyde dunay van beyeren  
 Ja hi heere. Ende dese hugh heeft al ghedaen dat hi sculdich was

van doene in oorkont van desen heeren als van Reyniere ende ogier.  
Doe seyde die coninc. Ghi heren so moet ghi sweeren hoe amorijs  
dat bekent heeft bi wat saken ende in wat manieren dat mijn sone  
verslaghen is: Doe seyden si, genadige heer coninc amorijs en  
bekende gheen dinghen, want na veel vechtens sloech hi amoris  
bouen sijn scouderen dat hem dat hoofst ontuiel in der aerden ende  
so bleef hi haestelic doot. Doe seyde die coninc met graminen moede.  
Bi den here dien ic diene huge ghi en sijt noch mijn vrient niet,  
ghi hebt mi ooc slechtelic versoent van minen soon al hebdi amoris  
in den campe verslagen Doe seyde hughe ic heb ongeluc ende  
campe aen allen siden, die fortune wil my al teghen maer ic hope  
gods gracie sal mi bi bliuen. Ic heb nochtans in alle manieren den  
campe voldaen alsmen met rechte te recht wil bemercken, want  
nemmermeer en moet mi god in ghenade ontfangen heb ic uwen sone  
v verraden: och dat en soudic minen rechten heere niet doen om alt-  
goet der werelt mer heer coninc ic sta hier voor v ghi muecht met  
my doen dat v belieft, ghi muecht mi doen hangen braden verbar-  
nen, oft eenighen quaden doot doen steruen, heer coninck doet met  
my uwen wille, mer doet dat v dunct das recht is ghi muecht mi ver-  
senden, ende in veel manieren sceyden Ja sendet mi ter hellen van  
daer en sal ic niet wederkeren

**Hoe hughe ghebannen wert wt al kerstenrijc, ende hoe hi  
wten lande reedt.**

AL had huge gedaen alle dingen die hem behoorden te doen,  
nochtans beswaerde hem de coninc met groten laste, ende versende  
hem ende hem bannen wten lande ende de [11a \*] de dat wtroopen  
metten heraute openbaerlickien.

IC karel van vrancrije coninc ende heere  
Doe weten die ouerdaet ende dat seere  
30 Dat mi hughe ghedaen heeft wie soudt verdraghen  
Hi salder om hebben noch veel plaghen  
Om dathi heeft verslagen, die doot ghebracht was  
Minen sone charlot, die groot geacht was  
Daerom doe ic bannen van bourdeus hughelijn  
35 Wt allen landen ende steden fijn  
So verre als mijn macht gaet, int cort int lant  
Ja wt al kerstenrijc bi bedwanc

Tot dat hi die beuaert heeft ghedaen  
 Die hi te doen sal onfaen  
 [11b] Wane wert hi anders ghecreghen  
 Dan moet hi hanghen al ist hem teghen  
 5 Want ic mach wel zijn verbolghen  
 Hi wilde mi seluen ooc vervolghen  
 Daerom en heeft hi vrient so groot  
 Die verbidden mach sijn doot  
 Tot dat hi zijn beuaert heeft volbracht  
 10 Daer aen so hanct zijns leuens macht  
 Helpet hem god hi mach weder keeren  
 Anders sal hem sijn doot vermeerem

### Hoe coninc karel Hughen belaste wat hi doen moeste ende volbrenghen

15 Hierna heeft hem coninc karel geseyt wat hi doen moeste ende waer te ghaen, soude hi emmermer \* [12<sup>a</sup>] weder int lant comen, ende seyde. Neen huighe ic en wil v niet ter helle senden, ic meene wel dat ick v beter sal senden. Ghi sult gaen te babilonien totten amirael Gaudijs ende segt hem dat ghi wilt hebben dat haer wt sinen 20 baert gepluct, ende die .ij. achterste tanden wt sinen mont Ende den grootsten man die hi hem staet dien suldi dat hooft afslaen Ende vindi sijn dochter Claramonde in der salen di suldy cussen aen haren mont, ende dyen baert ende tanden die moet ghi hier brenghen tot een litteeken Nv huge onthout v bootscap wel die ic v beuolen heb 25 want en doedijs niet so verbiede ic v al kerstenrijc Genadige here oft ick doe dat ghi mi beuolen hebt ende volbrenge v gebot, ende dat mi god daer toe sijn gracie verleende soudic dan niet wt v vyantscap comen. Doe seyde coninc karel daer entwifelt niet aen Doe quamen die .x. ridders te paeerde, ende doe nam huige oorlof aen 30 gheraert sinen broeder ende aen den abt sinen oom, ende aen al zijn ander vrienden daer groten druck bedreuen was int scheyden van hugen ende van sinen .x. ridders. die met hem wech reysden. Ende doe vertrocken si ende namen haren wech door bourgeoisien ende si zijn soo lange gereyst tot dat si te Romen in die stat quamen 35 daer huge met sinen ridderen eenen corten tijt blief. Nv staet hier te segghen van eenen grooten here dyen in vrancrijc groot spijt gedaen was, daerom vercocht hy lant dorpen ende casteelen ende hi vertrac wt vrancrijc in turckien daer hi een groot ende machtich

prince werdt ende namaels een coninc een groot vyant der kerstenen  
Ende Oydon leyde met hem wt vrancrijc sijns broeders sone Aliames die ooc was hertoge sanguijns susters sone die namaels een  
slaue was in turkien somen na[12<sup>b</sup>]maels hooren sal, ende hy nam  
5 ooc met hem sijnder suster dochter een scoone maecht, die hi te huwelic gaf eenen ruese die so seer ontsien was dat hem die coninc  
van babilonien tribute gaf, ende hertoge Sanguijn broeder heere  
Geerwyn was ooc heimelic wech getrocken datmen niet en wiste  
waer hi bleuen was alsmen hooren sal.

<sup>10</sup> Hoe hughe te roomen hem biechte teghen den prochiaen. \*

ALs hughe met sinen ridders lange weghen gereyst hadde so  
is hi te Rome ghecomen daer hy hem tegen den prochiaen ootmoe-  
delick geblecht heeft ende hoe hi coninc karels sone charlot on-  
wetelijc verslagen hadde, ende hoe hi in eenen campe verslaghen  
15 hadde den [13<sup>a</sup>. D] verrader amorijs, ende so vertelde hughe  
den paus sijn auontueren ende seyde. Al heb ic den campe met  
eeran geslaghen ende ghewonnen dat en is den coninc noch niet  
genoech, hi en versendet mi te babilonien totten soudaen gaudijs,  
ende ic moet hem eysschen thaer wt sinen baerde ghepluct, ende  
20 zijn .iiij. hoec tanden achter wt sinen mont. Doe seyde de paus dat  
is veel voor eenen edelen, mer ic gheue v aflaet van al uwen son-  
den, op auontuere of ghi verslagen bleest dat ghi door gods ont-  
fermen muecht behouden bliuen. Ende huge heeft ootmoedelic die  
benedictie van den paus ontfangen, ende is so met sinen .x. ridders  
25 van romen ghereyst menighe lange passagie tot dat si in die stat van  
brandijs quamen daer si wel ontfangen waren, daer si goet chier  
maecten wt goeder herten, hopende dat god alle dingen wel ordi-  
neren soude. Des anderen daghes ghinc huge op die hauene om na  
eenen scipper te sien. So vant hi eenen man staen op de hauene  
30 seer rijckelijc ghecleet met siden laken ende met costelijken sabels  
gheuoeyert. So dochte hugen wel dattet een edelman was, ende hi  
seyde tot hem, weest ghegruet wel edelhere, uwe edelheyt is mi  
onbekent ic en weet niet wat uwe grootheyt is. O vrient seyde die  
edelman bi onsen apollijn ic heb geweest in veel steden ende landen,  
35 maer nu ben ic een meester van een groot schip den drachmon ge-  
heeten, daer en is int lant gheen so groot, het heeft dicwil ter zee

geweest Als hughe desen man dus hoorde spreken so was hi verblift ende seyde, heere ghi weet seer wel francoys te spreken. met uwen oorlof van waer sidy doch geboren. Doen scyde dye heere, om dat ghijt vraghet so sal ic v seggen die waerheyt. Ick ben geboren in vrancrijck. Mijn [13<sup>b</sup>] broeder was hertoghe Sanguijn, dye had ij. sonen, die een hiet huge ende die ander gheraert dat zijn beyde mijn neuen, ende ic selue heete geerwijn. Doe seyde hughe o lieue oom so moet ghi willecome sijn. Als dat Geerwijn hoorde seyde hi blijdelijk wel moet ghi comen zijn mijn neue, ende hy greep hem in sinen armen ende custe hem aan zijn wanghen ende seyde waer wildi reysen wel edel neue. Doen antwoorde hughe Coninc karel van vrancrijc heeft mi ghesonden tot den amirael Gaudijs van babilonien, om dat ick buyten minen weten hebbe verslaghen sinen sone charlot. Doe seyde heer gheerwijn. Lieue neue hebt goeden moet maer betrout op god hi heeft meenighen man wt sinen laste verlost Ende mijn scip den dragimondt salic wel laten bereyden ende sal hem wel doen uoorsien van spijse van drincken, ende van alles dat wi behoeuen sullen, ende ic en sal van v nyet scheyden in gheenderley manieren noch in eenighen nootsaken.

Hoe heer Hughe met sinen ridders ende peerden, ende ander volc te schepe ghinc.

Als alle dinghen nv wel bestelt waren so ghinck heere Gheerwijn ende hughe met sinen .x. edelmannen ridderen te scepe ende si lichten doe haer anckeren, ende trocken dat seyl in den top, ende stelden hem op die vaert, ende sloegen si ter zeewaert in, ende seylden so langhe met goeden winde dat si quamen in die hauen Takers, daer si wten schepe ghingen in de stat daer si aten ende droncken ende maetten goet chier ende waren blide Daerna ghingen si weder te scepe ende voeren na iaffen daer si haer schip lieten ligghen. in die hauene. Ende [14<sup>a</sup>. D ij] doe reysden si ouer lant te Jherusalem versochten dat heylich graf ons heren Jhesu Christi, daer si grote offerhande gauen, Ende corts daerna so deden si hare paerden bereyden ende si reden doe den wech in na babilonien. Ende als si langhen tijt ghereden hadden, soo quamen si ten laetsten aan een groot foreest ende bosch so dat si niet en wisten wat wech si rijden souden. Doe sach hugije daer staen eenen

man die eenen boom ter aerden wilde vellen houdende met eender  
 bilen so dede hi groten arbeyt, dies hughe op hem sach ende hui-  
 gen dochte dat hi een edel opsien hadde, ende huge seyde God gruet  
 v vrient ende die moet v blijschap geuen Die man seyde wel moet  
 v zijn, ic en hoorde in .xvij. iaren noyt god noemen, dies ic in mijn  
 herten groten druc lijde. Doe seyde hughe vrient van waer sidi dan  
 gheboren. Die man seyde. Ic ben gheboren wt vrancrije \* [14<sup>b</sup>]  
 van edelen stamme, want dye palsgraue was mijn vader ende her-  
 toghe Sanguijn was mijn oom, ende hy had .ij. sonen, die een hiet  
 10 heer huyghe, de ander gheraert Doe seyde hughe, o edel here  
 hoe is uwen name, doe seyde die man, men heet mi aliames. Doe  
 seyde huge So moet god v bewaren wel, want ic ben v neue huyge  
 hertoch sanguijns sone, ende hier bi mi staet geerwijn uwer moyen  
 sone. Doe dit aliames hoorde, was hy seer verblijt ende quam totger-  
 15 wijn kennisse met hem makende, ende hebben doe malcanderen  
 vriedenlijc ontfanghen ende aliames seyde hoe dat hi daer .xvij.  
 iaren lanc een slaeue geweest was: ende in dier tijt en hoorde hi  
 god noemen dan doe, ende ooc seyde hi lieue neue waer wildi resen.  
 Huge seyde totten amyrael gaudijs te babilonien daer heeft mi ge-  
 20 sonden coninc karel van vrancrijc om dat ic sinen sone charlot bi  
 ongeual versloech, daerom sal ic kaerlen versoenen so moet ic dese  
 reyse van babilonien volbrenghen, daermoet ick halen dat haer van  
 des amiraels baert: ende sijn .iiij. winckel tanden wt sinen mont.  
 Doe seyde aliames, dat is een swaer lastich gebodt voor v om te  
 25 volbrengen, ende ic sal bi v blieuen wilt god, ende liden met v lief  
 ende leet, goet ende quaet, blijscap ende droefheyt. Doe seyde  
 Hughe lieue neue alyames dat moet v god lonen, och wisten wi nv  
 den besten wech so waren wi blide. Doe seyde die gryse Aliames  
 ick weet weel .ij. weghen na babilonien, den ecnen is door de wilder-  
 30 nisse ende bosschagien te reysen, ende die is seer quaet om de wilde  
 gedierten ende beesten, ende daer en is noch spise noch drincken  
 te crighen, ende men moet wel .xv. dagen reysen in groot perijckel.  
 Mer den anderen wech is beneden den bosch, ende is een goede  
 genuechlicke passagie [15<sup>a</sup>. D ij] daer veel volcx inden weghe  
 35 woont, ende daer is van eten ende drincken ghenoch te crighen,  
 maer den weech is seer lanc ende is wel een half iaers reysen. Doe  
 seide huge god moet den langen wech corten dien willen wi in.  
 Doe seide aliames, lieue neue reysen wi den langen so moetti v

wachten voor eenen corten seer schoonen man want had hi lancheyt nae zijn schoopheyd daer en waer gheen schoonder man onder den hemel, ende hi mach doen al dat hi wil, hi is here van veel volcx, hi heeft veel lande, steden castelen ende hi is seer ontsien, ende sinnen name is coninc Abroen

**Hoe coninc Abroen ghecreech die gauen van te doen dat hi wilde.**

IN den tiden als veel van desen dinghen gheschieden, so woonder een Kersten prince ende coninc \* [15<sup>b</sup>] al omme beringhet 10 vanden turcken ende ongelouigen bonden sarasinen vandie wet van machamet, hi woonde op dese side van dat foreest van babilonien, Maer dese prinse was seer cort endec leen van personen: want hien was maer twee voeten lanc nochtans was hi seer schoon van natuerlycker sconheyd, ende hi was duechdelijc goeder tieren, ende 15 bouen maten beminde hy dye waerheyt ende hi hatede die lueghenen als sinnen vyant ende al dat hi sprac moeste warachtich sijn, mer omdat hi cleen was sowas hi te min ontsien, ende dicwil en conste hi zije woorden niet waer houden daer om hi dicwil in zijn herte seer bedroeft was ende hi badt god om zijn gracie dat hi doch 20 sijn volck mochte regeren inder warachticheyt, ende sijn vyanden wederstaen. Ende om dat hi geseten was tusschen die ongelouuige aen allen siden tusschen babilonien ende die roode zee. Na dat hi langhe ghebeden hadde soquam hi op een tijt in dat grote foreest van babilonien daer bi coninc Abroen onuersienlic quam een bere- 25 mijt die hem seyde. O coninc Abroen om dat ghi cleyn sijt van personen ende om dat ghi die waerheit bemint so wert v voortlaen macht gegeuen te doen dat ghi wilt, ende wat ghi begeert dat suldi hebben alst is metter waerheyt. Ende in een teeken der waerheit so gheue ic v desen gulden cop, ende desen hoorne die beyde van 30 groter cracht zijn, want alsmen den horen blaest dat ghelyuyt verblijt al die horten dergheenre diet hooren, ende wie desen horen bi hem heeft is versekert dat hem gheen quaet gescien sal als hi warachtich is die hen heeft Ende den nap heeft sulcken cracht dat wie den nap bi hem heeft ende is buyten dootsonden ende slaet een 35 [16<sup>a</sup>] cruce ouer den nappe so wert den nap vol van goeden wijne, vanden welcken hondert duysent menschen mogen drincken, ende

den nap sal uol bliuen, ende die wten nap wilt drincken ende is in dootsonden dien sal den wijn ontsincken als hi meent te drincken Ende als altgheselschap heeft ghedroncken dan sal den wijn neder sincken in den gront ende den nap sal weder droghe worden. Ende als die heremijt al dit gesegt hadde was hi wech dat coninc abroen niet en wiste waer hi bleuen was: waer af hi hem seer ueroonderde, maer hi was blide door die grote ghiften die hem gegeuen waren, want niemand en heeft sulcke gracie meer gehad daermen af leest, ende hieraf is nu ghenoech gheseyt. Mer om weder te comen tot onser materien So seyde aliames tot hughen, lieue neue coninc abroen is dicwyl in dat bosch, comet hy bi v spreect niet met hem, mer swijcht al stille, want ick weet wel spreekt ghi teghen hem hi sal v bi hem houden. Van desen woorden was huge seer verwondert ende seyde Ic ensal coninc Abroen niet een woort antwoorden ende gaf aliames een goet sterc paert ende hi dede hem daerop sitten, ende si reden ten bosch waert inne. Doe quam hem lieden teghen coninc Abroen ende seyde. O huyghe edel here zijt god ende mi willecome, segghet my doch o wel edel man waer dat ghi reysen wilt.

## 20 Hoe coninc Abroen met Hughen sprack in dat groote foreeste.

Als nv huge hoorde spreken den goeden coninc Abroen dien hi niet een woort en antwoorde, mer hi stac zijn paert met sporen ende rede haestelijc wech van hem Als hi eenen langen tijt ghereden had, so sach hi coninc [16<sup>b</sup>]. \* Abroen weder bi hem, die tot hem seyde. Huge god geue v prijs ende eere, waerom vliet ghi van mi, waerom en wildi met mi niet spreken, mer die grise oude aliames heeft v dat verboden. Maer niet te min wildy bi mi bliuen ic sal v duecht ende eerē bewisen, ende nemmerneeren suldy ghebrec hebben, mer wat eenen edelen man toebehoort daeraf sal ic v besorgen, ende ghi sult van alles genoech hebben, landen, steden casteelen salic v gheuen. Ende wildi ooc reysen te babilonien totten soudaen Gaudijs daer v karel van yrancrijc toe ghesonden heeft daer toe suldi ooc oorlof hebben. Ende huge [17<sup>a</sup>. E] en antwoorde niet een woort wat hem coninc Abroen aensprack. Ende met dien is huge verre wech ghereden doe seyde coninc abroen hi is seer stout dat hi tegen my niet enspreect ic hope nochtans het

sal noch zijn, doe seyde huge hoe en was ic noyt so koen dat ic  
 teghen coninc abroen hadde ghesproken dye mi so veel eeren boot.  
 In der waerheyt quame hi weder ic soude tegen hem spreken  
 quamer af dat mochte. Doe seyde coninck abroen die noch met  
 5 hugen wilde spreken, ic wil dat bi mi comen hondert duysent mijnd-  
 der mannen wel ghewapent ende te paerde dye daer ter stont  
 waren, ende soquam hi weder by hugen ende nam dat paert van  
 hugen met ten thoom ende seyde. O ionghelinc meendi my aldus  
 te ontvlien ic ben immer here ende coninc van alle desen landen  
 10 wel .ccc. milen verre. No vry edel man huge en weest niet veru-  
   aert v en sal gheen quaet gebueren ic en weet geenen man ter  
   weereilt gheboren, mach ic hem sien in zijn voorhoost ic en weet  
   zijn gepeyzen Doe seyde huge, o wel edel here so weetghi ooc wel  
   van mijnen druck ende van mijn swaer herte, doen seyde coninc  
 15 abroen, ic weet wel alle v pijne, al uwen arbeyt ende al v auon-  
   tueren die weet ic wel hoe ghi charlot des conincx soon doot  
   sloecht bi ongeualle, ende die hem verraden hat dien sloecht ghi  
   doot in den campe. No heeft v die coninc gesonden totten amirael  
   gaudijs te babilonien om sinen baert ende om zijn winckeltanden  
 20 hoe meendy dat te doen, ende sonder scandē weder te keeren wten  
   lande, dat en muechdi nemmermeer doen ghi en hadt hulpe van  
   mi, aldus kiest oft ghi bi mi bliuen wilt ofte v bootschap doen totten  
   amirael. Hughe seyde mijn [17b] bootschap en sal ic niet laten te  
   doen om al vrancrijc: gods gracie moet mi anders bistaen. Doe seyde  
 25 abroen daer so sal ic v helpen, ende wildi wat eten huge, uwe ghe-  
   sellen hebben groten hongher. Doe seyde hughe waer souden wi hier  
   broot geerigen, daer om dat coninc abroen loech ende seyde. Hughe  
   ghi en kent mi noch niet, noch mijn wercken, laet v volck gaen van  
   den peerden ende laetse sitten ter eerden, ende elc spreke eenen  
 30 pater noster ende bidt god ootmoedelijc dat ghi gesont moet reysen  
   ende weder keren. Doe ghinc huge met zijn geselscap van den paerden  
   ende deden haer ghebet. Doe seyde coninck abroen nv begeer ic bi  
   der cracht ende wille gods dat hier come staen een casteel, dat daer  
   tertont was na zijn begeeren, waeraf huge ende al zijn geselscap ver-  
 35 wondert waren als sijt saghen, doe seyde coninc abroen. Nu laet  
   ons gaen eten ende drincken ende goet chier maken, doe ghingen  
   si inder salen daen si de tafelen al bereyt vonden ende wel beset  
   met menigerley spijsen, dat hugen ende zijn geselscap wel be-

haechde, want si groten honger hadden Daer aten si al die daer  
 waren, ende si waren wel gedient van veel gherichten, ende si  
 waren al verblijt, doen leyde coninc abroen op die tafel eenen  
 horen van elephantenbeen gemaect, ende eenen gulden nap seer  
 wonderlic gewracht datmen des ghelycken in gheenen houen en  
 vant. Doen sloech coninc abroen dat teeken des heyligen cruyſ  
 ouer den nap ende hi wert ter stont vol van goeden wijn, ende  
 hi gaf hugen daerwt te drincken ende al zijn geselscap, ende al  
 den anderen die daer waren, ende seyde. Hughe desen nap sal  
 10 ic v geuen, ende al die leuen en hebben gheenen so goeden ghesien  
 als desen is, want waer hy mede ghedraghen [18<sup>a</sup>. E ij] wert  
 tsi op grote wilde heyden, foreesten, ende ander wildernissen,  
 ende plaeſten, ende waer ghi coint ghi en derft nemmermeer  
 dorſt liden, mer slaet een cruyſ metten hant ouer den nap hi sal  
 15 terstont vol werden van goeden wijn ende ghi en al v geselscap  
 heester genoech aen te drincken al haddi bi v ooc. m. mannen, mer  
 die in doot sonden is en can daer niet eenen dropel wt drincken.  
 Doe seyde hughe so moeten wi al wel leuen. Nv moet v god  
 loonen van die grote gauen die ghi mi wt uwer gracie geuet.  
 20 Abroen seyde, noch wil ic v meer doen. Ic gheue v desen horen  
 van yuoren gemaect, want waer ghi comet ende hen blaest dattet  
 die lieden hooren daer enderfdi niet sorghen voor v leuen. Ende  
 als ghi den horen blaest hoe verre ghi sijt ic sal v wel hooren  
 ende ic sal v helpen ende succoers doen niet honderd duysent  
 25 mijnder mannen wel ghevapent ende op gheseten te paeerde.

### Hoe hughe oorlof nam aen coninc Abroen.

Als dit huge al gehoort hadde, was hy blijde van die grote  
 gelosten, ende hy stond op van der tafelen ende ontfincck die gauen  
 met groter dancbaerheyt ende seyde. O edel coninc abroen dye  
 30 almogende god moet v lonen van al den duechden die ghi mi  
 bewijst. Ende doen nam hughe die edelriddere oorlof aen coninck  
 Abroen met groter reuerencien ende weerdicheyt ende hi scheyde  
 van daer metten sinen ende hy trac na dorinonde [18<sup>b</sup>] Ende als  
 si langhe ghereden hadden so quamen si op een scoon groen  
 35 plaeſte daer een scoon fonteyne was daer ghinc hughe met sinen  
 gheselscap van den paeerde ende si ghingen sitten bider fonteynen  
 om te rusten ende te vermaken hem lieden, doe si gheseten waren

so stelde hughe sinen gulden cop bi hem, ende sloech daerouer  
 dat teeken des heyligen cruyſ ende den nap spranc vol wijns ende  
 hughe schencte al zijn geselſcap den wijn oueruloedelic want den  
 nap gaf planteyt van wijne. Doe elc na sinen wil ghenoech ghe-  
 5 droncken had, so sanc den wijn te gronde ende den nap wert  
 droge doe seyde huge god danckende Gheert ende ghebenedijt moet  
 god zijn die my dese grote ghiften toe gescict heeft, ende die se  
 mi gaf was te saligher vren voor mi gheboren, ende huge nam  
 den horen ende wilde blasen. Aliames seyde ic bid v en blaest  
 10 doch niet voor daz ghi in node sijt want coninc Abroen souts hem  
 anders belgen, doe seyde huge. Neen lieue neue Abroen en sal  
 hem op mi niet belgen dat ic zijn ghiften proeue, ende doen blies  
 hy den horen ende hy had sulcken virtute dat al die dat gheluyt  
 hoorden worden dansende, doe seyde aliames. Ic en heb in al mijn  
 15 daghen noyt sulcken horen gehoort, want dat gheluyt van allen  
 musik spelen, als van harpen luyten, fluyten, sincken, en hebben  
 niet bi tgeluyt van desen horen, ende dit hoorde die edel coninc  
 Abroen, ende hi verstont dat gheluyt wel ende hi seyde tot sinen  
 volck Mijn vrient hughe pijnt mi nu onuerdient, want hi en is in  
 20 gheenen noode noch laste, nochtans wensche ic my bi hem met  
 honderd duysent mijnder mannen. Als coninc abroen dit hadde ge-  
 seyt terstont was hi by [19<sup>e</sup>] hughen, ende aliames sach coninc  
 Abroen comen met sinen volcke ende hi seyde tot hughen al ver-  
 uaert. Nu zijn wi al doode lieden. Doen seyde huge. Laet mi  
 25 lieue neue met minen herre abroen spreken ende en veruaert v  
 niet. Doe quam abroen bi hughen ende seyde wel ionc heere wat  
 hebdi vernomen dat ghi den horen so gheblasen hebt, hughe seyde,  
 ick wilde v ghifte proeuen Doe seyde coninc abroen, meendi dat  
 ic lieghe ende niet waer en seyde doe ic v die ghiften gaf, ic en  
 30 mach god den heere in gheender manieren lieghen, want hy hem  
 daerom seer op mi vergrammen soude, want ic hoore driemael in  
 den iare der enghelen sanc, soudic dan lieghen dat soude quaet  
 zijn, ende ic soude god seer vertornen Doe heyde hughe. O edel  
 heere syt doch mijnder genadich heb ic teghen u misdaen ic sal  
 35 mi beteren siet hier mijn lijf, ende mijn leuen, doet met mi dat v  
 beliefst doe seyde coninc abroen God heeft v ingegeuen dat ghi soo  
 ootmoedelic spreekt, want daeromt ist v al vergeuen Mer ic seg v  
 ende dat bid ick v dat ghy warachtich sijt in uwe woorden voort-

aen, ende ic verbiede v dat ghi nit en liecht Ende ist dat ghi meer  
 liecht daer sal v grooten last af comen, ende ic en sal v niet meer  
 helpen, noch bi staen al waerdi ooc in groten noden. Doe seide  
 huge God ende Maria die moeten my voortaan bewaren dat ick niet  
 5 meer lieghen en moet. Ende huge nam oorlof aen Abroen dye  
 hem die benedictie gaf ende reet na Dormonde met al zijn gesel-  
 scap, ende het was spade in den auont als si te Dormonde quamen.  
 Ende aliames badt eenen dienaer dye hem lieden int gemoet quam  
 dat hi hem goede herberge wilde wijsen. Doe [19<sup>b</sup>] seyde die  
 10 dienaer, vragheret in der Stadt na den baelyou daer vindi van alles  
 genoech van eten van drincken doen dancte alyames den dienare,  
 ende si reden na des baelyous huys daer si voor die poorte af  
 saten. Ende sijn in die sale ghecomen binnen der borcht, daer de  
 baeliou was die hughen ende zijn geselschap wel besach, ende hi  
 15 vraechde hughen van waer hy was, doe seyde huge Ic ben van  
 bourdeus ende hertoech Sanguijn was mijn vader, doe seyde die  
 baelyou so moet ghy willecoine sijn, mer spreect heymelic dattet  
 mijn knechten niet en hooren, want si souden v een minen here  
 brengen, hy haet scer die kersten ende waer hi se crighen can  
 20 daer doet hi se doden. Doe en wilde hugh die onueruaert was  
 niet heymelic spreken, mer hi seyde heer baeliou ghi spreect so  
 wel de fransche tale van waer sidi geboren doe seyde die baelyou.  
 Vrient ic can wel fransoys want ic hebbe menighen dach te parijs  
 ghewoont, ende die graue van bleys is mijn broeder van vader  
 25 ende moeder Ick en hev hier in .xvij. iaer van gods wet niet  
 gehoort noch gehouden: nochtans was ic kersten. Nv moet mi  
 god genadich sijn want ic ben een gherogeert sarasine dat doet  
 mijn heere oydon. Maer en sorget ghy niet want ghi sult van  
 alles ghenoech hebben, van eeten van drincken al wildi hier .vij.  
 30 iaren bliuen, doe seyde hugh danc heft hondert sout wi hebben  
 noch twee malen met roden goude, ende andere silueren gelts ge-  
 noech wy moghen daer menich iaren op leuen, doen seyde huge.  
 Goede aliames ende geerwijn coopt ons vitalie in die Stadt, ende  
 doet seggen, al de ghene die wil eten ende drincken om god die  
 35 come op die borche, men sal hen geuen [20<sup>a</sup>] wijns ende etens  
 ghenoech. Doe loeeh aliames mer hi dede dat hem beuolen was  
 O god wat quamen daer armer menschen, dit gheruchte quam door  
 al die stadt hoe datter kersten heeren ghecomen waren, daer si

hen af verwonderden. Ende aliames cocht al die spise op die in de Stadt was, so dat des conincx saryanten des anderen daghes geen spise en vonden te cope, so dac si gram waren ende seyden, is hier die duuel comen die al dia spise wech heeft. Doe seyden 5 die sarasinen, hier was een kersten die al die spijse opcochte ende dede se draghen in die sale van den baeliou. Om sinen god heeft hy al dat volck ten eten ghenoodt, wye eten ende drincken wille door sinen god die mach comen. Doe ghinghen die saryanten ende dienaers ende seyden dit haren coninck. \*

10 [20<sup>b</sup>] Hoe die saryant den coninc bootscapte datter kers-  
tenen int lant ghecomen waren.

Als Oydon dit verhoorde van den kersten so swoer hi bi mamet dat hi metten kersten ooc soude eten ende hi sat op met .ijj. mannen, ende quam so met grammes moede ghereden tot des 15 baelyous huys, doe die baelyou den coninc sach so seyde hi huge lieue vrient en vermaent doch niet van god dat biddick v, doen seyde hughe dat en sal ic niet laten om desen turcscen hont ic en sal noemen den naem mijns heren die mi gescapen ende gemaect heeft, ende coninc oydon ghinc van sinen peerde voor dye brugge 20 ende quam in die sale met sinen ridders ende knechten ende seyde, mamet segen al dit geselscap Doe seide de coninc totten baelyou, heeft hem de duuel hier int lant ghebracht dat hi ol die spijse heeft op gecocht die hi hier vant, want mijn saryant en vant heden mor- 25 ghen niet voor eenen penninc spise te copen noch ooc dranc Doen seyde hughe god seghen ons spise, want na dat ic hier volck sie so en is ons spise niet te veel, ende wie wil eten ende drincken dat staet hier al tot sinen wille bereyt ic gheue hem allen dat bli- delic om god ende zijnder gebenedijder moeder maria ende door alle gods heyligen doe coninc oydon van god hoorde spreken wert 30 by gram ende seyde. Bi minen ternogant ghi kersten ic wil hier ooc eten, ende hi swoer bi mamet ende op sinen tant, ghy kersten ghi en sult nemmermeer comen wt mijn lant Nv waren die spijsen al bereyt ende hughe ende Oydon waren ter tafelen geseten, ende daer wert broot ende wijn ghestelt ende veelderley seer goede 35 gherichten, ende daer wert den armen ende den rijcken wel ge- dient huge dye [21<sup>a</sup>. F] metten coninc adt sette voort sinen

schonen nap ende cop van goude ende sloech daer ouer de benedixie metter hant dat teyken des heylighen cruyſ ende die wert terstont vol van goeden wijn. Doe seyde die coninc oydom bi  
 mamet van waer comet dit wonder dat ic hier sie hoe mach dit  
 gheschien, aldus danighen wonder en heeft noyt man ghehoort  
 noch gesien. Doe seyde huge heer coninc al haddic hondert duysent  
 mannen, si souden daer al ghenoech af hebben te drincken:  
 men soude daer anders niet doruen schnicken. Die coninc dit  
 horende was blije ende hi seyde heymelic en hem seluen, die  
 kersten sal moeten steruen, ende dan sal den cop mijn sijn, ende  
 die coninc sette den cop aen sinen mont, ende meende te drincken  
 wt den nap, mer den wijn ontsanck hem wt sinen mont tot in den  
 gront van den cop waeraf hi seer verwondert was, ende seyde bi  
 mamets billen, dit dunckt mi sijn betouerden wijn. Ic meende  
 daer wel af hebben ghedroncken mer hi is mi al heel ontoncken  
 Doe seyde huge, dat deet v groote hoosheyt dat ghij van den wijn  
 niet drincken enmoecht, vint eerwijken hebdy kersten gheweest  
 ende nv sidi een verloghen sarasijn. Doe seyde oydom. o vrient  
 wat seydi. Ick vermane v bi den name des ghenen dien ghi dient  
 segt mi wt wat lande dat ghi geboren sijt. Huge heyde, heere om  
 dat ghij weten wilt. Ic ben te bourdeus kersten gedaen ende  
 hertoch sanguijn was mijn vader mijn broeder heet gheraert ende  
 ic heet hughe. Doe seyde coninc oydon so weest willecome: want  
 so ben ic v rechte oom, want v moeder was mijn suster, doe seyde  
 Gerin so benic ooc v neuo ende hi seyde wie sijn moeder was.  
 Doe seide die felle payen hoe comdi hier in mijn lant, ghi moet  
 met mi reysen tot mijnen casteel ende tot mijnder salen [21b].  
 Doe seyde huge. Oom wildi weder kersten sijn so sal ic met v  
 reysen daer ghi wilt. Doe seyde oydon, daerop sal ic mi beraden.  
 Ghi sijt mijn liefste magen ic sal veele door v doen, ende so quamen  
 si tot sinen casteele ende in sijnre salen, ende aliames ende  
 gherijn waren geuangen. Ende die valsce verrader oydom quam  
 ende seyde heymelic sinen kerckerier dat hi soude doen wapenen  
 .cc. sarasinen om te dooden dese kersten. Als dit dye torenwaer-  
 der hoorde was hy droeuich ende claechde seer seggende Ay la-  
 sen god moet beteren dat ic hier bi bedwanck moet sijn die Kerc-  
 kerier ende moet gaen ende doen mijn magen verslaen. Mer eer  
 ict dade ic soude lieuer steruen. Ende doe ginc hi inden kercker

daer si geuangen saten ende riep luyde. O ghi kersten waer sidi god moet v allen v pine versetten, ic hope dat ghi wel van hier noch sult comen, ende daer toe sal ick v lieden helpen met al mijn macht. Ende hughe is in der salen met sijn .xij. die oydom 5 meynt te verslaen, mer wildi v lieden ter weer stellen ic sal v halen alrehande wapenen. Ende de kersten hadde tcasteel van coninc oydon. in ende daeren mocht niemant op van den ongelouigen, dies die coninc gram wert ende wilde tcasteel bestormen. Dit siende die baelyou seyde totten coninc here wat wildi maken, 10 wildi v casteel breken daer en is gheen schoonder noch stercker in al v lant, de kerstenen en moghen v niet hinderen want si en hebben niet teten, ende ooc weet ic wel mach ic de kersten spreken si sullen tsldt wel op geuen, ende so quam die baelyou ter poorten van den casteel ende clopte daer aan Ende hughe liep 15 terstont ende lieten in doort wincket ende sprac tegen hugen, die den baeliou clagede dat hi sinen cop ende horen verloren had. Doen seyde een man die metten baeliou quam, daer is uwen cop ende horen [22<sup>a</sup>. F ij] \*

Hoe hughe op eenen stercken toren liep ende blies sinen 20 horen als hem Oydom die valsche verlochende kersten van-  
ghen ende doden wilde.

DOe hughe sinen gulden cop ende horen had weder gecregen  
so was hi blide ende hi liep bouen op eenen stercken toren met  
sijn geselscap ende hi blies seer luyde sinen horen, die so soeten 25  
gheluut gaf dat si alle blijde waren die hen hoorden ende sie wer-  
den danssende ende die coninc werd ooc danssende met sijn mannen  
van wapenen ende seyden dat si noyt soeter geluut en hadde gehoort  
ende baden hen dat hi noch blasen soude twelck hi dede ende  
blies met sulcker cracht dat geringe coninc abroen hoorde daer hi 30  
te Moyon lach ende seyde tot sinen heeren ende mannen [22<sup>b</sup>] Ic  
hore mien men vrient men heeft hem te dorimonde niet welgedient  
want hi is in groten node heuaen ic wil hem met mijne hulpen bi-  
staen. Nv begeer ic hier te sijn bi gods wille met hondert dusent  
mijne mannen wel gewapent Ende so geringe als de coninc abroen 35  
hadt begeert was hi terstont met sijn macht de dorimonde. Ende  
als hem hughe sach was hi seer verblijt, ende daer versloech coninc

abroen met sijn volc al die sarasinen ende mannen van wapenen die  
 hugen met sinen gesellen wilden verslaen ende si en conden hem  
 niet verweren so dat se daer al doot bleuen, ende hughe nam sinen  
 oom oydon geuangen ende scanc hem dem coninc abroen, die seyde.  
 5 Hughe neue wildi niet dat v oom leuende blyue. Neen ic seyde  
 huge, hi heuet qualic tegen my verdient. So suldi sijn gewroken  
 myn vrient. Ende abroen seyde, so sal hi hangen bij der keelen  
 aen een galge. Daer en bchoedmen niet te lopen noch te gaen  
 noch hen veel te pinen, want also saen als Abroen die goede here  
 10 die woorden had begeert so was hi buten der stede terstont aender  
 galgen geknoopt. Ende den baylyou vander stadt wert gegeuen  
 al dat lant ende den kerckerier den goeden man. Doe seyde co-  
 ninc abroen tot huge Die here Jesus die moet v bewaren van allen  
 tegenspoet, ende reyst nv na babilonien om v bootscap te volbren-  
 15 ghen totten amirael Gaudijs ende tusschen wegen suldi vinden een  
 tstercke casteel dat onwinlic is ende heet dunalster: daer woont een  
 groot misscapen tyran die al tlant daer ontrent bedwingt, ende tis  
 een edel sarasijn ende hi ontfanet iaerlicx cccc. m. gouden bisanten  
 vanden babiloenscen van hoot gelt, ende deden sijt niet si souden  
 20 moeten steruen. Och here seyde hugh, soudic dien tyran sparen  
 ic sal mijnen horen blasen heb icx van doen. Doen loech abroen  
 ende seyde Hu [23<sup>a</sup>] ghe dat weet god dat myn hulpe bereyt is.  
 Ende is dat ghi dat casteel winnen mocht daer is op een halsberch seer  
 scoon, ende sijn meester wracht daer ouer .vij. iaer lanck. Ende  
 25 hi is van sulcker cracht dat so wien aen sijn lijf heeft, dien mach  
 deren noch quetsen swerden noch geenderley wapen ende hi past wel  
 een kint van .ij. iaren, ende hoe dick ende hoe groot dat een man is hi  
 salhem oock passen Mer dien aen sijn lief draghen moet sijn een vry  
 edel man ende hi moet ooc suuer sijn van alle dootsonden Ende waer  
 30 ooc dat v moeder gepeyst had om met een anderen man te conuer-  
 seren ghi sout ooc niet de halsberch comen nen aen doen al mocht  
 ghi daer mede winnen al dat goet van alexandrien. Doe seyde huge,  
 o heer coninc ic ben een edel man, ende myn moeder was een edel  
 vrouwe, ende was ooc loyael ende getrouwe goet stantuaestich. Doe  
 35 seyde abroen die edel man, god vanden hemel moet v geleyden  
 ende bi v sijn in allen uwen weghen. Ende si sijn vriendelic van  
 malcanderen ghescheyden ende hughe nam oorlof met sijn ghesel-  
 scal ende reedt wech menigen bijsteren wech door bosschen ouer

bergen, valleyen ende reden so langhe dat si quamen op een hoghe montaengie daer si saghen een schoon stercke casteel. Doe seyde de grijse Aliames na mijn wanen so staet daer dat casteel van dun-alster, daer ons coninck Abroen af seyde.

5 Hoe hughe voor Dunalster quam ende sloech aen dat gulden becken dat aen der linden hinck voor dat casteel.

[23b] \* NA dat hughe dat had verstaen van Aliames seyde hi.  
 Neue ghi segt wi willen hier gaen ride[n] god sal ons helpen ende sparen. Als si alle quamen gereden voor die poorte vanden casteel  
 10 so sagen si daer een werc seer neerstelick gedaen. Daer stonden drie metalen mannen, ende elc had eenen yseren vleghel in sijn hant  
 slaende so crachtelic dat niemant en corde noch en dorfte ge[24a]  
 naken der poorten vanden casteel. Als si dat saghen so waren si  
 15 qualick tevreden ende hughe seyde. O lieue here ic en sal bin-  
 nen den casteel niet comen door die metalen mannen die hier staen.  
 Ende aliames seyde. Dit casteel is onwinlick door dese metalen mannen mer waer die poorte open, so souden dese mannen haer  
 20 slaen laten dat weet ic wel Doe hadde huge menige gedachte ende hi sach al omme hier ende daer, also dat hy daer sach staen een  
 linde daer aen hinghen twee hecken van goude. Ende als hi die  
 ghesien hadde so track hi sijn swaert wter scheyden ende sloech  
 25 aen dat een becken datmen den clanck bouen hoorde op dat slott  
 Ende terstont so quain daer een schoone suuerlijcke ionffrouwe in  
 die vensteren bouen die poorte van den castelle, ende si sach ter-  
 stont ende mercte dattet kerstenen waren ende si liep beneden ende  
 ontdede dye poorte. Ende als die poorte open ghedaen was, so  
 lieten die metalen mannen haer slaen staen: Als nu die poorte open  
 30 was so ghinck hughe van sinen paerde ende hi is totter schoonder  
 ionffrouwen voorseyt ghegaen binnen der poorten vanden casteel  
 ende Aliames ende gherijn ende die thien ridders bleuen daer buy-  
 ten. Ende als hi binnen was doen sloten se weder die poorte, ende  
 die metalen mannen sloeghen doen weder aen als si te voren had-  
 den ghedaen. Ende hughe die ghinc met der suuerlijcker Jonffrou-  
 wen binnen den casteel, in welcken casteel hi wijf noch manen ver-  
 35 nam, waer hi sach altoos op de schoone ioncfrouwe von wat landen  
 si geboren was dat si so wel conde spreken die fransche sprake.

[24<sup>b</sup>] Die ionffrou seyde. Here ic ben geboren wt vranckre van hoghe magen ende groten geslachte: ia so groot als in vrgncrike eenich heren sijn sonder den coninc, want de kinder van bourdeus sijn mijn neuen, die een heet Gheeraert ende die ander hughe. Als dit hughe hoorte greep hi die ioncfrouwe in sinen armen ende seyde wel moet v god doen mijn lieue nichte mijn broeder heet gheraert ende ic ben hughe ende mijn vader was hertoge sanguijn. O lieue nichte hoe lange hebdi hier gewest op dit casteel Doe vertelde si hughen alle de saken ende manieren met wenende oogen seer deer-lic screyende ende seyde Mijn oom odom die wreede tyran bracht mi hier in dit ongelouwiche lant, ende hi bracht ooc hier den edelen man aliames, ende mijn oom verlochende tkersten geloue ende is geworden een turcx tyran om dat hi coninc woude sijn in Dorimont. Aldus heeft hi mi iammerlick verraden ende die goede here aliames is gheuangen, ende ic sorghe dat hi daer nemmerweer wt comen sal. Doe seyde huge lieue nichte ouer uwen oom sidy ghewroken, want die quade hont hangt aen een galge buten Dorimont Ende ic bid v lieue nichte wijst mi den hēre Agayant die soo seer ontsien is in dit lant tot babilonien toe Dye ioncfrouwe seyde. Dat en derf ic niet doen, mer wildy mi ghelouen dat ghi hem verslaen sult ic sal-len v wijsen Hughe seyde, weerde nichte dat sal ic doen ende ic hope bider hulpen der maghet maria dat ic hem van der werelt v sal quijt maken Doe seyde de ioncfrouwe huge here neue hi leydt ende slaept aldus hebdi hem lichtelic te doden ende sijn hooft afte slaen. Anders als hi op die beenen waer ende hi hem ter weer mocht stellen alwaer uwer hondert so wel gewapent als ghi, daer en soude niet een af ontgaen [25<sup>a</sup>. G] hi en sloeghe v allen doot Doe seyde hughe. Lieue nichte so moet wel een fel man sijn ic souden geern sien, ic bid v wijsen mi. Doe seide si, gaet twee cameren door ende in die derde camer leydt hi ende slaept Doe ginc huge in deerste camer daer hi eenen afgod vandt staen gegoten van finen goude mer hi was binnen hol, ende hugewerp den afgod ter aerden neder. Ende daerna quam hi in de tweede camer daer hy twee afgoden vant die hi ooc ter aerden werp. Daer na quam hi in die derde camer daer hy sach een bedde staen dat seer schoon ende playsant was daer op lach dye grote Daygant hebbende een hol magher aensicht met twee lippen als een osse mule met eenen groten bulte op sinen rugge, ende hi was seer afgriselic om aensien

ende hi hadt een costelijc oorcussen onder sijn hoofst. Die stapeken  
van der bedtstede waren van finen goude seer costelic gewracht,  
ende op elcken stapel sanck een vogelken elc na sijn behoorte. Als  
5 riep he met luder stemmen. Stant op ghi hont, hoe legdi op so  
schonen bedde die self so lelic sijt Met dese woorden wert dagayant  
wacker ende hi sprang van sinen bedde ende seyde. Ghi sijt een  
stoute knape dat ghi hier dorft comen, maer ic weet wel dat v mijn  
wijf hier gesonden heeft want si mi seere hatende is. Ende bi ma-  
10 met seyde dagayant, ghi en waert noyt verrader noch ongetrouw-  
man haddi van quadon geslachte geweest ghi hadt mi mijn lijf ge-  
nomen in minen slape, mer segt mi wat ghi hier in mijn lant soect.  
Hughe seyde ic moet reysen te babilonien totten amirael Gaudijs daer  
moet ic coninc karel van vrancrijcke een bootschap doen, ende ic  
15 moet hem brenghen dat hare van sinen baert ende sijn vier winckele  
[25<sup>b</sup>] tanden wt sinen mont Doe seyde Dagayant lieue knape dat is  
een grote sake want die amirael en gaue sijn winckel tanden niet  
om al coninc karels landen die hem toe behoren. Nu segt mi seyde  
dagayant tot hughen, wt wat lande sidi gheboren. Hughe antwoorde,  
20 ich bin gheboren te Bourdeus, ende hertoch Sanguijn was mijn va-  
der, ende mijn broeder heet Gheeraert, ende ic heete hoge Ende  
Dagayant seyde, hoe sidi so koene in mijn landt ende hier op mijn  
casteel te comen, Hier heeft gheweest een coninc van grooter macht  
die de crachte hadde van .iiij. mannen, nochtans en nochte hi mi  
25 niet verwinnen noch tonderbrenghen met sijnder cracht die hi hadde  
van natuerlijcker sterckeit, ic heb hier binnen eenen halsberch dye  
is seer schoone ende claer, daer ouer heeft gewracht meester Seye  
op die zee .vij. iaer lanc. Ende hi is van sulcken virtuten ende van  
so grooter cracht ende machte, die den halsberch aen heeft hi en  
30 derf niet sorgen dat hi gheslagen worden sal noch stael noch ysere  
en mach hem niet sniden noch quetsen, noch geen wapenen en mach  
hen deeren. Ende die den halsberch dragen sal dat moet sijn een  
vry eedel man hi moet ooc suuer sijn van hoofst sonden ende sine  
moeder moet ooc sijn een goede ghetrouw vrouwe Ende doe hem sijn  
35 moeder droech dat si doe op eenen anderen man hadde ghedacht om  
dyen te concenteren buyten baren eyghen man soo en soude dat  
kint den halsberch niet mogen aen doen. Ende den halsberch sal  
wel passen een kint van twee iaren: ende eenen groten man soudet

oock wel passen, hoe groote, ho coort hoe lanc dat oock ware.  
 Doen seyde Hughe soo soudick den halsberch wel aendoen,  
 want ic ben een edel man [26<sup>a</sup>. Gij] Ende mijn moeder was een  
 goede vrouw ende een edel wif die haren man getrou was Als dagayant  
 hugen dus hoorde spreken seyde hi. O knape ghi vermeet v seer  
 grote dingen, die grote coninc karel en soude hem sulcke dingen  
 niet vermeten dat hy den halsberch oen soude doen Doe dede da-  
 gayant Hughen den halsberch, dien hy wel besach ende docht hem  
 veel te cleen sijn voor een kint van twee iaren, mer hughe nam den  
 10 helsberch ende sloech hem ouer sinen hals ende hy paste huge wel.  
 Dit siende dagayant riep met luder stemmen, trect oot den hals-  
 berch Doe seyde hughe. Dagayant siet ghi om eenen anderen desen  
 is mijn, want coninc Abroen prees soo seer desen halsberch  
 dat icken nyet geern en soude willen wt doen. Doe seyde dagayant.  
 15 O vriend ic weet noch een beiter stuck, geeft mi den halsberch we-  
 der, ick sal v schincken desen rinek dien ick hier aen mijn hant heb,  
 ende dan suldi v bootscap van coninc karel van vranckijcke sonder  
 sorghe wel mogen doen, want den rinck is van suloker virtuyt ende  
 cracht, so verre als ghi dien bi v hebt soo en can v niemant scha-  
 20 den, noch die amiraal en sal v nyet dorren misdoen al haddi die  
 helft van sinen heeren ende edelen doot, ende door die cracht des  
 rinck so ontsiet mi die amiraal seer. Doe seyde hughe den rinck  
 wil ick hebben ende willen houden voor mi. Neen seyde dagayant  
 dat en sal so niet sijn, so sie ic wel dat wi moeten vechten daer om.  
 25 Ende doe ghinc hen die ruese wapenen ende hi dede veel harnas  
 sen ende bouen dat harnas nam hi sinen schlilt ende een groot  
 swaert dat hughe te wonder aensach, nochtans bleef hughe stout  
 ende onuersaecht.

Hoe die ruese Dagayant verslagen was van huge metter  
 30 hulpen van sijnre nichten des ruesens wif.

[26<sup>b</sup>] \* DOe quam die ruese in de sale al gewapent om teg-  
 hens Hughe te vechten. Ende hughe heuet getrocken sijn swaert  
 ende die ruese ooc sijn swaert ende si zijn doe tsamen gecomen  
 Ende dagayant sloech seer vreeslic na hughe, mer huge dechte hem  
 35 met sinen schlilt ende verhief sijn swaert ende sloechhem een groot  
 stuck van des ruesen schilde ende cloefde des ruesen schlilt ende

sloech hem opten helm datter vuer daer wt spranc. Doe dat dagay-  
 ant sach meende hi wtsinnich te worden ende sloech hughe met  
 eenen slage dat hi buechde ende viel op sijn knyen te [27<sup>a</sup>]ghens sinen  
 danc: mer hi spranc haestelic weder op vander aerden ende stelde hem  
 5 vromelic ter weer ende si sloegen op malcander menigen swaren  
 slach. Ende en had die halsberch niet goet geweest, huge en hadde  
 den ruese niet wederstaen Ende die ioncfrou hoorde dese vreeslike  
 slagen ende si was seer besorcht voor huge dat hy verslagen soude  
 werden ende si liep metter haest in de camer daer si vochten ende  
 10 seyde. O hughe haddi den duuel verslaghen als hi sliep so haddi  
 sonder sorge gheweest. Doe seide huge Dat en haddic niet ghedaen  
 om alder werelt goet noch ooc en wil ic niet doen verradelic. Doen  
 seyde dagayant. O quaet ongetrou valsche wijf, ic geloue v bi ma-  
 met; ic sal v noch tauont in een vier stellen, ende so sal ic v doen  
 15 steruen. Doe greep de ioncfrouwe eenen groten stock ende sloech  
 opten dagayant met groten geere mer die ruese en paste daer niet  
 op. Als si dat sach was si droeuich ende nam den stock ende stack  
 en tusschen sijn beenen ende hi viel ouer den stock der aerden.  
 Ende huge sloech doe op hem ende hi quetsten seer int hooft so dat  
 20 hi al beswijnde. Ende hughe ontdekte hem sinen helme ende  
 sloech .xv. slaghen eer hy den ruese den hals afsloech Als nv die  
 ruese doot was so was die ioncfrouwe seer verblijt ende si dancte  
 gode met goeder getrouwener herten.

Hoe dat Aliames Gherijn ende die thien ridders quam  
 25 onder die linde ende sloeghen ooc op dat gulden becken  
 om bi Hughen te comen.

[27<sup>b</sup>] \* ALs hughe nv langhe tijt opt casteel hadde gheweest  
 ende hi niet weder af en quam, so hadde sijn volc groot verlanghen  
 waer hughe bliuen mocht So seyde Aliames die grijse. O lacen god  
 30 ic weet wel dat huge sijn lijf verloren heeft ende dat hi doot ende  
 verslagen is [28<sup>a</sup>] sonder reden. Gherijn ghinc ter lijnden waert  
 ende hy sloech een dat becken van finen goude dat aender linden  
 binck dattet clanc. Ende hughe hoorde dat gheclanck inder salen  
 daer hi bijder ioncfrouwen was ende hi liep ende dede ter stont die  
 35 poorte open ende doen lieten die metalen mannen haer slaen staen,  
 ende hugens geselschap quam al op dat casteel endi si sloten die

poorten ende doe sloeghen die metalen mannen weder om aen als  
 si te voren hadden ghedaen Ende doen leyde hughe alle sijn volcke  
 in der salen die hem allen seghenden als si saghen den groten ruese  
 dagayant daer lighen verslaghen. Ende doen nam hughe den rinck  
 van dagayants vingher ende hy sach hem wel, ende hy was so groot  
 datten hughe lichtelic aen sinen arme stack totten ellenboghe, ende  
 in den rinck was ~~enen~~ groten costelijcken steen dye den rinc sijn  
 cracht ende virtuyt gaf. Doe seyde huge Nv en wil ic niet langer  
 beyden, ic wil gaen reysen na babilonien, ende Gherijn mijn neue  
 sal hier blijuen bi mijnder nichten ende ghi allen tot dat ick weder  
 keere, want hier is eeten ende drincken ende van als ghenoch, v  
 en sal gheen dinck gebreken. Maer aliames gherijn ende sijn thien  
 ridders wilden ymmers met hem reysen, mer hughe en wildes niet  
 hebben ende hy nam oorlof aen hen allen, dies si seer bedruct wa-  
 ren dat hy alleen wech wilde reysen ende vertrecken. Ende hy is  
 alsoo ghescheyden van den casteel ende van sijn nichte ende van  
 alle sijn goet gheselscap ende is na babilonien ghereden, ende so is  
 hy ooc ghecomen op di rode zee oft op dat roode meer, daer en  
 mocht hi niet ouer noch hi en vernam geen scepen die hen ouer  
 brengen mochten soo dat hi seer bedroeft was [28<sup>b</sup>] Aldus staende  
 Huge al seer bedroeft op di zee cante so sach hi van verre in de  
 zee een wonderlike creatuer comende op dye wage vander zee,  
 ende was swart ende leelic als diē duuel. Waeraf hughe veruaert  
 was ende reedt achter waert metten perde ende hi sette sijn hant  
 opten appel van sinen swaerde Ende also ons die historie vertelt so  
 quam dat creatuer te lande ende scudde dat leelic zwarte wel wt  
 ende lietet vallen ende was een frisch scoon man Doe dit huge sach  
 veruaerde hi hen noch seer ende hi sach den man te wonder aen.  
 Doe seyde die man Joncheer en veruaert v niet, ic ben hier comen  
 metten aluen, ende coninc Abroen heeft mi hier gesonden ende ic  
 moet ymmer sinen dienst voldoen ende ic sal v metter spoet ouer-  
 dragen dat ghi v niet eens nat maken en sult Doe seyde huge vrient  
 ghi segt dat v mijn here abroen hier ghesonden heeft hoe is dan  
 uwen name. Doe seyde die man. Ic heet malproen ende ic moet in  
 deser zee mijn penitencie doen mer god heb lof ic en heb gheen  
 pine: ic wandele bat in dit water sonder pine dan yemant anders  
 op dat land inder sonnen schine. Doe seyde die man. Nv sidt op  
 metter haest want wat mi mijn here Abroen ghebiet dat sal ic im-

mer doen Ende hughe sadt op ende dye man stelde hen met zijn  
paert terstont ouer die zee aen dander side opt lant Als hughe sach  
dat hi ouer die zee was aen dander side so weert hi seer verwon-  
dert ende seide God loone v dat ghi mi so wel ghedient hebt. ende  
6 danc moet hebben coninc Abroen, ende met goeden rechte mach ic  
hen wel lief hebben ente altoos dancken.

### Hoe hughe binnen Babilonien alleen quam ghereden totten amirael.

[29a. H] \* ALs hughe die zee ouer geset was so was hi blide  
10 ende nam orlof aen maleproen ende hi reet wech na babilonien.  
Ende als hy ontrent der stadt quam, so quamen hem int ghemoet  
wel .c. mannen met valcken ende sperweren op haer handen ende  
reden vliegen. Daerna quamen noch .cc. mannen met bracken  
winden, haes winden ende ander honden ende reden iagen. Daerna  
16 quam seer veel volcx die int velt ghingen schieten ende spelen.  
Ende als hughe in die stadt quam so sach hi ooc al die stat vol volcx  
ende een yeghelic maecte bliscap. Ende voor des amiraels hof wast  
oock vol volcx. Ende die amirael had bi hem in sijn sale .xxx.c. rid-  
ders ende veel ander heren ende princen. Ende waerom dat die edelen  
20 ende heren vergadert waren ende dattet volck al blijde was, was dese  
sake Het was op s. Jans dach te midde somer die de sarasinen vieren  
[29b] als wi den paesch dach doen, so dat op dien dach plagen die ghe-  
meementen ende heeren te vergaderen ende hielden feest Ende huge ver-  
wonderde van al dat volc dat hi sach ende seide O here iesu waer sach  
25 oynt man so veel volcx. Aldus was hughe in menighe ghedachten ende  
in groten sorgen denckende hoe hi den amirael soude moghen spre-  
ken Ende hughe reet in een herbergh ende bestelde sijn paert  
ende hi ghinc ten houe van den amirael ende hi clopte aen die  
poorte ende seide. Laet in ghy poortier, ick ben hier ghesonden  
30 vanden coninc van Mombrant, ende terstont sach de poortier dat  
vingerlinc ende seyde. Bi mamet heere sijt willecome, comt in ende  
doet al dat v belieft, hoe gaget met onsen here Dagayant. Doe seyde  
huge, dat suldi weten, ende mettien dede die poortier die poorte  
open ende liet hughen in. Ende als hughe binnen der poorten was,  
35 so track hi sijn swaert wt ende sloech den poortier sijn hooft af.  
Doen wert hughe denckende dat hi nyet waer gheseyt en had ende  
seyde in hem seluen. Ay lacen wat salic maken, ic sorge dat co-

ninc abroen sal op mi sijn vergramt om dat ic ghelogen heb als ic voor die poorte quam ende want op dat vingerlijn en dacht ic niet dat ic aen mijnen arm hadde. Ende so ghinc huge voort met grote claghen ende sorge tot aen die ander poorte ende hi riep doet op 5 portier ende laet in coninc karels van vrancrijcx bode want ic wil spreken uwen heere den amiraal Die poortier dit horende was seer verwondert ende seyde, bi wat manieren dorfdi hier comen. Doe seyde hughe, besiet wat rinc is diet die ic hier aen minen arm heb. Doe sach de poortier wt ende hi sach den rinc Doe seyde de poortier, vrient mamet geef v goeden dach, wat doet ons here dagay-[30<sup>a</sup>. Hij]ant. Doe seyde hughe, in trouwen dat suldi noch weten Ende die poortier ontdede die poorte ende Hughe is daer binnen ghecomen ende track sijn swaert wter scheyden, ende sloech den poortier op sijn hooft dat hijt hem cloefde so dat hi doot ter 15 aernden viel. Ende doen is hughe ghegaen aen die derde poorte ende hi riep. Laet in, ic ben een messagier van coninc karel van vrancrijcke, ic moet spreken uwen heere den amiraal. Doen was die poortier seer verwondert ende seyde. Heere ick en mach v niet in laten voor datter ghegeten is. Doe seyde hughe, besiet dan dit 20 vingherlinck, ende kendi dat niet. Doe sach dye poortier wtwaerts ende hi sach dat vingerlinc ende seyde Vrient goeden dach geef v mamet, wat doet ons here dagayant. Hughe seyde, dat suldi wel weten eer de amiraal heeft ghegheten. Mer die poortier was seer coen ende stout van sijnen wercken ende hy heuet in sijn hant eenen 25 stock van .vij. voeten lanck beslaghen met yseren plaeen hebbende een groot metalen hooft, ende dat nederste was den sluetel daer hi die poorte mede ontdede, ende die stercke payen seyde, here ghi en dorft v niet ontsien te spreken den ammirael Gaudijs, want daer en is niemant also coene die v misdoen sal, oft hi soude comen in 30 sware schade soo verre als ic desen staf hebbe maer hughe en antwoorde niet een woert, mer hi is die trappen op gheghaen in dye sale vanden pallaye daer alle dye heeren saten ende aten, ende Hughe mercete waer dat di alder hoochste tafele was ende hy kende ten laetsten den rijcken Ammirael Gaudijs, ende sach staen voor des 35 amiraels tafel die grote ontsiende coninc van Anapele, die dicwils den kerstenen [30<sup>b</sup>] groot leet ende schade hadt ghedaen ende huge trac sijn swaert ende seyde Ic meyn v sijt op v hoede ende huge die sloech daer aender tafelen den coninc van anapele zijn

hooft af dat spranc opter tafelen in een gulden cop. Ende mettien  
 so heeft huge gesien des amiraels dochter die hi custe aen haren  
 mont. Als hughe dus Claramonde in sinen armen greep so sach die  
 amiraal dat vingherlijn van dagayant steken aen hughens arm ende  
 5 seyde. Nv doet al uwen wille ende al dat ghi begheert, wat doet  
 ons here Dagayant. Hughe seyde dat sal ic v seggen den here  
 dagayant heb ic verslaghen op dat stercke slott te Dunalster, ende ooc  
 nam ic hem dit scoon costelic vingerlijn. Ende ic seg v ghi moet mi  
 gheuen dat haer wt uwen baerde ende v achterste vier hoeck tan-  
 10 den wt uwen monde want ic wil se hebben. Als dit die amiraal  
 hoorde wert hi toornich ende seyde tot sijn dienaers Vangt terstont  
 den franseys hi sal moeten steruen, ter quader tijt quam hi hier in  
 mijn lant. Als dit die amiraal gheseyt had so werden daer terstont  
 veel messen getrocken, ende si sloegen op Hughe met grooter  
 15 cracht van achter ende van voren, ende Hughe weerde hem vromelic  
 mer hi en mocht niet staen tegen die grote macht ende menichte  
 der sarasinen, mer hi versach hen ende liep op eenen stercken to-  
 zen vanden paleyse ende daer blies hi sinen horen so dat si alle  
 die daer waren rike ende arm, heeren ende knechten, edel onedel  
 20 ginghen al tsamen dansen ende springen, ende die amiraal ende sijn  
 heeren dansten voor, door dat ghelyuyt ende vertuyt van dien horen,  
 want noyt tevore en hadden si so soeten ghelyuyt gehoort, ende die  
 sarasinen riepen al lieue vrient blaset noch meer. Ende huge blies  
 25 met sulcker cracht dattet die coninc Abroen hoorde ende hi seyde  
 tot sinen heeren [31<sup>a</sup>] Nv is hughe weder in groter noot, maer ic  
 en sal hem nv niet helpen om dat ic gram op hem ben, want als  
 hi quam voor die eerste poorte van des amiraels hof daer seyde  
 hi lueghenen, daerom sal hi veel lijden ende verdriets hebben,  
 30 ende ic had hem verboden dat hi niet lieghen en soude, daerom  
 en sal ic hem niet helpen noch bistaen. Ende die edel huge ver-  
 nam wel dat die goede coninc abroen op hem gram was om dat  
 hem gheen hulpe enquam.

**Hoe hughe gheuanghen was ende wert ghebracht voor den  
amiraal Gaudijs.**

35 **Als nv hughe sijn blasen liet staen so quamen die sarasinen  
met cracht op hughen gelopen, so dat hi hen niet langer gheweren**

enconde, ende hi wert met groter cracht geuangen ende sijnen  
 halsberch wert hem wt gedaen ende sinen gulden cop ende sinen  
 horen wert hem ghenomen, ende doe wert hi voor den amirael  
 gebracht dye hem seyde. O ghi vassael ghi wilde heden hebben dat  
 5 hare wt minen baert ende mijn vier hoeck tanden wt minen mont  
 mamet moet v scheynden ghi bebt v seluen groote quaet ghedaen  
 want nv moet ghi doch quader doot steruen. Doe seyden die he-  
 ren, doet hem raybraken, want ghi en moecht gheen felder stran-  
 gher doot vinden, Doe seyde de amirael, dat sal so geschien. Dit  
 10 heeft verstaen die schoone Claramonde des amiraels dochter hoe  
 dat hughe soude moeten steruen. So dachte si in haer seluen, hi  
 custe mi heden voor minen mont, sinen aessem is so soet hi soude  
 mijn herte wel maken ghesont want ic ben sijnder liefden doorwont,  
 ende sterft hy ick en werde nemmermeer blijde. So is si voor ha-  
 15 ren vader ghecomen, daer die heren saten inden gedinge van Hug-  
 hens doot die haer al reuerencie deden ende si seyde Hee[31<sup>b</sup>] re  
 vader wilt mi doeh verstaen, want twaer quaet dat ghi desen fransoys  
 sout doen dooden, want mijn here dagayant heeft hem hier tot v  
 geseynt, ghi en dorft niet willen om al v lant dat ghi hem hadt ghe-  
 20 doot, mer gheeft mi den fransoys ic sal hem stellen int prijsoen, ic sal  
 hem water ende broot teten gheuen. Dit horende die Amirael seyde,  
 lieue dochter uwen raet is seer goet ende is comen wt wisen ver-  
 stant, mamet moet des eer hebben die v ghewracht heeft. Ende  
 die ionffrouwe heet hughen ghenomen ende heeften in haer camer  
 25 gheleyt, ende setten hem daer op groen siden tapijtserie clees-  
 deren, ende dye schoone bloeme ghinc bi hem sitten ende seyde  
 Jonchere met oorlof dat ic vraghe hoe is uwen naem. Hi seyde,  
 Joncffrouwe ic heete Hughe van bourdeus, de ioncffrouwe seyde  
 tot huge wildi mijn lief sijn ende mijn minne draghen, ghi sult  
 so daer veel mede winnen ende wildi met mi dijn minne hanteren  
 ick sal v wederomme in kerstenrijcke doen keeren, ende al be-  
 houdelijc uwer eerend ende ghesont, al hadden si al uwen doot  
 ghesworen die in babilonien sijn. Doe seyde hughe Joncffrouwe en  
 wilt daer niet af spreken, want dat en sou ic niet doen om alle  
 35 dat goet van uwen landen, want ghy sijt een sarasine ende ghe-  
 looft in mamet ende in ternogant, Ay lacen ick ben comen in  
 dit verdriet om een woort dat mi ontuloech waer om ic den goe-  
 den coninc Abroen verwracht ende vertoornit hebbe. God die

here moet mi helpen, want ic sorghe ick en woorde nemmermeer  
weder abroens vrient. Ia seyde claramonde ghi hebt mi sarasine  
gheheeten, ende ghi hebt grotelijck misdaen ghi sult ervoor qua-  
den loon ontaen ende Claramonde was seer gram op Hughen ende  
5 si de [32<sup>a</sup>] de hem brenghen in haren kercker met .iiij. dienaren  
ende si swoer dat hi daer doot soude bliuen ende si verboordt dat  
hem nyemant noch teten noch te drincken gheuen en soude. Aldus  
is huge nv in groeter sorghen ende in anxten so riep hi seere ende  
seyde O Abroen edel here een coninc van caritatene, ghi sijt fel  
10 suldi mi hier laten so sie ic wel dat v herte is fel ende vol van  
nide, om een woort dat mi is ontuloghen so heb ic al dit leet, het  
berout mi seer ende tis mi leet mer nemmermeer en roep ick meer  
om hulpe. Daerna riep hughe weder. Och Abroen edel here, met on-  
rechte heb ic v fel gheheeten tis mi leet wten gront mijns herten.\*

15 [32<sup>b</sup>] Hoe hughe inden kercker badt god den here om sijn  
gracie ende hulpe.

Als hughe inden kercker sadt sonder eeten ende drincken  
drie daghen ende drie nachten, so dat hem dochte dat hem den  
honger dooden soude en wert seere clagende ende den tijt wert  
so hem seere lanck ende hem docht dat hy noyt in meerder noot noch  
last en quam. Ende om dat hi van allen weerliken troost verlaten  
was, so riep hi aan gode van hemelrike ende badt hem ootmoe-  
delic seggende. O almoghende god vader god sone ende god heylige  
25 gheest een int wesen ende drie in personen so gewarich  
als ghi met uwer cracht gemaekt hebt hemele ende aerde, dach  
ende nacht ende alle creatueren elc na sijn weerdicheyt. O here  
also waerlic als ghi mensce sijt geworden om des menschen ont-  
fangen van den heilighen geest, hebbende v menscheit ontfangen  
van dat alre suuerste bloet der glorioser maget v moeder ma-  
ria als ghy in haer lichaem ruste ix. maende ende vijf dagen le-  
uende, ende na geboren in die stadt van Bethleem in een arm  
huysken geleyt in die cribbe der beesten daer dat hoy v bedde  
was O minlike Jhesu also gewaerlic als die heylige drie conin-  
ghen in uwer geboorten v sterre in orienten sagghen, ende si ver-  
55 lieten goet ende lant ende sochten v ende vonden v te Bethleem  
daer si v aenbaden ende offerhanden gauen daer si grote genade

vercreghen ende dat licht des ghelouen aen v cleen voeten O  
 goedertieren Jhesu also waerlyk als die onnosel kinderkens stor-  
 uen om uwent wille die herodes dede doden die nv in der eewi-  
 cheyt volghen dat lammeken O soete Jhesu also waerlick als ghi  
 5 hier opter aerden geweest sijt .xxxij. iaer lanc met groten ar-  
 beyt ons eerende met v minlike woorden ende sermonen daer  
 ghi [33<sup>a</sup>. J] hier dedet .xx.c. sermonen ende vaste voorons .xl.  
 dagen ende .xl. nachten, in welcker tijt ghi o mijn heere boghet  
 xl.c. mael v ghebenedide knien ende badet uwen hemelschen vader  
 10 voor ons sondaers O barmhertige Jesu also waerlic als ghi ons  
 verlost hebt vander eewiger doot door v alder bitterste passie die  
 ghi voor ons geleden hebt .vijj. vren duerende, ende waert al heel  
 verlaten van den godliken troost. Ende seyt als ghi v auontmael  
 gehouden hadt. Mijn siel is hedroeft tot ter doot. Ende ghinct  
 15 doen met uwen discipulen na den berch van oliueten in dat hoof-  
 kē daer ghi driewerf op die aerde veelt biddende uwen hemel-  
 scen vader dat hi van v neimen wilde den kelc dijns bitteren lijd-  
 dens, maer niet na uwen wil mer naden wil dijns hemelschen va-  
 ders, daer ghi o heere Jhesu openbaerlijck voorsaecht alle die  
 20 pinen die v aenghedaen souden werden, so dat v edele menscelijke  
 natuere was ontstelt tot inden strijt der doot, so dat v edele men-  
 scheyt door vreese ende anxt der pijnen wert schuddende ende  
 beuende ende ghi O minlijcke Jesu sweete daer water ende bloet  
 tot .xxx.c. ende .xij. dropelen sweets ghemenghet met den bloede  
 25 tot onder salicheyt, dat noyt meer gehoort en is geweest. O suete  
 Jesu also gewaerlijcke als ghi v vianden teghen ghinct daer v  
 Judas leuerde met een cussen inden handen der sondaren die alle  
 achter ouervielen als ghi hem minlic vraechde wie suecti, ende  
 si riepen Jesum van nazareth, doen ghi suetelic antwoorde Ic bent,  
 30 ende gaeftse doe oorlof ende sijn op gestaen ende hebben v ge-  
 uangen ende ghebonden dattet bloet wt uwen nagelen spranc daer  
 si v inden wege sloegen in uwen hals .lxij. werf ende .xxx. mael  
 voor uwen heyligen mont [33<sup>b</sup>] ende brachten v in Annas huys  
 daer si inden wege spogen in v minlic aenschijn .xxx. mael ende  
 35 .xl. mael sloegen in uwen hals ende niemant en weet o goede  
 ihesu wat ghy den geheelen nacht voor ons in Cayphas huys ge-  
 leden hebt daer .lxvi. raesheren waren die na v bloet hakeden.  
 Ende smorgens werdi gebracht voor pylatum met .iiijc. knechten

ende doe voor herodes dye v wederom sende tot pylatum als een  
 sot. O criste ihesu so ghewarichlic als ghi v dierbaer bloet ouer-  
 uloedelijc voor ons gestort hebt als v pylatus dede gheesselen daer  
 ghi om onsen wille ontfauct .vi.c slaghen ende wert tweemael ghe-  
 5 croont met die scerpe doornen crone met die .lxxij. tacken als v  
 pylatus verwees totter doot des cruycen Also waerlic als ghi ghe-  
 laden ginct met dat swaer hout des crucen op v gescoorde scouder  
 ende vielt daer mede vijf male inden wech eer ghy quaemt aenden  
 berch van caluarien daer v die ioden aen den cruyce deden slaen  
 10 eerst met v minlike hande daer si op sloegen .lx. slagen ende op  
 v heylige voeten .lxxxij slagen, ende op uwen minliken nase met-  
 ten hamere eenen slach dattet bloet daerwt vloeyde. O goede  
 ihesu also gewarichlic als ghy drie vren lanc leuende aen den  
 15 cruce hinct ende badet uwen hemelseen vader voor ons sondaren  
 ende seydet O vader vergeuet hen want si en weten niet wat si  
 doen Ende gaeft den moordenaer gracie ende seyde. Ic seghe  
 v voorwaer, heden suldi met mi sijn in den paradise, ende seyt  
 tot v bedructe moeder, wijf siet v kint. Ende seydet ooc Mijn god  
 mijn god waerom hebdi mi ghelaten Daer ghi seyt Mi dorst, ende  
 20 wert gelaest met gal ende edic. Als ghi seyt. Nv is al veruult  
 Ende ghi weende aen den cruyce vijftich tranen ende riept met  
 luyder stemmen [34a. Jij] Vader in uwen handen beueel ic minen  
 gheest ende sterft so voor ons den alre bittersten doot.

O naecte bloedighe ghecruyste Jhesu also gewaerlic als lon-  
 25 ginus v heylige side opende ende v hert doorstac daer wt liep  
 water ende bloet in verghiffenis van onse sonden. Ende wert  
 begrauen in een nieu graf ende daelde ter hellen verlossende die  
 heylige oude vaders ende die heylige vrouwen ende bondet lu-  
 cifer totten wtersten daghe. Ende also waerlic als ghi verreest  
 so aen den derden daghe vander doot ende ghi verthoonde v ghe-  
 benedide moeder maria cnde den anderen Ende opten .xl dach  
 clomditen hemel met al den salighen sielen door v eyghen cracht,  
 ende sondet neder den .l. daghe den heylighen gheest.

O alder rechueerdichste here ihesu criste also gewarich als  
 35 ghi comen suet ten wtersten daghe ordelen leuende ende doode,  
 also gewarich als ghy susanna verlost van den valschen rechters,  
 also gewarich als ghi den propheet Daniel verlost vanden hon-  
 gerigen leuwen also gewarich als ghi den propheet Jonam be-

waerde inden buyck vanden waluisch ende dedet hem ghesont te lande comen.

O alre minlicste ihesu, also ghewarich als ghy dit al ghedaen hebt ende so veel voor ons gheleden hebt, soo bid ic nv v arme die-  
s naer, door al die weldaden die ghy ons bewesen ende door al dat  
liden dat ghi voor ons gheleden hebt, dat ghi mi wilt verlossen  
vander doot ende laten mi met ghesontheyt ende met eeren weder  
keeren in vranckrike ende vercrighen die vrientscap mijns heeren,  
door v hulpe o Jhesu criste Amen.

10 Hoe ende wat Claramunde ende Huge te samen spreken.

[34<sup>b</sup>] NV dat hughe sijn ghebet hadte ghedaen ende god so ootmoedelic gebeden had door sijn bitter lijden soo verweckte god tot barmherticheyt dat herte der schoonder Claramonde ende si quam ende dede dat geuangenis open ende seide tot huge. Vrient  
15 hooe staen die saken met v soudi mi noch niet willen lief hebben.  
Doe seyde huge ghenade o edel vrouwe suldi mi aldus mijn lijf nemen, het sal v cleen profijfte sijn dat ghi mi in desen kercken van honger latet steruen. Doe seyde de ioncfrouwe. Huge wildi noch doen mijnen wille, ende nemen mi tot eenen wijue ic sal v  
20 wt laten ende verlossen ende alle eere bewisen, Doe seyde huge dat sal ic blijdelic doen wildi kersten werden. Ia seyde Claramonde dat geloue ic v dat sal ic doen alst tijt ende stonde geeft, ende so heeft se hem wten kercker gelaten want si hem bouen  
macen seer beminde Doe seyde die schone Claramonde tot Huge.  
25 Ic wil tot minen vader gaen ende geuen hem te verstaen dat ghi al doot zijt bleuen inden kercker ende dan en salmen uwes niet meer vermanen ende so mogen wi onsen wille hier hebben tot onser belieften. Doe seyde huge o weerde vrouwe wat ghi doet dat belieuet mi wel ende dien raet dunct mi seer goet. Doe ginc clara-  
30 monde ende seyde, die francoys die hier comen was is int geuangenis gestoruen Doe seyde die Amiraal mijn lieue dochter dat waer my leet, want aen zijn doot is cleen gewin dus laet yemant neder climmen ende latet besien, doe die dochter so haer vader hoorde spreken wert si meer verblijt ende si ghinc haestelic ter plaatzen  
35 daer si hughe vant ende seyde hem hoe sy haren vader verdult ende verschalct hadde. Ende seyde nv moghen wi blijde sijn, ende hebben iolijt ende vruecht in onser minnen. Al [35<sup>a</sup>] dus is hughe

bleuen heymelic met Claramonde der ionefrouwe des soudaens dochter een geheel iaer lanc.

Hoe hugens gesellen ende sijn nichte grote clachten deden daer si op een slot te dunnalster waren. \*

NV wil ic wat swigen van huge ende verhalen van Aliames ende gherijn die te dunnalster waren op dat stercke casteel die seer droeuich waren om haren heer hughe die so lange achter bleef, ende die ioncfrouwe sijn nichte vrouwe van dunnalster clagede seer ende seyde. Ic sorge dat wi onsen neue nemmermeer sien en 10 sullen leeft hi noch so moet hem god helpen wt sinen noden Als aliames ende gherijn ende haer gheselscap een tijt des smorgens stonden inder salen hebben si gesien eenen bercke comende wter zee gheseylt met groten stroom [35<sup>b</sup>]. Doe seyde die schone vrouwe. Die bercke comt wt affriken, want de banier dat swert 15 serpent int velt van goude is die wapen van den coninc affriant, hy sendet Dagayant sinen chijns ende hooft ghelyt Doe seyde dye grijse man Aliames Sulcken goet is ons al willecome, daer aen en sullen wi ons niet besondighen. Doe seide die edel gherijn. Tis waer dat ghi segghet mer gaet ende wapent v metten anderen rid- 20 ders ende ic sal die sarazijnen op doen comen ende dan suldijse alle lichtelic verslaen. Ende aliames ghinc ter haven ende sprac die sarasinen toe in sarasijnsche sprake ende heetse willecome ende seyde Gaet bouen men sal v spreken want dagayant mijn heere mach qualick eten want hi en was in acht dagen niet wel gesont. 25 Doe ghingen si wten scepe ende si baden mamet ende appolijn dat hi haren here wilde sparen ende bewaren sijn lijf. Als dese sarasinen binnen der poorten van dunnalster quamen so heeft se gherijn vernomen ende den hoop was cleyn, daer en waren mer .xij. mannen sarasinen. Die onuersaechde gherijn meende hi soudse 30 wel alleen verslaen ende hi sloech in die sarasinen ende si meenden te vlien maer si en conden niet wech raken want Aliames had die poorte gesloten so dat di sarasinen aldoot bleuen, ia al hader noch hondert meer gheweest si souden daer al geleueen hebben. Doe seyde aliames, wat is nv best geraden. In dese bercke is comen 35 tarwe ende wijn ende veel van anderen goeden, ic soude geerne hebben nyeumare of Hughe leefde of niet want ic seer rouwiche om

hem ben. Nu rade ic voor dat beste laet ons te babylonien gaen  
 varen met desen goede ende vitalie ende daer sullen wi weten dat  
 rechte bescheet van hughen. Doe seide [36<sup>a</sup>] gherijn. Dat rade ic  
 ooc voor dat beste. Ende doe gingen si hen al bereyden ende die  
 vrouwe vanden casteel was sere verblijt dat si haren neue Huge  
 soude gaen soeken ende si namen dat beste dat opt casteel was  
 van gelde, van goude van siluer ende ander costelijcheden ende  
 droegen dat in die bercke, ende doen ruymden si ghemeender hant  
 van dat casteel ende si ghingen in die bercke ende voeren tesamen  
 so langhe tot dat si te babilonien quamen daer die ammirael op  
 woonde met sijn dochter Doe seyde aliames Mijn heren ic can wel  
 die sarasijnsche spraken, daerom laet mi geworden voor Gaudijs  
 den ammirael, ic meene wel ic sal van Hugen in eeniger manieren  
 weten. Doe seyde gherijn, lieue neue het dunct mi goet al dat ghi  
 doet, wi sijn daer alle mede tevreden seyden die ridder ende die  
 ioncfrouwe. Ende doe sochte alyames een cruyt dat heet montfire,  
 ende ghinc dat temperen ende wriuen ende hi bestreeck daer mede  
 sijn hare ende alle sijn leden die daeraf al swert ende bruyn wer-  
 den Ende als hi dit gedaen had so ghinc hy wter bercken met ghe-  
 rijn metter ioncfrouwen ende metten thien ridders ende quamen  
 totter salen des ammiraeels, ende aliames quam met sijn geselschap  
 daer die ammirael sadt ende speelde in dat scaecspel. Ende Alya-  
 mes gruetende den ammirael seide Mamet ende Appolijn ende  
 ternogant moeten minen oom wel bewaren Dit hoorende dye am-  
 mirael besach hem wel ende seyde sijt willecome ons goden moe-  
 ten v eere laten verweruen, segt my wie ghi sijt ende van waer  
 Doe seyde aliames. Ic was in affriken gheboren, ende ick ben  
 Triakel uwer suster sone dien si met herten lief heeft.

[36<sup>b</sup>]\* Hoe Gherijn ende thien ridders int geuangenis wor-  
 den gheset.

Als die rijcke ammirael Gaudijs verhoorde dat dese Triakel  
 was sijnder suster son, so stont hi op ende greep hem in sinen  
 armen, ende heete hem willecome, ende hi seyde Neue wat volcx  
 is dat hier bi v staet Doe seyde Triakel. Lieue oom dat sijn geuan-  
 gen kersten die sendet v mijn oom coninc yuorijn steltse geuangen  
 dat si nit en ontgaen ende dese ioncfrouwe doet inde camer bi v

dochter, want si is des grauen dochter van [37<sup>a</sup>. K] bloys, ende  
 v dochter sal wel van haer leeren fransoys Doe seyde die amiraal  
 lieue neue dit salmen al doen dat ghi segt. Ende gheriju  
 ende die .x. ridders worden in die geuanckenisse brocht ende aly-  
 mes volchde ende sach waer si bleuen. Doe seyde gherijn, schande  
 moet v geschien o Triakel ghi dedet ons verstaen dat ghi aliames  
 hete ende nv is die Amiraal v oom Ay lacen nv en sal ic nemmer-  
 meer in kerstenrijc weder comen noch ooc die goede ridders die  
 hier sijn. Doen seyde Aliames, och swiget toch goede gherijn, dit  
 10 heb ic al om pratijken ghedaen, ic meende hugen int geuangenis te  
 vinden, mer nv weet ic wel dat hi doot is ende verslagen nv wi  
 hem inden kercker niet en vinden Maer ic bid v om gods wille en  
 bedroeft v lieden niet ic sal v hier cortelinghe weder wt helpen,  
 ende ick en sal uwer niet vergheten dat gheloue ic v lieden bi god  
 15 almachtich die mi gescapen heeft. Ende alle dese woorden spra-  
 ken si tesamen in Fransoys daer die toren wachter tegenwoordich  
 stont. Hier om sorchede alyames seer oft die kerckerier haer sprake  
 verstaen hadde. Soo nam alyames sijn swaert ende sloech den  
 kerckerier dat hooft af dat hi doot ter aerden viel, ende alyames  
 20 nam dat hooft ende bracht gedragen voor den amiraal Gaudijs  
 die tot Alyames seyde. O triakel lieue neue van waer coemt dat  
 hooft dat ghi daer brenghet. Tryakel seyde het is dat hooft van  
 uwen dienaer die v gheuanckenisse bewaerde dyn heb ic af ghe-  
 slaghen, want hi ende de kersten droeghen so wel oner een dat ick  
 25 wel verstonde dat hi cortelinghe soude die kersten hebben laten  
 ghaen ende wt ghelaten.

Hoe Claramonde haren neue seyde hoe si den kersten een  
iaer lanck onderhouden hadde.

[37<sup>a</sup>] \* ALs nv Tryakele den toorenwachter verslaghen hadde,  
 50 doe seyde die Amiraal, Lieue neue, heydenisse sal noch door v  
 prospereren ende welvaren ende ic hope bi mamet onsen heere dat  
 kerstenrijc noch by v ghecranc sal worden. Ende ick wil v ouer  
 gheuen bi mijnen leuenden lijue, mijn landen ende alle mijn heer-  
 licheden ende ghi sult heere ende coninck sijn ouer al [38<sup>a</sup>.  
 55 K ij] dat landt van babylonien. Ende ick wille datmen na desen  
 dach uwe ghebodt sal onderhouden ghelycke dat mijne. Doe seyde

aliames, dat moet v lonen onse heere Mamet. Ende dye amyrael  
 heeft ontboden alle die pricnen ende heeren vanden lande, ende  
 alle die edelen moesten al homagie ende manschap doen tot Alya-  
 mes, ende si moesten hem alle onderdanich sijn, ende comen in den  
 dienst van Aliames die men Tryakel hetede. Als tryakel dus eer-  
 licken bestelt was vanden Amiracl Gaudijs, so quam Claramonde  
 dit oock hadde ende volchde die oude manieren vanden vrouwen  
 ende si en conste och net swighen. Ende si nam alyames metter  
 handt die si meende haer neue te wesen ende si seyde lieue neue  
 10 ick heb uwes raets van doene. In dit voorleden iaer soo quam  
 hier in ons landt die messagier van coninck karel van vrancricke  
 ende eer hi hier quam soo versloech hi te Dunalster op dat slodt  
 den grooten wreden ende ontsienden tyrant agayant, ende wilde  
 hebben dat haer van mijns vaders baert, ende sijne vier hoeck  
 15 tanden van achtere wt sinen hoofde. Ende hi seyde oock dat hem  
 coninck karel van vrancrijck in dit landt ghesonden hadde, ende  
 in presencie van alden heeren, so dode hi den groten stercken  
 coninck van Anapele ende hi sloech hem sijn hooft af daer hi stont  
 aan mijns vaders tafel ende doe spranck hi metter spoet ende hi  
 20 custe mi ooc een mijnen mont dat sijt alle saghen dye een der  
 tafelen waren gheseten. Ende sinen sueten aseme heeft mi mijn  
 horte doorwont al gheheelick doorstraelt, ende hadde ic niet mog-  
 hen hebben sijn liefde, ick hadde set, ende dal, ende wt sinnich  
 achter straten moghen loopen. [38e] ocht mocht my sijn liefde ge-  
 25 stadich bliuen, ende met dien quam huge bi hem beyden die wel  
 wiste dat aliames haer neue niet en was, mer hi en gaft niet te  
 kennen Doen seyde claramonde tot hugen Ic vermane hier hoe lief  
 dat v mijn herte heeft. Aldus lief en wilt my nyet begeuen, mer  
 ick bid v laet v herte metten minen in liefden accorderen. Ende  
 30 hughue accorderende seyde aldus

Accoort is een woort vol virtuten  
 Discoort iaecht alle vruehden buten  
 Accoort is der herten behaghen  
 Discoort doet alle tribulacie sprutten  
 35 Accoort doet alle melodie ontsluten  
 Discoort is een woort van plaghen  
 Ick begheer een v mijn liefste goet  
 Dat ghi mijn herte in v wilt draghen  
 Lijf ende siele stellic in v behoet

- Ick bid v hertelijck lief wat ghi doet  
 Dat ghi niet en wilt op mi verstoort sijn  
 Dijn eyghen blijue ic, sijt des wel vroot  
 Laet liefs herte in liefs accoort sijn
- V heb ick ghegeuen in rente en erue  
 Hert, siel, ende lijf, wat ick verwerue  
 Goet, moet, en bloet, steruen, en leuen  
 Dus confordeert mi lief eer ic bederue  
 Ghi moecht mi cleuen nemen enghueuen
- Schoonder blijfdi in mijn herte ghescreuen  
 Dan pelagia van anthiochien schone  
 Oft polexena priamus dochter verheuen  
 Medusa, oft Danes eick weert een crone
- [39a] V opsiën dunct mi een hemels crone  
 Laet dijn stralen doch mi confoort sijn  
 Ick begheere en ick bidt v sonder hone  
 Laet liefs herte in liefs accoort sijn
- Mijn herte is sulc dattet liefs herte.
- In ionsten sal draghen ontsiede gheen smerte  
 Dus lieflick lief doet lief doet des ghelycx  
 Ondancx des nijders valsch van perte  
 Die dwitte dicwils verkeren in swerte  
 Dies hem noch nakende wert veel versijcx
- Ick neme dat op mijn deel hemelrijcx  
 Dat ic v beminne bouen alle vrouwen  
 Die moghen leuen buten oft binnen sdijcx  
 Dies moechdi wel heel op mi betrouwien  
 O weerde bloeme bouen alle kerssouwen
- En laet mi in uwen dienst niet versmoort sijn  
 Mer liefste beminde wilt wel onthouwen  
 Laet liefs herte in liefs accort sijn
- Princesse.
- Bouen alle princessen oft coninghinnen  
 Moet ick bi natuerlijcker cracht v beminnen  
 Bouen alle vrouwen nv leuende een paer  
 Dijn wesen is gheplant int herte binnen  
 Gheen ander liefde en sal mi verwinnen  
 Al mocht noch ghedueren .x. duysent iaeer  
 En gheloof gheen clappers die fel int woort sijn
- Dit is mijn hertelijo begheeren, maer  
 Laet liefs herte in liefs accoort sijn.

Doe Hughe sijn minlijcke woorden volseyt hadde so seyde  
 claramonde tot Tryakele. Dese ridder wert oock gheuanghen, ende  
 men nam hem eenen cop [39b] van goude, eenen horen, ende eenen

costelijcken halsberch die elcken iuyst paste ionck ende out, die edel geboren is. Ende om dat dese fransoys dese edelheit heeft so beminne ic hem ende hi sat geuangen sonder eeten ende drincken .ijj. dagen ende .ijj. nachten ende mijn vader meende dat hi doot was ende ic ontfermde mi ouer hem ende ic liet hem heymelijs wt ende dat is een iaer geleden ende also lange heb ic hem onderhouden. Doe dit tryackel hoorde so seyde hi. O lieue nichte heeft de fransoys op eenigen tijt bi v gelegen. Ja hi seyde claramonde Doe seyde triakel so hebdi grotelic misdaen, hoe waerdy so stout, so sot, so dul, dat ghi v liefde dorft leggen aan eenen kersten man, mamet sal v scenden ende v vader salt weten

Hoe Claramonde haren neue Tryakel badt dat hi wilde doch swighen.\*

[40] DOe Claramonde hoorde dat Tryakel haer neue wilde die dinghen vanden kersten brenghen aan haren vader, so wertse seer veruaert ende si hadde wel gewilt om al haers vaders goet dat si gheswegen had ende si noyt vanden kersten vermaent had. Triakel seide Ic wil den kersten sien. Claramonde seyde, lieue neue ic sallen v gheern laten sien, want si was seer veruaert, ende si leyde hem in haer camer daer huyghe was. Ende als hem huge sach, so seyde hi lieue neue ick heete v willecome, ende hughe greep hem in sinen armen ende hi custe hem aan sijn wangen. Doe seyde hughe, alyames lieue neue wat doet Gherijn ende mijn ridders, ende mijn nichte die ic v liet als ic te dunalster van v sceyde. Doe seyde aliames. Ic dede gherijn ende v ridders gheuanghen legghen, want ic meende daer v gheuonden te hebben. Ende ic hebbe ons nichte cameniere doen werden bi Claramonde. Doe hoorde Claramonde hughen ende alyames aldus tesamen spreken, so seyde si tot alyames. O ghi fransoys ghi wetet seer wel die fransche tale te spreken, ende ghi dedet v noemen tryakel als ghy eerst in mijns vaders hof comen waert, ende seyt dat ghi een soone waert van mijnder moeyen mijns vaders suster: ende dat ghi mijn neue waert, ende ghi hebt ghelogen, want ghi niet en bestaat noch mi noch mijnen vadere in gheender manieren van maechschap waerom hebdy mijnen vadere uwen oom gheheten ende ghi seydet v te wesen mijns vaders sustersone, ic salt mijnen heer vadere segghen, hi sal v doen

hanghen aan een galghe. [40<sup>b</sup>] Doe was alyames veruaert ende hi ontstelde in sijn aensicht ende hi viel op sijn knyen ende seyde. Ghenade mijns lijs eedel vrouwe het soude v cleen profijten, dat ghi mi dedet doden. Doe seyde huge o eedel ioncfrouwe mijn schoon lief vergheuet hem want hi is mi te na van bloede dan dat ghi hem dat soudt doen. Doe seyde die ioncfrouwe. Nv heb ick mi wel ghe-wroken van der sorghen die hi mi te voren had aenghedaen, dies loech doe hughe ende was wel tevreden, ende hi dede Aliames opstaen vander aerden ende aliames ende claramonde waren goede vrienden, ende doe ginck die ioncfrouwe ende liet gherijn ende die .x. ridders wter gheuanckenisse die al by hugen quamen, ende waren verblijt ende maecten goet chiere, want Claramonde besorchedese al van eeten ende drincken, ende van al dat hen van node was.

**15 Hoe Agayants broeder die Coninc van Tartarien te babilonien quam, daer hem dye amiraal feestelijcken ontfinck.**

Als die coninc van Tartarien Agapaert vernomen hadde dat sijn broeder Agayant verslaghen was te dunnalster van eenen kersten Riddere een Messagier van coninc kaerle van vrancrijc, so vergaderde hi veel volcx van wapenen, ende so track hi totten amiraal gaudijs van babilonien, als dit die amirael wiste, so was hi blijde ende quam hem teghen met sinen staet ende heete hem willecome. Ende de amirael sach dat agapaert quam met heyrcracht, soo vraechde hy hem wat nyeuwer tijdinghen ende nyeu mare dat hy brochte. [41<sup>a</sup>. L] \* Mi dunct wel dat ghi wilt gaen oorloghen op die kersten ende dat ghi mi geern met hadt om dat wi tsamen der hant souden winnen sloten ende steden ende al die daer binnein zijn quader doot doen steruen. Neen seyde doen agapaert heer ammirael ick ben op v gram ende verbolghen want door v heb ic minen broeder verloren, want dye kersten dye hem zijn leuen nam quam hier bi v in v sale, aldus sec ic v ghy sijt mijn man die dat ver-soenen sal ende be[41<sup>b</sup>]teren die doot van mijnen broeder. Ende voort wil ic hebben den seluen chins ende hooftgelt dat ghi minen broeder tot deser tijt toe gegeuen hebt ende dat ghely suldi mi sen-den ofbrenghen, dit hoorende die Amirael gaft hem onweerdich ende seyde. Heer agapaert ghi sult weeten al heeft v broeder dese renten

iaerlickx van ons gehadt hi en had daer geen rechte toe, ten was hem oock niet noch van vader noch moeder verstoruen, noch van sijnen geslachte aengheerft maer hi had dese renten met ghewalt ende door bewanc dat is nv met hem al verstoruen ende doot daerom  
 5 en sal ic niet meer geuen noch ooc hooft ghelyt, want ic ben beter ende edeler geboren dan ghi sijt. Doe seyde de coninc agapaert ic en sal hierom niet rechten noch dinghen om dese saken maer kondi eenen campioen vinden die teghen mi campen wil, ic sal v al v recht laten behouden, ende eest dat ic uwen campioen verwinne die  
 10 v recht ende eere bewaren sal so suldi mi al dat selue doen ende den seluen chins ende hooft ghelyt gheuen dat ghi mijnen broedere Agayant gegheuen ende ghedaen hebt. Als die amirael dit hadde gehoort so was hi tevreden hertelijcke wel Ende doe sceyden die ammirael ende die rijcke coninc agapaert van malcanderen ende die  
 15 rijcke agapaert keerde doe tot sinen volcke ende die ammirael Gaudijs tot sinen palleyse.

Hoe die Amirael sprack met Tryakel sinen neue hem raets vraghende hoement beste metten campe maken soude ende wie dien best soude slaen.

20 [42<sup>a</sup>. L ij] Als die amirael met agapaert ghesproken hadde ende hadde den campe aenuert so ghinc hy in zijn sale ende hi riep sinen neue triakel tot hem ende seyde, neue nv geeft mi raet, want ic hebbe eenen camp aenghenomen tegen den coninc agapaert. Als dit alyames hoorde, seyde hi lieue oom nv hoort na mi. Ic heb  
 25 raet gevonden voor ons, ende voor v eere, want so mi Claramonde heeft vertelt van woerde te woorden alle die auontuere van eenen kersten, so ist een iaer ledien dat hier quam een kersten messagier op sint Jans dach die bootscap bracht van coninc karel van vrancrijck, ende hi versloech te dunalster den agayant. Ende ic heb wel  
 30 so veel gehoort wildi den kersten sijn goet sijn gelt zijn gulden cop sinen horen weder gheuen, hi sal teghen hen campen. [42<sup>b</sup>] Als die amirael dit hoorde riep hi tot hem claramonde ende seyde, lieue dochter ghi dedet mi verstaen dat de francoys doot was die hier quam, tis nv een iaer gheleden Claramonde seyde, lieue vader ick  
 35 meende hi hadde doot gheweest van honger want in dye drie eerste daghen ende nachten en adt hi noch en dranc hy niet ende als ic

sach dat hi weder bequam so was mijn herte gram dat ick v lueghen  
 had doen verstaen mer anders heuet hi water ende broot ge-  
 geten dat ick soude weten de waerheyt of hi te dunalster Dagoyant  
 had verslagen Ja hi in trouwen dat is immer waer daer is nv tidinghe  
 5 ghenoech af, maer laet hem nv comen, ick heb aengenomen eenen  
 campe teghen den coninc Agapaert, ende wilt hi dien vechten ick  
 sal hem al weder gheuen dat hem hier ghenomen is. Als dit Clara-  
 monde ende alyames hadden gehoort van den ammirael, so ghingen  
 si onder hen beyden daer si hughen vonden ende si seyden hem  
 10 van den campe, daer hi seer willich toe was om vechten daer Clara-  
 monde seer blijde om was ende si ghinghen onder hen drien in der  
 salen daer si den ammirael vonden. Als nv die ammirael hughen sach  
 seyde hi. Sijt willecome fransoys, moechdi den coninc Agapaert  
 verwinnen in den campe ick sal v al v goet weder gheuen dat v hier  
 15 ghenomen is, ende ick sal v minlijc doen gheleyden wt minen lande,  
 ende ick sal v brieuen gheuen aan coninc karel daer ick hem seer  
 in sal doen groeten, ende ooc sal ic hem iaerlicx gheuen van mijnen  
 hoofde .lxx. m. gouden ducaten also langhe als ic leuen sal, ende  
 ic salse hem senden te parijs binnen der stadt. Doen dachde hugh  
 20 in hem seluen. Dat waer quaet dat karel chins ontfanghen soude  
 dat soude mi by auontueren scha[43a]den want mochte ick een kint  
 ghewinnen aan claramonde so soudt mi mede gaen ende daer mochte  
 noch in kerstenheyt groot profijt afcomen. Als hugh aldus stont  
 in ghepeise so brachtmen hem sinen halsberch sinen cop ende sinen  
 25 horen.

### Hoe hugh campte teghens den grooten rijken ende mach- tighen coninc Agapaert. \*

[43b] ALs hugh nv alle zijn dinghen weder had dat hem ge-  
 nomen was, als den cop, den horen ende den halsberch dien huge  
 30 aen dede ende nam sinen schilt. Ende aliames spien hem twee ver-  
 gulden sporen ende die ioncfrouwe Claramonde gaf hem een lancie  
 in zijn hant ende seyde Joncheer denct om mi als ghi ons eere be-  
 waren sult. Doe was huge blide ende hi was wel ghewapent meet  
 eenen helm van fijnen stal ende met eenen stercken schilt. Ende doe  
 35 bescreet hi zijn goede paert dat wel toe ghereet was ende hi nam  
 oorlof aenden ammirael ende aen die ioncfrouwe seer minlic ende

hi is doenghereden te velde daer hen agapaert verwachte die groot  
 verlangen hadde oft daer yemant teghen hem soude comen campen.  
 Ende agapaert heeft hughen haest vernomen ende hi quam hughen  
 tegen ghereden ende vraechde hem, heeft v die amirael hier ge-  
 sonden om teghen mi te campen. Doe seyde hughe. Ja hi dyes heb  
 god danc Als agapaert god hoorde noemen des gaf hem wonder  
 ende seyde. Segt mi van waer sidi gheboren. Huge seyde in vranc-  
 rijke te bourdeus ben ick kersten ghedaen ende eer ic hier quam  
 int lant, so versloech ic te dunalster den dagayant ende desen hals-  
 berch was zijn die ic hier aan hebbe. Ende also langhe als dagayant  
 dien hadde aen zijn lijf so en ontsach hi wapen noch swaert. Aga-  
 paert dit hoorende wert veruaert van desen woorden ende seide.  
 So help mi mamet, dagayant was mijn broeder dien ghi op zijn slodt  
 versloecht twelck een swaer sake is voor mi. Maer wildy mijn vrient  
 werden ick salt v al vergheuen, so sal ons die amirael moeten son-  
 der bedwanck opgheuen alle zijn lant, ende ick sal v ouergheuen  
 in v ghewelt ende onde v macht alle dat [44<sup>a</sup>] goet, lant, ende slo-  
 ten van mijnen broeder dagayant Ende ooc scului den chins ontfaen  
 van minen broeder ende daer toe sal ic v mijn suster gheuen toe  
 eenen wiue ende ghi en saecht ooc binnen uwen leuen geen ion-  
 frouwe so groot ende so sterck ende ooc en heeft se niet eenen  
 tant in haren mond hi en is wel eenen haluen voet lanck. Als hughe  
 dit hoorende wert hi lachende ende seyde Sulcke ioncfrouwen moeten  
 verre van mi bliuen om sulcken huwelijck enquam ic niet in dit landt.  
 Nv seyde hughe wi hebben langhe genoech onsen tijt verquist met  
 clappen, laet ons onse saken voleynden daer wi om hier gecomen  
 zijn. Doe seide die sarazijn agapaert O fransoys so muechdi v wel  
 ontsien. Ende si keerden beyde haer paerden ende si quamen met  
 sulcker cracht op malcanderen dat si beyde haer speeren braken  
 so soo dat si haer swaerden trocken. Ende huyghe vroom ende wel  
 ghemoet als een lybaert sloech den coninc Agapaert op sinen helme  
 van fijnen stale dattet swaert afspranck ende sloech in stucken den  
 gouden circkel die beneden aen dat helmet stont die rijkelic ver-  
 chiert was met ghesteenten daer dat vuere met dien slaghe wt  
 spranck dat hem zijn ooren daer af songhen dat coninc Agapaert  
 nauwelijc en wist waer hi was Mer coninc agapaert bloef onuer-  
 saecht ende hi sloech op hughen eenen slach dat man ende paert  
 int sandt viel ende hi sloech eenen groten cant van huyghens schilt

ende cloofde hughens schilt totter hant toe Dyes hem huge seer  
schaemde ende hy verhief hem haestelijc weder op metten paerde  
ende sloech so vreeslick op agapaert ende coninc agapaert weder  
op hem ende dese battalie duerde langhen tijt pusschen hen beyden.  
5 [44<sup>b</sup>] Ende claramonde lach ter vensteren ende sach dit al aen ende  
seyde heymelic biddende. O mogende god der kersten door die  
grote ootmoedicheyt dat ghi die menscheit aengenomen hebt ende  
wt v eewige glorie hier neder gedaelt sijt, wilt doch hughe v dienaer  
bewaren, dat hy hier niet verslaghen en worde, ende so waerlic  
10 als ic mijn afgoden wil laten ende v geboden onderhouden so wilt  
Hughe v knechtistaen. Dese twee hebben so vreeslijck teghen  
malcander geuochten dat vreesliic was om sien. Ende hughe lichte  
hem in den steechreep ende sloech so vreeslijck op agapaert mer  
hi schutte al die slaghen op sinen schilt Dit siende huge quam van  
15 besiden ende gaf agapaert eenen slach dat hi melten paerde ter aer-  
den viel, mer tpaert spranc haestelic weder op Ende doe riep huge  
wacht v wel ghi sarasijn, ende hughe quam met eenen aefschen  
slach ende sloech Agapaert dat hoofst af. Ende terstont spranck  
huge vanden paerde ende greep dat hoofst ende sadt weder op zijn  
20 paert ende brachtet ten palleyse daer Claramonde was, ende de  
ammirael quam hem tegen ende ontfinck hem met groter eeran ende  
seyde. O ghi francoys veele goets so moet v ghescien ende mamet  
geef v prijs ende eenen hogen name, ende nv muechdi reysen als  
ghi wilt totten coninc Abroen ende ic sal v brieuen gheuen aan  
25 coninc karel van vrancrijcke uwen here ende ghi sulten seer grue-  
ten van mynent wegen, ende hi sal van ons chins ontfangen so  
lange als ghi leeft. Doen seyde Huge dye noch was onueruart.  
Heer amirael ic bid v swiget van sulcke woorden, want ic wil hebben  
daer ic om ghesonden ben van coninc karel van vrancrijcke, dats  
30 uwen baert ende v vier winckel [45<sup>a</sup>. M] tanden Doe wert die  
amirael seer gram ende seyde tot sinen heren. Hoort doch wat dese  
francoys noch seyt ende wat hi begeert ic en gaue hem mijn winckel  
tanden niet om al coninc karels landen, ende hi seyde doe tot hugen.  
O ghi francoys ghi hebt mi te seer vergramt ende v seluen veel te  
35 cort gedaen want ic en sal nemmermeer eten noch drincken ghy en  
sidi ghesloten in mijn gheuangenisze Als hughe dit hoorde toech hi  
sijn swaert ende seyde wacht v heer amirael want ic sal nv uwen  
baert hebben wilt god die heer, ende mettien sloech hi na den am-

mirael. Doe wert vreeslic op hughen geslagen dat hi hem niet langher  
 gheweren en conde door die groote menichte der sarasinen. Dit  
 vernam aliames ende quam in die wapenen met gherijn ende met  
 .x. Ridders die hugen quamen te hulpe die grote moort wrachten  
 5 onder die sarasinen, mer der sarasinen quammer so veel dat si haer  
 macht niet wederstaen en conden so vloot huge met sijn geselscap  
 op eenen groten toren vanden casteel, ende huge nam sinen horen  
 ende blies ende doe mosten si haer felheyt laten ende si gingen al  
 danssen die den horen hoorden al waren heeren, knechten, vrou-  
 10 wen ionffrouwen Daer en was niemant hi en danste na tgheluyt van  
 den horen ende hughe blies met so groter cracht dattet coninc Abroen  
 hoorde te moyn daer hi lach in die sale. Ende riep tot alle die hem  
 dienden ende seyde. Mijn heeren ende knechten hughe van bordeus  
 15 is in groten last, want hi blaest seer den horen die ic hem gaf,  
 ende god heeft hem vergheuen al sijn mīsdaden door de passie die  
 hi hem vermaende met deuoter herten, daerom schelde ic hem ooc  
 quijt van alle minen euelen moede. Daerom wesche ic mi te babi-  
 lonien by huyghen met .c. m. man [45<sup>b</sup>]nen wel ghewapent ende te  
 20 paerde, ende terstont was coninc abroen te babylonien met sijn volck.  
 Ende huge kende terstont sijn banner metten cruce ende hi was  
 seer verblijt ende liep nederwaert daer seer vreeslicken gheuoch-  
 ten waert als huge sijn blasen liet. Ende dye sarasinen verwonder-  
 den seer van waer al dat volck van wapenen comen was dat so  
 25 onuersiens op hem lieden sloech soo dat si hem niet verweren en  
 consten teghen Abroen ende sijn volc so dat si daer meest al ver-  
 slaghen bleuen ende luttel vanden sarasinen ontquamen van daer.\*

[46<sup>a</sup>. M ij] Hoe hughe knielde voor Coninck Abroen ende  
 dancten van sijnre victorien die hi hem hadde doen hebben  
 ende alle weldaden.

30 Als nv die battalie gedaen was ende die sarasinen meest ver-  
 slaghen waren so quam huge met groter begeerten ende viel oot-  
 moedelijc op sijn knyen voor coninc abroen ende badt hem ver-  
 giffenisse ende seyde. O edel here weest mijns ghenadich, ic kenne  
 dat ick teghens v misdaen heb ende dat ick v o mijn oom here ver-  
 35 wracht heb dat heeft gedaen mijn onwysheyt ende dat ic uwen ge-  
 boden ongehoorsaem geweest heb, nv bid ic genade door god ende

sijn bitter lijden. Doe seide coninc abroen Staet op het is al ver-  
gheuen, ende maect v bereyt om na parijs te reysen ende neemt  
den baert van den ammirael Gaudijs ende sijn vier hoecktanden ende  
brengtse coninc karel van vrancrijcke. Doen seyde claramonde O  
5 edel here hoe sal hi dit connen bewaren Ende doe loech abroen ende  
seyde, herde wel Doe nam huge dat hooft vanden amiraal ende track  
daer den baert wt ende nam ooc die vier winckel tanden wt dat hooft.  
Doe seide coninc Abroen. O ionffrouwe om dat si wel bewaert sullen  
sijn so wensche ic dit al in aliames lancken, twelck al so gheschiede.  
10 Doe seyde coninc abroen. O hughe ionghelic nv hoort na mi ende  
ic segghe v hier openbaerlic ende voor waer dat ghi met Clara-  
monde dye ionffrouwe geen conuersacie en hebt noch bi haer en  
comet om met haer enighe oncuysheyt te bedriuen eer ghijse ghe-  
trout hebt ende dat si ghedoopt ende kersten gedaen is. Ende doet  
15 ghi dat buten minen rade ghi sulter grote scade by hebben. Doe  
seyde hughe Dat en moet god nemmermeer gehingen dat ic v gebot  
soude breken [46<sup>b</sup>] Doe ghinc hughe ende liet die barcke bereyden  
die aliames te babilonien hadde ghebracht ende dedese wel besor-  
ghen van alle dat hem van node was als van spijsen van dranck,  
20 van gelt, van gout, van siluer ende ander costelicheyt menigherleye.  
Doe heeft huge oorlof ghenomen ootmoedelic aen coninc Abroen  
ende so sijnse minlic van malcanderen gescheyden Ende hughe is  
tscepe gegaen ende die schone Claramonde ende alle hughens ge-  
selscap in die barcke, als Alyames, gherijn ende die .x. ridders.

25 Hoe die donder ende blixem ende den storm der zee in  
stucken sloech dat schip daer hughe in was. \*

[47<sup>a</sup>] ALs alle dat geselscap hadt oorlof ghenomen aen coninc  
Abroen die met hen lieden ghinc op de hauen daer hi hen lieden elc bi-  
sonder die hant gaf. Doe gaf hi hen sijn benedixie ende is doe van hen  
so lieden ghescheyden seer minlic, ende heeft hughen menichwerf ghe-  
auiseert ende ghewaerschuwet dat hi sijn gebodt niet en brake.  
Ende huge is doe van babilonien ghescheyden met die schone Clara-  
monde ende hi is tschepe gegaen met Aliames ende met alle tge-  
selscap. Als hughe met al sijn geselscap nv te scepe was, so hebben  
35 si ter stont dat zeyl op getogen wanttet recht voor wint was ende  
het waeyde een matelick goet vaerweer, ende so sijn si van babi-

lonien gescheyden ende sijn ter zee in gheuaren Ende als si nu  
 langhe tijt in die zee hadden geuaren: so wert hughe siende op  
 claramonde dat si seer schoon was so wert hi met liefden ontsteken  
 op haer ende seide Och god waerom heeft mi abroen verboten dat  
 ic met minen wiue mijnen wille niet doen en mach, och dat is mi  
 een swaer ghebodt, mer al heeft hijt ghesworen bi sijnre crone ic  
 sal nochtans gaen slapen by mijn wif Ende huge seyde tot Clara-  
 monde Jonffrouwe ic bid v gaet te bedde. Die ionffrouwe antwoorde.  
 O myn lief coninc abroen soudes hem belghen ende hi soude gram  
 op v werden. Neen seide hughe, ic meen wel dat ic met v gheen  
 sonde doen en mach, want so gheringe als wi te Romen comen  
 ende ghi gedoopt sijt dan sal ic v trouwen tot minen wiue, hierom  
 sal ic desen nacht bi v slapen Dit verhoorde alyames hi wert seer  
 bedroeft, dies ghelyken dede gherijn ooc ende seyden tot hughen,  
 wy bidden v door god ende door sijn moeder maria, dat ghi doch  
 niet brekenen wilt dat ghebot van coninc abroen [47<sup>b</sup>] oft wi moeten  
 al daerom steruen. Doe seyde huge. O ghi heren ic weet v goeden  
 raet dat ghi noch scade noch last van mi hebben en sult Iste sake  
 dat ghi enigen tempeest donder, blixem oft ander onweder wter  
 zee oft wter loch te siet comen, vliet ter stont wter barcken in den  
 boot Ende want die heren, als aliames, gherijn ende die x. ridders  
 hadden grote sorge so stelden si terstont den boot wt ende ginghen  
 daer al tesamen in ende huyghe ende Claramonde ende die stuerman  
 bleuen in die barcke, ende hy scafte ende dede met haer sinen  
 wille. Ende terstont quam so groten onweder opter zee van winde  
 van donre, van blixem so datter eenen groten swaren donreslach  
 quam die de barcke in stucken sloech so dattet al verloren bleef dat  
 hi van babilonien mede genomen had als sinen gulden cop, sinen  
 horen, sinen halsberch, gout siluere ende ander manieren van coste-  
 licheyt ende alle haer vitalie ende nootrusten dat bleef al verloren.  
 Ende hughe ende Claramonde waren in groten last ende waren al  
 naect ende si quamen met nauwer noot op een plancke van den  
 schepe so dattet god ordineerde dat si aen lant quamen Ende doe  
 waren si arm ende enhadden niet behouden des si beyde groten  
 rouwe bedreuen ende wrongen haer handen, si clapperden haer  
 tanden van groten couwe Doe seyde claramonde God weet dat wi  
 ter quader tijt hebben ghebroken Abroens ghebot, nv sullen wi  
 beyde moeten steruen van groter couden ende catiuicheyt.

Hoe Claramonde wech gheuoert wert van mannen te perde  
daer si naect opt lant stont.

[48a] \* Doe Claramonde ende hughe aldus deerlic tegen mal-  
cander claecheden daer si beyde naect opt landt waren also si wter  
zee waren ghedreuen. So quamen daer .xij. sarasinen ghereden die de  
Jonffrouwe kennende werden een haer sprake, ende si waren blijde  
dat se Claramonden gevonden hadden Ende om dat si al naect stont  
ende seer bescaemt so deden si haer eenen tabbaert al warm ghe-  
uyert ende settense op een paert ende si bonden hughen handen  
ende voeten ende lieten hen so ligghen opt lant ende die sarasinen  
reden doen wech met claramonde ende seyden wel felic, wi sullen  
v voeren tot v oom coninc yourijn, hi sal v doen verbarnen in een  
vier oft hi sal v ander quader doot doen steruen Als claramonde  
dit hoorde was si seer bedruct ende drief groten rouwe [48b] Aldus  
gheuelt dat de coninc van palernen was wt gereden met sijn heeren  
ende hi heeft dit volck sien comen met deser ionffrouwen dye hi  
ter stont wert kennende ende seyde weest willecome Claramonde  
ick hebbe .vij. iaer lanc liefde tot v ghedraghen ic en wilde niet dat  
ic eenich goet oft schaat hier voor v gevonden had want ic soude  
so v gheerne hebben tot eenen wijue ende maken v vrouwe van paler-  
nen Doe seyde Claramonde. Genadige heer coninc daermede ben ic  
tevreden maer ic bid v dat ghi bi mi niet slapen en sult noch met  
mi conuerseren in .xl. daghen ende .xl. nachten. Als dit de coninc  
hoorde loech hi ende seide weerde ionffrouwe dat sal v wel ghe-  
schieden. So moest mi mamet schenden bracke ick v eerste bede,  
ende so is si by den coninc gegaen: ende claramonde heeft dye .xij.  
sarasinen doen vanghen ende omdat sise wilden doen dooden van  
haren oom yuorijn ende hadden haer so grooten last ende anxt aen  
ghedaen.

\* Hoe Claramonde metten coninc na palernen reedt. \*

[49a. N] Als galefiers die coninc van paleernen Claramonde  
verlost had vanden .xij. sarasinen so stelde hi se weder te paeerde  
ende brachtse eerlic in sijn stadt van palernen om dat hijse beminde  
Mer lacen daer is menich die meent te crigen ende te minnen dat  
sijn herte begeert nochtans en crighet hy daeraf niet dan scade last

ende verdriet, ghelyck galefiers int eynde oock quam alsmen horen sal. Nv hoort wat van hughe die opt sant gebonden lach ende en conste noch handen noch voeten roeren ende hi lach ende claechde sinen noot, nochtans had hi die meeste sorghe voor Claramonde 5 sijn lief niet wetende waer die veruaren was So badt hi god den here dat hi se doch wilde behoeden van der doot want hi gad grote sorghe dat die sarasinen haer souden brengen tot haren oom coninc yuorijn ende hi dacht, comtse in haer ooms handen so salse ymmer moeten steruen.

10 Hoe maleproen badt den coninc abroen om dat hy hughen mochte helpen wt sijnen laste.

Als hughe dus deerlic claechde liggende gebonden een handen ende voeten so verhoorde die goedertieren verbannen maleproen mer hi en dorste hem niet helpen noch ontbinden voor dat 15 hi ghesproken had sinen heere abroen, ende hi reysde so lange dat hi abroen vant ende sejde hem. O weerde here abroen, huge is nu in groter last en wildi hem niet biestaen so blijft hy doot hi leyt alnaect ende bloot opt sant vander zee gebonden hi en can handen noch voeten gheroeren Ic soude v bidden dat ic hem mochte ouer-20 dragen een dander side vander zee ende laten hem dan gaen op dat hi daer onder die sarasinen mach broot bidden ende so lijn leuen onder houden [49<sup>b</sup>] \* Doe seyde die rijcke coninc abroen en segt mi niet meer van hugen ic en wil van hem niet horen Ic moet hem met rechte laten pijne ghebroghen ende lijden, want ic verboot 25 hem dat hi met die sarasijnsche ionffrouwe nit te doen en soude hebben voor dat si kersten ware ende dat hijse getrouw hadde tenen wijue, hi heeft mijn gebodt versmaet ende niet gheacht dus laet hem houden den loon dien hi gecregen heeft. Doe seyde maleproen. Ay lieue here abroen doet doch genade door god, wildi 30 dan laten verloren den edelen iongen man dat waer groot iammer, hi is emmer [50<sup>a</sup>. N ij] noch een ionghelinc die alle wijsheyt niet en can hebben want hi is mer .xxvij ier out dus ontfermt v doch sijnre, want om zijnre ioncheit moet ghi te meer verdragen dan oft hi oudt waer van iaren ende dagen. Mocht ic hem helpen 35 wt sijnen lasten ic soude inder zee gront duycken om den cop halsberch ende horen ende brenghen hem die in corter stont maer maleproen ginc so lange in der zee dat hi den horen den cop den

halsberch wt bracht totten coninck abroen die des blide was. Doe  
 seide coninc abroen O maleproen wildi hem emmer helpen so suldi  
 een iaer langer penitencie doen dan ghi soudt, bere seide male-  
 proen bider doot die ic steruen moet ic soude lieuer noch .vij. iaer  
 5 langher penitencien doen, dan hi soude ongeholpen bliuen, ende  
 eer ic hem in desen anxt ende laste soude laten. Doe seyde abroen,  
 ghi sult hem ontbinden, ende aan dander side vander zee stellen,  
 maer anders laet hem so hi is. Doe nam maleproen orlof aan sinen  
 here ende voer weder ter zee van daer hi comen was ende quam  
 10 ten lesten ter plaeften daer hughe lach gebonden. Als huge nu  
 maleproen sach so wert hi seer verblijt ende maleproen heeft hem  
 ontbonden, dies hem hughe seer bedancte ende spranc op ende  
 seyde wat doet mijn goede here abroen sal ic nemmermeer weder  
 in sijn gracie comen. Maleproen seyde. Ter quader tijt moesti tegen  
 15 sinen wille doen, tsal v tot swaer verdriet comen. Doe seide huge.  
 Elaes tis mi leet ende het berout mi seer dat ic sijn gebodt gebrocken  
 heb. Doe seyde maleproen, ouermits den rouwe die ghi hebt so sal  
 ic om uwent wille doen al ist mi swaer ic sal v dragen ouer de zee  
 mer anders en mach ic v niet helpen, want ic niet langer orlof en  
 20 heb, ghi sult met arbeyt ende armoede onder die sarasinen v broot  
 crigen ende somtijt suldi moeten bidden v broot om appolijn ende  
 mamet [50a] Doe seyde hughe god moet v loonen van v duecht  
 Ende doe nam hem maleproen ende droech hem ouer zee ende  
 sette hem daer neder opt sandt ende hi beual hem gode ende is so  
 25 van hughe ghescheyden. Ende hughe hadt grote laste want hy  
 meende steruen van hongher Ende hughe half dul van hongher is  
 al naect gelopen van daer, so quam hi gaen daer hi een out man  
 vant siten onder eenen boom die sadt ende adt ende was een speel-  
 der der instrumenten von musiken geweest vanden Ammirael van  
 30 babilonien gaudijs die nv geenen dienst langer en had, ende hi  
 hadde voor hem liggen taruwen broot ende een pasteye ende veni-  
 soen of vleesch van een wildt herte wel gebraden ende een fleg-  
 sche met wijn. Ende neuen hem stont sijn paert ende hughe quam  
 bi hem, ende dede hem reuerencien ende hi stont ende beefde van  
 35 groter coude ende hi gruete hem met vriendeliker spraken seggende.  
 Mamet gruet v here. Die speelder die oude man sach hughen aen  
 ende seyde met soeter talen O lieue vrient wat is v gheloue ende in  
 wyen geloofdi. Doe seyde hughe, ic geloue aent selue gheloue daer

ghi aen gheloost. Die speelder seyde, ic gheloue aen ternogant.  
 Hughē antwoorde, ende ic gheloue aen mamet ende appollijn, mer  
 in sijn herte seide hi heymelic. O mijn gecryste here iesu vergeeft  
 mi dese sonde. Doe seyde dye speelman Vrient hoe sidi ghenaemt.  
 5 Hughe seyde. Gherijn is minen name, ende met rechte mach ic wel  
 bedroeft sijn want ick was in affriken geboren ende mijn vader was  
 comen van groten heeren ende van groter edelre afcoemste. Ic heb  
 .vij. iaer lanc een machtich rijk coopman geweest, ende al dat goet  
 dat ic oyt ghewan dat ben ic nv quijt ende heb verloren in die zee  
 10 met eenre barcken ende al mijn gesellen heb ic ooc verlo[51<sup>a</sup>]ren  
 des ben ic noch te droeuer. Doe seyde de oude man Vrient ghi  
 sijt een schoon man en wilt v niet te seere bedroeuen ghi moecht  
 noch wel weder comen tot rikeliken staet ende tot groter eeren  
 ende groten goede al hebdi nv scade gheleden ende v goet ver-  
 15 loren, ghi sijt noch ionc van iaren ende sterc van ledien. O vrient  
 veel meer mach ic clagen dan ghi want ick ben een out man van  
 .lxxij. iaren met grijzen hare ende ik ben dus langhe besorcht ghe-  
 weest van al dat mi van node was, no moet ic in mijn oude daghen  
 besien waer ic den cost crighen sal want ic heb verluren den besten  
 20 here dien ic ymmermeer sijns gheliic crighen mach ende het was die  
 amirael gaudijs die verslagen wert van coninc karels bote van parijs  
 mamet moet hem scande ende oneer toe senden, ende moet sijn siel in-  
 der ewicheyt verdoemen ende plagen ic wil gaen reisen na mombrant  
 tot coninc yuorijn die mi wel kennet want hi was mijns heren broe-  
 25 der ic hope dat hi mi onthouden sal Ende ghi knape wildi mijn  
 trosser ende knechte sijn het sal v gheloont werden. Doe ant-  
 woerde hughe. O here wat ghi te doen hebt daer toe ben ick be-  
 reyt. Die oude man seyde O lieue vrient ontbindt die pack dat hier  
 leydt ende neemt daer wt dat beste cleet dat ghi vint ende trecket  
 so aen, ende doet oock aen coussen ende schoen ende lijnwaet ic gon-  
 nes v wel. Doe nam huge dat torssel ende ontbanttet ende hi cleede  
 hem van den hoofde totten voeten. Ende als nv huge so wel ge-  
 cleet was so dancte hi hem seer van sijnre gauen die hi hem be-  
 wesen hadde. Doe seyde die speelman asterman. O lief vrient  
 35 coemt eten ende drincken met my belieuet v van dat selue dat hier  
 is. Ende hughe ghinc terstont bi den ouden man sitten eten want  
 hi groten honger hadde. Als [51<sup>b</sup>] si nv te samen wel gegeten  
 ende gedroncken hadden, so seyde asterman Ic sal gaen te mom-

brant spelen voor den coninc yuorijn ende heeft hi dan een eenen tabbaert oft mantel van scarlaken dien sal hi my gheuen dien neemt ghi, ende al dat mi sijn heren geuen sullen tsi groot of cleyn nemet al bi v ende loopt ermede ter mercet ende vercopet ende coopter  
 5 een paert om ghi en sult niet langher te voet gaen. Doe was hughe in sijn herte seer verblijt ende bi danctes hem seer, ende hughe dancte ooc sere heymelic in sijn herte god almachtich dat hi hem so gooden heere verleent hadde.

Hoe hughe ende dye speelman astermant reden nae mombrant.

10

Als astermant ende hughe ny wel gegeten ende gedroncken hadden ende dat hughe ooc wel weder gecleet was so sijn si ghereyst na mombrant daer si coninc yuorijn vonden met menich edel here ende ander sarasinen. Ende dye coninc heeft den speelman Astermant willecome geheeten ende hi vraechde oft waer was dat de amiraal Gaudijs sijn broeder verslaghen waer. Die speelman seyde. O here bi appolijn coninc karels bode heeft hem doot geslagen dies hem mamet moet scenden ende bedroeuen ende hi was gheheeten huge van bourdeus mamet moet hem verwaten ende  
 15 brengen tot eenen quadren eynde. Doen dat coninc yuorijn hoorde wert hi seer versuchtende ende seyde. O mijn vrient mijn sinnen sijn al gheheel ghestoort ende beswaert van dit gro[52<sup>a</sup>]te misual ende ongheluc dat minen broeder so iammerlikens geschiet is, ghi moet ons wat spelen dat ic mijne sinnen wat verlichten mach ende  
 20 mi seluen wat verbliden ende verhueghen. Doe nam astermant die vedele ende hi stelde dye snaren alomme wel. Ende hi maepte daer ghenuchte van schoonen goeden spele in die sale voor coninc yuorijn ende alle sinen edelen so dat hem de coninck gaf sinen mantel van root scharlaken geuyert met zabels, ende elck van den  
 25 heren gaf hem sijn opperste cleet die inder salen bi die coninc waren. Ende huge was doe blide ende wel tevreden ende hi maepte eenen groten hoop van clederen ende hi bantse tesamen. Dye coninc seyde doe, waer creechdi desen knape Doe seide astermant. O edel here daer quam ic auontuerlic aen. Ic was gheseden onder eenen  
 30 boom om mi wat te rusten ende mijn natuer te stercken ende ic began wat te eten, so comt dese knape bi mi ghelopen ende was al  
 35

heel naert ende hi had grote ongheualen ghehadt ende gheleden  
van der zee ende hi had al verloren dat hy hadde ende was so met  
grotten arbeyt ende met groter auontueren op een plancke te lande  
comen ende hi is gheboren wt affriken. Doe seyde de coninc, Knape  
5 hoe is uwen name. Hughe antwoorde ende seyde, bi appolijn ic  
hete gherijn. Doe seide die coninc, Mamet gheue v geluc gherijn  
wat condi doen. Heere seyde hughe Ic can alderley spel dat men  
metten steenen spel en mach. want mijn vadere was een rijck mach-  
tich man ende hi dede mi daer mede spelen alderley spel ende noyt  
10 en vant ick yemant die my int schaechspel verwan. [52b] Doe  
seyde de coninc Ghérijn dat is te hoghe vermeten dat ghi nyeu-  
waers en waert gheseten daer ghy vermeestert sijt vanden spele,  
dat is seer veel geseyt so hebdi groot voordeel meer dan veel  
menschen hebben Ja heere seyde hughe ghi enkent noch alle mijn  
15 consten niet, want alst van noode waer so can ic wel vueren ende  
ontbinden in strijden ende in ander battalien eens conincx oft eens  
princen baniere. Ick can ooc wel bedwinghen een grootmoedich  
herte, ende een volck van wapenen can ick wel stellen in goeder  
ordinancien om die vyanden best ende sekerlic te beuechten, al  
20 dat ic hier gesproken heb dat derf ic wel vermeten. \*

[53a. O] Hoe hughe schaecte teghen coninck yuorijns  
dochter ende hoe hi dat spel ghewan.

Als die coninc verstaen had gerijns sprake so loech hi, want  
niemand en seyde teghen sijn woorden mer hi dede sijnre dochter  
25 dat schaeckbert halen ende seyde. Doet doch dese knape swijgen,  
want ghi sult tegen hem spelen, ende verwint ghi hem so sal hi  
steruen, ende wint hy dat spel, so sal hi slapen in uwen armen  
ende tsal v man sijn. Als si nv te samen speelden, so sach si op  
hughen ende haer docht dat si noyt schoonder man gesien en had  
so ende si seyde in haer seluen, het waer scade dat die iongelinc  
soude steruen, ic sal hem lieuer kiesen voor mijn lief ende door  
bedwanc der liefden sal ic hem tspel laten winnen, want al wiste  
hughe wel te speelen de ionffrou wistet noch hondert mael bat te  
spelen. Ende als si saten ende speelden tegen malcander, so seide  
si die ionffrouwe O knape ghi vermaet v al te veel voor den heere  
mijn vader, het sal v berouwen want ic sal v matten. Hughe seide

met soeter spraken O ionffrouwe so help mi Ternogant mijn mee-  
ster astermant heeft met hem bracht alsulcken knape die hoopt  
noch te slapen in uwen blancken armen. Die ionffrouwe wert doe  
so met hughens liefde geuangen dat se al op hem peysde ende  
heeft so vergheten wat si spelen soude, ende wat hi seyde teghen  
haer dat beuiel haer seer wel. Ende huge had heymelic sijn herte  
tot Gode ende bi trac al dat speel na sinen wille ende hi speelde  
die ioncfrouwe al mat ende hi seyde, ionffrouwe ghi hebt tspel  
verloren dat ghi meende ghewonen te hebben. Doe seide de ionf-  
10 vrouwe. O knape ghi wetes mite veel ic en vant noyt meester  
van desen speele in .vij. iaren die mi verwan. Doe stont de ionf-  
frouwe op vanden spele [53b] ende ghinc tot haren heer vader.  
Doe seyde coninc yuorijn O lieue dochter hoe ist vergaen, is dat  
spel al gedaen Ja seyde si ende ick heb dat spel ooc verloren  
15 Doen wert die coninc haer vader seer gram ende seyde, mamet  
ende Ternogant moeten v verwaten, sal hi in uwen armen slapen  
want ick en sal nemmermeer minen eedt breken. Als dit sijn doch-  
ter hoorde was si blijde ende tevreden. Mer huge hoorde wel dat  
de coninc seide mer hi dachte dat hijt niet doen en wilde want hi  
20 daer grote sonde aen doen soude, eerst want si was onghelouich  
ende een sarasijnsche, ten tweeden want Claramonde ende coninc  
yuorijns dochter waren twee broeder kinder seer naghe nichten,  
ende dachte god soude op mi werden vergramt ende soude mi  
weder plagen. Maer huge ghinc tot den coninck yuorijn ende  
25 seyde. Here ten soude niet goet sijn dat v kint van mi blame ende  
scande hadde want ick weet wel daer en is gheen so vryen edelen  
man wildijse hem gheuen hi soude blide sijn, maer mamet moet  
haer in haer iuecht ende scoonheit in eeren laten leuen. Doe dit  
coninc yuorijn hoorde wert hi al verblijt ende is tot hugen ge-  
30 comen ende heeft hem in sijn armen ghenomen ende seyde. Gerijn  
mamet gheef v eere ick wil altoos v vrient sijn, ghi hebt seer wel  
gheseyt Dit hoorde al coninck yuorijns dochter ende si seyde hei-  
melick in haer seluen. O gherijn haddic dat gheweten te vooren  
ghi en soudet dat spel niet ghewonnen hebben.

35 **Hoe coninck yuorijn raet vraechde aen Gherijn sinen dienaer,  
hoe hi weder crighen soude sijns broeders dochter.**

[54. Oij] \* WANT nv coninc yuorijn verstaen had dat de

coninc van palernen had genomen claramonde sijs broeders doch-  
 ter, so seyde hi tot gerijn. O vrient wilt mi raet geuen, want  
 ic hebbe dem coninc van palernen ontboden met .x. edelmannen  
 dat hi mi sende claramonde mijn nichte ende hi swoer dat ic se  
 niet weder hebben en soude al dade ic al dat ic mochte. Doe huge  
 hoorde van claramonde so wert hi al heel verblijt ende seyde.  
 Genadige heere tis qualic ende scandalic gedaen dat hi v nichte  
 wil houden tegen uwen danc mer wildi minen raet doen hem sal-  
 der grote scade ende verlies afcomen, so ontbiet v volc van wa-  
 penen, ende v edelen, ende dan sullen wi trekken metter macht  
 voor palernen, ende ick sal dijnen standaert vueren, ende wi sullen  
 v nichte claramonde wel gecrigen. Als dit coninc yuorijn hoorde  
 so seyde hy goede gerijn dat is goeden raet. Ende ghi sult heb-  
 ben van harnas ende van paerden al dat ghi begheert daertoe te  
 hebbene [54b] Dit verhoorde een sarasijn die den coninc wech-  
 leyde ende sprack heymelic met hem ende seyde. Heer coninc  
 en doet dat in gheenre manieren dat ghi hem laet vueren uwe ba-  
 niere, al is hi cloeck van spreken hi en can bi auontuer niet oor-  
 logen daerom en betrouw hem niet te veel mer is hi cloeck voor  
 sijn lijf men sal hem goede wapen ende harnas geuen ende een  
 goet paert ende laten hem seluen proeuen in den strijt. Die co-  
 ninc seyde ic bens tevreden Ende so heeft hem gereet dye coninc  
 ende alle sijn volc in die wapenen. Maer hoort van hughens ghe-  
 ualle die ooc mede den stride soude riden, hem wert gebracht  
 een harnas oudt ende verroest ende een hinckende paert dat achter  
 ende voor croepel was, ende had langhen tijt in een karre ghe-  
 gaen, ende men bracht hem een swaert dat wel vij. iaer inden  
 roock had ghehanghen, twelc huige wt track ende sach aen twee  
 teekenен dattet gemaect had Galant die smit daer hi wel mede  
 tevreden was want graue Roelant hadde sijn weergade ende des  
 ghelycken Ende hughe seyde, danck hebt vrient ghy hebt mi wel  
 ghedient, ic sal v voor Paleraen een beter weder gheuen. Doe  
 seyde de sarasijn in spite. O gherijn hoe soudi mi wel betalen.  
 Aldus is de coninc wt gereden met sijn edelen ende met al sijn  
 volc, ende hughe is op geseten ende is onsachtelic vast na ghe-  
 reden ende somtijts ghinc hi te voet, mer hughe moeste doe pa-  
 ciencie hebben Aldus is die coninck voor palernen ghecomen daer  
 hy sijn tenten heeft opgheslaghen op die groene velden Dit ver-

nam coninck galefier van palernen ende by dede sijn poorten sluyten,  
 ende die van binnen vraechden luttel na coninc yuorijn want  
 hi en mochte dye stadt met fortse niet winnen, want si was seer  
 sterc ende wel [55<sup>a</sup>] voorsien van vitalien ende van alles dat si  
 5 behoefden ende galefier ginc tot Claramonde ende seyde Coninc  
 yuorijn heeft mi beleyt om uwen wille, sijt ghinder sijn tenten  
 ende volck. Doe seyde claramonde. Het waer beter dat ghi mi  
 hem ouer gaeft eer ghi bi mi schade liden sout Doe seyde galefier.  
 Dat en sal ic niet doen, ic verlore mi lieuer al dat gout daer ic  
 10 here ende coninck af ben dan dat ghi in sulcken last ende verdriet  
 comen soudet als hi v aendoen soude hadde hi macht ouer v. Ende  
 ooc en dorren wi niet sorghen hi en soude dit casteel niet winnen  
 in hondert iaren al hadde hijt gesworen bi sijnder cronen, want  
 ic van alles genoch heb ende mi coemt altoos ghenoech van coren  
 15 taruwe ende wijn in coggen scepen in galeyen als ick wil ende  
 van doen heb, want mijn voorvaders hebben so veel gedaen dat  
 men ons dye hauen niet benemen en can. Hoort nv van coninck  
 Sorberijn die seer groot ende ontsien was dye tot sinen oom den  
 coninc van Palernen quam ende seyde. O lieue oom ic ben ooc  
 20 een coninc van groter macht ick sal riden tot coninc yuorijn ende  
 segghen hem dat hi op ons wil vechten dat hi daer gheen recht  
 toe en heeft, want Claramonde sal v wijf sijn ende bi haren wille  
 isse bi v gecomen ende goet willichlic isse met v in v stadt ende  
 op v slott ghereden sonder yemants bedwanc. Ende wilt coninc  
 25 yuorijn daer teghen seggen so sal ic van hem eenen camp be-  
 gheren, ende wie den camp winnen sal, die sal Claramonde heb-  
 ben, ende so sal icse metten swaerde winnen, want ic heb grote  
 begeerte om te vechten daer voren. Doe seyde die coninc van  
 palernen. Danc hebt lieue neue mer wapenen ende harnas sullen  
 30 ghenoech sijn voor v ende dat suldi hebben tot uwen wille. Doe  
 ghinc hem die [55<sup>b</sup>] grote stercke coninc Sorberijn seer rijckelic  
 wapenen ende beschreet een seer groet paert dat geheten was  
 blansadijn, dat seer costelic ouerdekt was met een coiffiture ouer-  
 cleet met roodt siden laken besayt met gulden vlammen, ende hi  
 35 reedt soo alleen wter stadt van Palernen, ende hi dede die poorten  
 achter hem toe sluyten, ende hi is ten laetsten gecomen totter ten-  
 tenten daer hi coninc yuorijn vant ende hi seyde tot hem. Heer co-  
 ninc van mombrant so helpe mi ternogant ghi hebt groot onrecht

dat ghi op ons begheert te vechten, ende dat ghi belegt mijn ooms  
 stadt om die Jonffrouwe Claramonden si sal doch sijn wif sijn  
 spaert hem mamet vander doot Ende wildi hier teghen segghen  
 so begheer ick eenen campe teghen twee die vroomste van uwen  
 5 mannen die ghi vinden condt. Ende doetse wapenen ende wel  
 gereyden ende sendse tot mi int geberchte daer sal ic se ver-  
 wachten maer ende darren die twee teghen mi niet campen so seyn-  
 ter .ijj. ende darren die drie mannen niet comen so senter .ijj.  
 want .v. ridders darre ick wel bestaen. Ende vi. oft .vij. mannen en  
 • 10 sal ic niet ontylien, ten ware dat mi faelgeerde mijn goede swaert,  
 oft mijn goede ende starcke paert blansedijn. Aldus bidde ick v dat  
 ghy v mannen doet bereyden, ick reyse na dye montanien Ende  
 moghen mi .vij. ridders verwinnen so suldi met payse v nichte weder  
 hebben. Ende can ic my verweren teghen hem lieden so sult ghi v  
 15 oorloghen laten staen ende ghi sult die ionffrouwe mijnen oom laten  
 hebben sonder eenich wedersegghen. Doen dit coninc yuorijn hoorde,  
 so was hi seer moedich van herten ende sprac veel quaets, waerom  
 dat sorberijn gram wert, ende keerde sijn paert ende reedt wech.

[56<sup>a</sup>] Hoe hughe versloech den groten coninc Sorberijn ende  
 20 noch eenen ridder van palernen.\*

[56<sup>b</sup>] Die stoute huge had wel gehoort ende verstaen al die  
 woorden die de twee coninghen tesamen hadden Dus is die edel  
 hughe op gheseten op sijn cropel paert ende stact met sporen ende  
 reet al hinckende na, maer het wert seer lanc eer hi te montanien  
 25 quam met sijn cropel ende mancke paert daer hi den groten coninck  
 Sorberijn vant. Doe seyde Sorberijn, lieue knape wat tijdinge brengdi  
 ons. heeft coninc yuorijn .vij. ridders gevonden die teghen mi do-  
 reen te campe comen. Neen seide huge maect v niet te fier ende  
 te stout, de coninc seynt mi alleen hier tegen v alsulcken knape als  
 30 ick ben ende dat ic sal vechten voor hem. Nv seyde huge vliet van  
 mi oft stelt v ter weer oft ic steke v met mijn spere. Dies balch hem  
 Sorberijn seer ende hi keerde sijn goede paert Blansadijn ende  
 heeft sijn glauie ghenomen, ende is seer verstoort op hughe ge-  
 reden ende stach hem met cracht door sinen schilt ende hi maepte  
 35 een grote schore in sinen halsberch dattet yser neffens sijn ribben  
 doorvloech, ende hughe was ghewont mer hi bleef nochtans staen-

den in sijn cranck verroest harnas. Ende die edel huge ghinc ter  
 aerden van sijn cropel paert ende hi track wt sijn verroest beroect  
 swaert, ende mettien keerde hem sorberijn tot hughen ende hi me-  
 ende hem dat hooft af te slaen, mer hughe schuttet op sinen schilt  
 ende hi ontkeerde hem dat houet, want hughe was te vechten wel  
 gheleert. Doen meende die payen anderwerf op hughe te slaen, mer  
 huge hadde hem den slack ondergaen ende hi hief op sijn swaert  
 met beyden handen ende sloech so vreeslic op dat hooft van Sor-  
 berijn den payen dat hijt hem totten tanden cloofde, so dat hy doot  
 ter aerden viel. Ende hughe track Sorberijn sijn wapenen wt ende  
 hy wapende hem [57<sup>a</sup>. P] seluen daermede ende sadt op dat goede  
 paert blansadijn ende hughe seide. O god door v ootmoet behoet  
 doch mi van quader auontueren, ende bewaert ooc mijn goede paert  
 blansadine dattet voor mi si, ende huge is doe ghereden wten ge-  
 berchten, ende hem quam een teghen ghereden een ridder die van  
 palernen geboren was dien hughe ooc wilde beuechten, des hem  
 die ridder vromelic te weer stelde ende hi liet sijn spere sincken  
 ende stack op hughen, mer hughe ontfinck den steeck op sinen  
 schilt. Ende doe track hughe sijn swaert ende volchde den ridder  
 ende sloech hem op sinen helm van finen stale dien hi doorsloech  
 metten beckeneel so dat hi den ridder dat hooft cloofde totten tan-  
 den ende die ridder viel doot ter aerden van den paeerde, ende  
 huge greep dat paert metten thoom van goude. Ende hughe is  
 doen weder ghereden int heyr van daer hi gecomen was ende daer  
 quam hem int ghemoet die verrader die hem te mombrant dat croe-  
 pel paert dede, dyen gaf hi des ridders paert ende seyde. Dat paert  
 geef ick voor dat beroeste swaert daer ghi my te mombrant so wel  
 mede dyende. Doe seyde die man, danck moet ghi hebben, want  
 dat swaert is immer wel betaelt ende mamet moet v lonen van die  
 grote gauen. Ende doe quam huge in coninc yuorijns tente daer hem  
 die coninc eerlic ontfinc met xij. van sinen heeren om den campe  
 dye hy had ghedaen, ende coninc yuorijn seyde. O lieue gherijn ic  
 wil voortaen al na uwen raet doen, mer hadt de coninc gheweten  
 dat hi bi sijnre nichten ghelegen hadt, ende dat hy sinen broeder  
 verslaghen hadde, hi en soude hem niet so vriendelick hebben ont-  
 faen al had hy hem noch so veel diensten gedaen. Als nv galefier  
 die coninc hoorde dat sijn [57<sup>b</sup>] neue Sorberijn so verslagen was,  
 so beclaechde hi hem seer ende was bedroeft, ende hi was seer

vergramt, maer coninc yuorijns belegge en achte galefier niet want al hadden si voor die stadt ende casteel gheleghen .xx. iaer so en souden se die niet ghewonnen hebben: want dat castele was so sterck dat hi niemant en ontsach. Aldus moste coninc yuorijn weder keeren na mombrant want hi en conste galefier niet gedoen. Ende aldus is coninc yuorijn op getrocken met al sijn heyr ende is so wedder gecomen in sijn stadt van mombrant, ende huge reedt biden coninc ende vercreech daer groote eere.

Hoe alyames, gherijn, ende die ridders .v. weken lanck  
10 hughen sochten op die zee. \*

[58a. Pij] Als hughe nv langhen tijt verloren geweest was ende aliames ende sijn ridders nyet en wisten waer hi veruaren was so waren si bedroeft ende creghen een scip ende sloeghen weder in die zee, daer voeren si wel. .v. weken lanck ende sochten 15 hughen, so dat si den lesten quamen in de hauen van palernen ende galefier lach op sijn casteel ende sachse comen. Doe ghinc galefier op de hauen ende vraechde oft si comenscap brochten. Doen seide aliames, ghenadighe heere wi en brengen gheen goet, mer wi souden gheern dienen eenigen heere daer ons goet afcomen mocht. 20 Doe seide de coninc van palernen Ic sal v wel onderhouden ende gheuen v goeden soudt dat ghi lieden wel blijdelic van mi scheyden sult. Doe si dit hoorden waren si verblijdt ende ghingen te lande ende quamen metten coninc op sijn casteel. Als si nv in de sale waren so quam hen lieden int gemoet Claramonde waerom si ont- 25 stelt werdt in haer aensicht, maer nyemant en dorste haer aenspreken. Maer claramonde en conste haer niet onthouden, mer si weende van groten iammer ende si ghinc in haer camer daer si groten rouwe dreef om hughen die si niet en wiste waer hi veruaren was ende om dat hughe bi hem lieden niet en was, so sorchte 30 si dat hi verloren ware. Ende van claramondens droefhelyt enwiste galefier oock niet, mer hi seyde tot Aliames ende totten anderen. Ghi heeren ghi moet mi raden want ick had eenen vromen neue gheheeten Sorberijn die is deerlic verslaghen, hierom ben ic vyant den coninck yuorijn van mombrant. Doe seyde alyames. Genadighe 35 heere wildi dat ghewroken hebben so ontbiet v eedelen, v heeren, ende ander volck in die wapenen ende wi sullen te samender hant

trecken voor mombrant [58<sup>b</sup>] Doe seyde de coninc vrient dat moet  
 v lonen die god ternogant, segt mi doch hoe is uwen naem hi seyde  
 ic heet aliames Doe seide de coninc o aliames ic beuele v mijn be-  
 minde vrouwe, ic soude gheern wreken den doot van mijnen neue.  
 5 Doe ghinc die coninc van tcasteel in de stadt ende dede vergaderen  
 sijn heeren, ridders ende sijn volc al in dye wapenen ende ter oor-  
 loghen bereyden.

Hoe Aliames Gherijn ende dye x. ridders Claramonden na  
 hughe vraechden, ende hoe si in onmacht viel alsmen huge  
 noemde. \*

10

[59<sup>a</sup>] Als die coninc nv vanden casteel was so quam Clara-  
 monde wier cameren bi aliames ende den anderen die nv na hugen  
 vraechden waer hi veruaren was Als Claramonde hoorde hughen-  
 noemen so viel si in onmacht. Doe nam gherijn water ende bespray-  
 15 de se in haer aensicht dat si weder bequam. Als si becomen was  
 soo seydese dat se van hughen niet en wiste want als wi tesamen in  
 die barcke waren so dede hi met mi sinen wille, ende terstont quam  
 daer een onweder met eenen donderslach die de barcke in stucken  
 sloech ende wi quamen bi auontueren op een planke daer wi al  
 20 naect mede te lande dreuen, daer wi tesamen op ghanghen, ende wi  
 hadden so groten coude dat wi beefden ende clippertanden. Doe qua-  
 men daer ghereden xij. sarasinen die hem handen ende voeten bon-  
 den ende lieten hem al naect daer ligghen op dat sandt, ende deden  
 mi aen een cleedt dat wel warm was ende vuarden my met hem.  
 25 Ende doe quam dese tyrant galefier ende nam mi den sarasinen ende  
 hi bracht mi op dit casteel, ende van dier tijt voort en heb ick van  
 Hughen niet meer ghesien noch ghehoort. Maer coninc yuorijn van  
 mombrant heeft gheweest cortelinghe voor dese stadt van palernen  
 ende hi bracht met hem eenen ionghen man die quade wapenen aen  
 so hadde ende een verroest swaert, ende hi was ghereden op een  
 cruepel manck wagonpaert, nochtans so versloech hi den groten  
 stercken coninc Sorberijn, ende ooc eenen anderen heere ende ee-  
 delen man ghebornen van deser stadt. Op desen heb ic dicwil ghe-  
 dacht, ende mi heeft altijt ghedocht dattet hughe sal sijn. Doen seyde  
 35 alyames. Och mocht ic mijn neue hughe te mombrant [59<sup>b</sup>] vinden  
 so waer ick blijde, want ic hebbe een metalen hoornken, hoorde hi

mi blasen, hi soude mi daer aen wel kennen. Ende mochte ic hughen int velt sien ende hi mi, ic soude vlyen ende hi soude mi volgen wten heyre ende so souden wi te palernen op dit casteel comen ende wi souden dan gaen vechten ende strijden tegen Galefiers ende  
 5 yuorijn, want wat leedt ende quaet dat den sarasijnsken honden geschiet dat is al cleen om achten. Ende eer si haer sprake gheeyndet hadden, so was galefier voor die sale ende die schoone Claramonde in haer camer, ende Alyames was wel gheleert, die ontfinck Galefier vriendelijcken met sueter spraken, ende alle die met hem  
 10 quamen int palleys gheryeden hem allen ter wapenen, ende alle dat heyr vergaderde voor des conincx sale. Ende Galefier is ook op gheseten, ende so sijn si allen met grooter crachte nae mombrant ghetrocken. Ende dese nyen maer quam voor Coninck Yuorijn hoe Galefier op hem was comen, ende hoe hi sijn lant al verderf ende  
 15 destrueerde, des coninck yuorijn droeuich was, ende doe nam coninc yuorijn hughen metter hant ende seyde. O gherijn ick bidde v helpt mi doch nv mijn landt beschermen. Hughe antwoorde, wel heere, maer tis quaet dat ghi soo langhe verbeydet, ende hi dede terstont alle sijn heeren ende ander volck ter wapenen gaen. Ende als si nv  
 20 al gereet waren, so saten si alle op, ende huyghe was seer wel ghewapent ende sijn paert blansadijn was ouerdekt met een yseren coiffituere, ende daer bouen noch een ander van siden sindale ende huge reedt naest den coninc yuorijn, aldus sijn si tesamen buten der poorten ghecomen daer si sagen [60°] dat heyr van galefier.  
 25 Daer vergaderden terstont, de twee heeren, ende daer wert vreeslic gestreden, daer werter menich vanden paerde int sant ghesteken, daer werter menich doot gheslaghen ende ter hellen ghesonden. Maer hughe dede alleen meer schaden in galefiers volck dan al dat ander volck, sulcken moort wracht huge met sinen swaerde  
 30 ende met sijn goede paert blansadijn. Doe seyde aliames wat duuelscer man is dit niemant en mach voor hem ghedueren want sijn swaert snijt yser ende stael. Doen seyde alyames Ick sal den man besoecken, ende hi nam een stercke spere ende wilde op hughen rijden. Ende met tien stac hughes sijn paert ende greep een glauie, ende  
 35 reden so op malcanderen deen den anderen niet kennende so dat huygens lancie brack in veel stucken, mer alyames dye grijse stack op hughen met sulcker crachte dat hy hughen wten sadel lichte so dat hi ter aerden viel, mer hughes spranc lichtelijc op ende ghinc

vechten metten swaerde ende seyde in sijnder franscher tale in  
 sijnder moeder sprake, o god heere Jhesu Criste verwaten moet  
 sijn dese sarasine, ende dit verstont aliames wel, ende hy antwoorde  
 in Fransoys segghende goede vriendt en slaet niet maer segghet  
 5 mi van waer ghi sijt dat bidde ick v. Ende doe kende hem hugh  
 terstont ende seyde O alyames mijn wtuercoren vrient ende neue  
 sijt willecome Ick ben v neue hugh. \*

[60<sup>b</sup>] Doe seyde alyames sijt willecome ionchere. Gherijn  
 ende v.x. ridders sijn int heyr, wi hadden v lange gesocht op de  
 10 zee, ende ten laesten quamen wi hier in des conincx dienst te pa-  
 lernen daer ic sach dye scone claramonde O lieue neue seyde  
 hugh. Ic was voor palernen daer ic versloech den coninc sorbe-  
 rijn, ende daer sach ic claramonde op dat casteel, maer ic sorge al  
 heb ic se ghesien dat ic se nemmermeer weder ghecrighen en sal.  
 15 Doe loech aliames ende seyde, ensorcht daer niet voren, ic sal  
 mijnen horen blasen als ic wten heyre ben, ende gherijn ende v  
 ridders sullen mi volgen, ende dan sullen wi tesamen vlyen ende  
 ghi sult ons achteruolghen met uwen blancken sweerde, dan sullen  
 die sarasinen werden versaget ende veruaert ende si sullen meynen  
 20 dat ghi ons iaget. Doen seide huge, dats goeden raet. Ende aly-  
 ames vloet van hem ende huge sadt op sijn schone paert blansadijn,  
 ende Alyames blies sinen metalen horen dat gherijn ende die thien  
 ridders gheringe hoorden ende si volchden hem terstont nae ende  
 si vlogen wech met Alyames.

25 Ende slughe volhdese van achter metten ghetrocken swaerde  
 rechte oft hi se al verslaen soude, Ende dat deden si so langhe tot  
 dat si dat heyr niet meer en mochten sien. Doe stack huge sijn  
 swaert op ende si reden ghekkenhant nae palernen met grooter  
 haeste ouer berck ende dal. Ende als si te palernen quamen so ver-  
 30 namse gheringe die schone Claramonde ende sie liep terstont neder  
 ende ontdede dye poorten vanden casteel ende heeftse blidelic ont-  
 faen. Als si hughen sach so verlichte haer herte gelijc deu dach  
 ende si heeft hughen in haren armen ghenomen ende seer vrien-  
 delic ghecust ende hete hem willecome, ende aliames ende de rid-  
 35 ders sloten de poorten [61<sup>a</sup>. Q] Ende als aldat geselscap binnen was,  
 so sloot aliames weder de poorten toe, ende ghingen doe goet  
 chier maken ende si deden haer paerden wel voorsien van hoy ende  
 hauere. Die coninc galefier was seer gram op aliames, gerijn ende

die ander ridders om dat si wten heyre ghetrocken waren, want sijn volck wert so seer verslagen dat coninc galefier moste dat velt ruymen ende coninc yuorijn vervolchde hem slaende van achter in sijn volc ende so vliende quam galefier met sijn voek op die graf-  
 5 ten vanden sloten van palernen, ende hi riep segghende, doet doch op terstont die poorte, bi mamet ic ben in grooten lasten Dit hoorde aliames ende hi liep tot eender vensteren ende seyde heere verbeyt mi daer tot morgen, want in een maent en suldi op dit casteel niet comen Als dit galefier hoorde waende hem van rouwe sijn herte  
 10 scueren. Doe socht galefier ootmoet een coninc yuorijn van mombrant ende hi gaf hem verwonnen ende hi wert sijn leen man ende hi swoer hem voortaeen ghetrouwe te sijn. Doen seyde galefier O coninc yuorijn ic beclage mi seer ouer uwen speelman asterman want ter quader tijt brocht hi Gherijn int lant, hi heeft v ende mi  
 15 grote schade ghedaen. Hi is te palernen bouen op mijn casteel bi claramonde die schone ionffrouwe die ic met al mijnder herten beminde ende daer sijn noch bi hem .xij. mannen van wapenen die ic cortelinghe had aengenomen in mijn soudie ende daer is vitalien ghenoch, si moghen goet chier maken ende laten mi daer buten,  
 20 want in .x. iaren en soudemen hen lieden dat casteel niet af gewinnen, dat siet die valsche knaep ooc wel, daerom wordic nv van hem beghect ende bespot, ende ic ben deerlic van hem ghehoent [61<sup>b</sup>] ende van claramonde die ic meende mijn wijf te worden mer mamet en maechte noyt felder wijf, si was altijt bedroeft mer ic en  
 25 dachte niet dat se mi so gelaten soude hebben. Ay lacen ic moet wel verwaten ende veruloect sijn. Ende ick segghe dattet is die selue man dye uwen broeder den amiraal versloech, want op een tijt liet se haer een woort ontuliegen daer ic wel aenhoorde datse den saryant ende den bedriegher lief hadde.

30 **Hoe coninck yuorijn wilde den speelman doen hanghen om dat hi hughen int landt ghebracht hadde. \***

[62<sup>a</sup>. Qij] ALs coninc yuorijn dit voorseyt al hadde ghehooret, so was hi seer verslaghen ende seyde. Bi mamet ende appollien, heest mi Asterman also verraden dat hi desen garsoen in myna  
 35 lant ghebracht heest die mi so groten scade gedaen heest, ic sal asterman doen hanghen als een dief ende verrader. Doe werden

die twee coninghen versoent, maer het viel astermant sere swaer-  
 lick want si werden beyde op hem vergramt ende deden Astermant  
 vangen ende si deden een galge stellen voor palernen. Ende hughe  
 stont bouen in dat palleys ende hi wert dat siende hoe dat dye man  
 5 astermant werden ghebonden sijn handen achter op sinen rugghe  
 met eenen bande. Ende hughe riep O ghi heeren ic bidde v wapent  
 v terstont, want Astermant is in groter sorghen want men wil hem  
 hanghen hier voor dit casteel, ende desen last heeft hi om mijnen  
 wille ick sal hem verlossen wt sijnre noot oft ick sal daer selue  
 10 doot bliuen. Aldus hebben si hem terstont ghewapent ende sijn so  
 wter poorten vanden casteele ghereden, ende hughe sadt op sijn  
 goede paert blansadijn. ende hi reedt op coninc yuorijn ende werp  
 hem van den paeerde ende hi greep den speelman mettien ende werp  
 hem op sijn paert met groten arbeyt, ende die sarasinen souden hem  
 15 astermant wedere met machte hebben ghenomen en hadde ghedaen  
 die hulpe van alyames ende van den ridderen ende si deden groo-  
 ten arbeyt om Astermant te verlossen, also dat si int heyre van den  
 sarasinen verloren haren neue Gherijn den edelen heere dyen die  
 sarasinen hebben doot gheslaghen, dies huge ende alyames seer  
 20 bedroeft waren ende die ander heeren ende ridders ende keerden  
 ter [62<sup>b</sup>] stont na den casteel ende sloten vaste die poorten, want  
 so langhe als si op dat casteel waren, soo en mochte dat niemand  
 winnen want die stadt ende dat slott was sere wel gheuitalieert.

Hoe die heren van bourdeus cooplieden wt seynden om  
 25 Hughen haren rechten here te soecken.

NV willen wi spreken van Gheraert hugens broeder die heere  
 wil wesen van den lande van bourdeus want als hughe sijn broeder  
 gebannen was ende hi van paris scheyde, so en meende hi hem niet  
 wedder te sien ende so troude gheraert corts daerna een wijf een  
 30 dochter van eenen groten hertoge Gubewaert gheheeten. Ende als  
 hi een wijf tijts gehuwet was, so wilde hi here wesen van bourdeus  
 ende si en wilden hem niet ontfangen, doe vuerde hi groot oorloge  
 op bourdeus met hertoge gubewaert sijn wijs vader dat een valsche  
 verrader was dat namaels wel blijcte, ende daer waren noch meer  
 35 heren die bi bedwange wilden Gheraert een heere maken van bour-  
 deus. Die edelen des lants en wilden gheeraert voor gheenen here

hebben si en wisten eerst dat hughe certeyn doot waer. Ende si  
 hebben al ghesloten met ghemeynen rade dat si wilden hughen doen  
 soecken Ende si senden wt .xij. ricke coopliden ende borgeren van  
 bourdeus met comanscap in alle hauenen van den steden daer si in  
 5 heydenisse metten scepe aen quamen, daer si goet costen ende ver-  
 coften wederom na haer profijt ende om te vernemen na hugen ha-  
 ren here, ende so voeren si veel waters dach ende nacht ende in  
 veel hauenen. So geuielt dat god sinen vrient wilde vertroosten, so  
 beweechde hi die coopliden int lant van Palernen, so dat si in die  
 10 hauene arriueerden ontrent dye casteel Ende huge [63<sup>a</sup>] sach bouen  
 opter tinnen ende hi sach opten mast van den scepe dat teeken van  
 bourdeus Doe wert huge seer verblijt ende hi riep alyames haestel-  
 lick bi hem, ende si gingen onder hen heyden van den casteel op  
 de hauen daer si tscip sagghen ende si vraechden van waer dat  
 15 schip was ende alle dat volc datter in was. Ende si antwoorden op  
 die fransche tale dat si al van bourdeus waren. Doe seyde hughe  
 sidi van bourdeus so kendi hertoghe Sanguijn wel die doot is ende  
 sijn twee sonen. Doe seyden die coopliden hertoghe Sanguijn was  
 ons here god moet sijn siel ontfermen, ende al tlant versterf op  
 20 sijn sone hughe, men vant noyt sijns ghelyc so huesch ende goed-  
 tertieren, mer gheraert die ander sone is fel ende quaet god moet  
 hem bedroeuen. Och oft onse here huge noch wel varende waer so  
 souden wi ons allen verbliden. Lacen hi versloech bi groot ongeual  
 coninc karels sone Charloten. Daerom versant hem coninc karel  
 25 van vrancrijke een wilde vreemde passagie ende een wonderlijke  
 pelgrimagie ende om een grote swaer bootscap die niet moghelic  
 en is om doen ten waer dat god wilde sonderlinge gracie aen hem  
 bethonen ende hem verleenen wt nemende victorie Dier gheliken en  
 is niet meer gehoret, want coninc karel sant hughen te babilonien  
 30 tot ten Amirael Gaudijs om te brengen den baert ende die vier ach-  
 terste tanden wt monde vanden amirael voorseyt. Ende als hughe  
 van Parijs versonden was, so huwede corts daernae int selue iaer  
 Gheeraert sijn broeder aen hertoge Gubewaerts dochter, die de van  
 bourdeus heeft menighe schade gedaen bi sinen rade hy wilt voor  
 35 een here des lants ontfanghen sijn, ende die edelen ende die lant-  
 saten en willens niet doen voor dat [63<sup>b</sup>] si seker sijn waer hughe  
 gebleuen is oft hi leuende of doot is. Ende om hughen te soecken  
 ende daeraf te vernemen so waren wi .xii. mannen daer toe gheor-

dineert om in veel landen te reysen met onser comenscap, wi hebben langhen tijt op de zee gheuaren, ende wi hebben gheweest in veel steden om onsen hecre te soecken. Doen seyde Hughe, ghi hebt den man gheonden, ende ick bent selue.

**5 Hoe Claramonde ende Astermannt te Romen van den bisscop ghedoopt worden. \***

[64<sup>a</sup>] DOe dese mannen verstaen hadden die antwoorde van hughe waren si seer verblijt ende hughe die bracht se wten scepe opt casteel ende dede hen goet ciere, ende doe dede huge op breken die kisten ende cofferen ende hy nam al Galefiers scatghelt iuwelen. ende al sijn tresoor so vele als .xxx. paeerde dragen mochten ende dedet al tscepe ende doe dede hi sijn .x. ridders te scepe gaen, ende doe quam hughe, Claramonde, aliames astermannt te scepe, ende so sijn si haestelic wier hauen gheuaren bi dage ende nachte, ende die wijle oorloochde galefier met groot verlies. Ende hughe ende sijn volck waren so lange in die zee dat si ten laetsten quamen in die hauene van Napels. Als si no metten schepe te Napels waren, so badt hughe den borghers van bourdeus dat si wilden reysen metten schepe na parijs, want hi wilde den anderen wech na Romen reysen. Ende ick bidde v gruet mi seer coninck karel minen heere ende seyt hem, dat ic met my brenghe des amyraels baert ende sijn vier winckel tanden. Doe scheyden de borghers metten schepe van napels ende quamen te Prouencen. Ende hughe met sijn gheselschap quamen ten laetsten te Romen daer si vonden den paus ende hughe vertelde hem alle sijn auontuere dyes hem die paus seer verwonderde. Ende Claramonde ende Astermannt werden met groter waerdickeyt ghedoopt ende kersten ghemact. Ende daerna so ghaf die Paus hughen ende allen sijn ghesellen aflaet van allen haren sonden, ende si hebben alsoo ootmoedelic oorlof ghenomen aen den paus. Die borgeren ende poorters van bourdeus sijn blijdelijck in vranckre gecomen ende hebben die tidinge gebracht dat huge noch leefde ende dat hi in kerstenrijcke waer ende af quame [64<sup>b</sup>] Dit horende geraert sijn broeder ende Gubewaert sijns wijs vader die waren beyde seer bedroeft, ende si dreychden hughen al heymelick dat si hem noch aendoen souden eenen droeuen dach om dat hughe dat landt toe behoorde. Als ny hughe van romen

was, so track hi met sijn volck na parijs door bourgondien want in sijn eyghen lant endorste hi niet comen, ende hi quam in die abdie van sinte peeters te Cloengi daer hi seer feestelijc ontfangen was van sinnen oom den abt ende van al den heren des cloosters ende hem wert groote eere ende weerdicheit bewesen. Ende de abt seyde O lieue neue ic heb dicwijle grote sorge voor v ghehadt dat ghi in perikel van uwen lijue comen soudt, ende ic hebbe dicwil voor v gebeden onder misse ende anders, hoe eest met v al vergaen hebdi v bootscap wel ghedaen. Ja ick seyde huge dies hebbe god eere inder ewicheyt, maer ic heb dicwil in groten pinen ende noden gheweest, ende menige grote sorghe daerom gheleden. Ic heb des amiraels gaudijs baert ende tanden daer mi coninc karel om gesonden hadde. Ende dese ioncfrouwe die hier bi mi is, is des amiraels dochter, ende ic hebse te romen doen doopen ende kersten maken met desen man Astermant, ende die paus heeftse selue ghe-doopt, ende hi gaf ons aflaat ende quijscheldinge van allen onsen sonden. Als die abt no verstaen hadde dat alle dinghen wel met sijnen neue huge vergaen waren so was hi seer verblijdt ende vrolijck. \*

[65<sup>a</sup>. R] \* Hoe hughe een bode seynde aan sinen broeder Gheraert, dat hi bi hem comen soude in die abdie sinte Peeters te Cloengi.

NV is hughe biden abt gebleuen ende hi seynde brieuen tot gheraert sinen broeder dat hi bi hem soude comen te Cloengi in die abdie om tsamen te spreken want si malcander in lange niet gesien en hadden. Aldus is die bode ghereyst ende quam corts te Bourdeus daer hi geraert de brieuen gaf. Als hi die ghelesen had ende verstont dat huge int lant was so wert hi bedroeft ende trac terstont tot sijn wijfs vader hertoge gubewaert om raet te vragen ende seyde, lieue heer vader wat radi nv voor theste, mijn broeder huge is hier int lant ende is te Cloengi ende hi sal al tlant willen hebben. Doen seide gubewaert, en wilt daer niet voor sorghen, ic sal hugen [65<sup>b</sup>] sulcken spel leeren dat hi mocht willen dat hi niet comen en waer, want ic sal hem wachten buten Cloengi met .v.c. mannen daer sal hi moeten bliuen, doen was gheraert blijde ende geryde hem met Gubewaert ende met .v.c. mannen ende quamen doen tecloengi

in die abdye, maer die .v.c. mannen logeorden dien nacht buyten  
 Cloengy. Als huge Geraert sinen broeder sach, heeft hi hem inden  
 armen ghenomen ende gecust segghende. Lieue broeder willecome  
 so moet ghi zijn, mi heeft so dicwil na v verланget dat ic v noch  
 5 leuende mocht sien, doe seyde gheraert, wye is die man die hier  
 staet bider ioncfrouwen, doe seyde hughe dats ons neue alyames  
 die met Odom wten lande vertrac ouer zee in heydenisse. Ende  
 huge seyde hoe ist met v broeder, hebdi een wijf getrouw, ia ic  
 broeder seyde gheraert, ic heb gubewaerts dochter getrouw Huge  
 10 seyde, god latet v wel vergaen mer so hebdi een verraders dochter.  
 Doe seyde geraert met grammen moede. Ghi liechter aen mijns  
 wijfs vader gubewaert is vanden besten bloede van vranckre, doe  
 seyde huyge. Broeder en belcht v niet, mi is lief dat v goet ge-  
 schiet want op die aerde en leeft niemand die mi lieuer duecht ende  
 15 eere geschiede dan v. Alst auont was so werden die tafelen ghe-  
 dect, ende die heeren ghingen sitten eten, ende gheraert tegghen  
 huyghen ouer sittende, want hem therte vol boosheden ende verrad-  
 derien was, en had gheenen lust om eten, ende geraert seyde O  
 huge brent ghi des amiraels baert ende tanden, ia ic seyde huge  
 20 dats my swaer genoech gevallen eer ic de gecreech, ende Aliames  
 heeft se tusschen vel ende vleesch in sijn lancken, mer en had ge-  
 daen coninc abroen ic en soude nemmermeer tot mijne meyninge  
 gecomen hebben, ende daertoe hadde ic oock [66<sup>a</sup>. Rij] mijn lijf  
 verloren, doe seyde gheraert. Nv weet ick wel lieue broeder dat  
 25 ic al dit lant verloren heb, want men sal v voor eenen heer willen  
 hebben als dye oudste sone ende oor des lants, so ist recht dattet  
 lant v behooren sal, doe seyde huge lieue broeder en sorcht nyet.  
 Ic sal v heer maken van Grueneuville, ende van bleys, ende daer toe  
 sal ic v beghiften datmen my des eere spreken sal. Als gheraert  
 30 hoorde sinen broeder so goedertierlijc spreken, so en conste hy  
 hem gheen quaet bewijsen, want huyge was suet ende sachtmoeidich  
 als een lam, maer hy soude meer ghedaen hebben metten swaerde  
 dan .vi. gheraerden. Ende als si nv al gheeten, ghedroncken, ende  
 goet chier ghemaect hadden, so ghinc elck slapen. Als si al slapen  
 35 waren soe seyde hertooch Gubewaert. O gheraert hoort na my. Ic  
 sal voore rijden op die passagie int foreest met mijnen mannen van  
 wapenen, ende doet ghi huyghen met v comen, wy sullen hem van-  
 gen, ende zijn ridders verslaen, ende wi sullen aliames nemen die

tanden ende baert, ende dan sullen wi heeren bliuen vanden lande,  
 ende dan sullen wi coninc karel doen comen te bourdeus, ende dan  
 sal huge moeten steruen, want hi en can dan niet bewisen den  
 baert ende tanden. Huge hier niet awetende, wert des morghens  
 5 vroech op geroopen van geraert die hem seyde, o broeder laet ons  
 reysen in die coelte vanden dage. Doe seyde claramonde, o huge  
 laet ons doch verbeyden totten dage want v broeder en heeft niet  
 goets op handen doe seyde huyghe, o edel vrouwe en wilt niet  
 sorghen v en was noyt so veel eer en bevesen als v hier gheschien  
 10 sal. Doen bereyden si hen ende wapenden hen ende zijn doe op-  
 gheseten ende op den wech geslagen. Ende dye Abt reedt oock  
 met hen lieden met .v. paerden ende moniken, [66<sup>b</sup>] Ende gheraert  
 die felder was dan een hont reedt bi hugen langen tijt ende gaf  
 hem spitighe woorden, ende had hem geern gram gemaect ende  
 15 seyde waer naemdi die sarasine. Doe seyde hughe dit is des ami-  
 raels Gaudijs dochter, ende de paus heeftse te romen kersten ge-  
 maect Doe seyde aliames tot geraert, soudi mijnder vrouwen misse-  
 ghens des soudic mi belgen. Doe seyde geraert ghi cockijn god  
 moet v scenden wat maect ghi hier. Doen wert aliames gram ende  
 20 sloech geraert metter vuyst in sinen hals dat hi vanden paerde viel,  
 doe riep die verrader hulpe hulpe. Ende dit hoorde gubewaert dye  
 .v. lagen gemaect had van .v.c. mannen, die quam wtten bosch met  
 sijn volc ende vingen hugen ende aliames, ende de ander waren  
 verslagen, ende had de abt gedaen aliames ware ooc doot bleuen,  
 25 mer si sneden hem sijn lancken op ende namen daer wt des ami-  
 raels baert ende tanden: ende huge had noyt so quaden reyse, want  
 sijn .x. ridders ende astermant bléuen doot Mer huge, aliames ende  
 claramonde worden geuangen te bourdeus inden kercker gestelt  
 Daerna sijn gheraert ende gubewaert op geseten met haer volc,  
 30 ende quamen bi coninc karel te parijs daer geraert voor hem op sijn  
 knyen viel ende seyde clagende O ghenadige heer wilt mi doch  
 hooren spreken Huge mijn broeder is weder gecomen int lant te  
 bourdeus ende hi en heeft sijn bootscap niet gedaen, maer hi heeft  
 al stille gelegen ende is te bourdeus ghecomen teghen minen wille  
 35 met eenen boeue ende cockijn, ende met eender saraschijscher  
 vrouwe dye hy voor hem seluen onderhout, ende si sitten onder  
 hem dryen te bourdeus geuangen, nu heere doet met hem lieden  
 uwen wille [67<sup>a</sup>] Doe seyde coninc karel, men sal hugen met paer-

den achter straten sleypen ende dan raetbraken, ende op een radt  
 stellen. Doe seyde dumael van beyeren. O geraert quaet vleyen  
 dat en was noyt broederlike trouwe dat ghi hughen bewijst, want  
 hi is deerlic verraden, doe en wilde coninc karel niet langer beyden  
 5 mer hi is op geseten met sinen heren ende genoten ende reet na  
 bourdeus daer si cortelinge quamen. Ende als karel nv te bourdeus  
 was so ghinc hi in die hooge sale, ende doe werden voor hem ge-  
 bracht hughe, alyames, ende Claramonde Doe seyde coninc karel.  
 O huge met rechte mach ic v wel haten om dat ghi minen sone ver-  
 10 slagen hebt ende hebt mi ooc cleenen soene gedaen, ende hoe  
 waerdi oyt so coen dat ghi hier int lant dorstet comen eer ghi des  
 ammiraeles baert ende tanden bracht also ick v beuolen hadde had-  
 dijse gebracht ic hadde v quijt geschouwen vander vaert, nv sal ick  
 v doen sleypen ende raybraken, dat en liet ic niet om al dat goet  
 15 van alexandrien. Doen seyde huge O edel heer coninck doet doch  
 wel ende hoort mi spreken. Ic haerde des ammiraeles baert ende tan-  
 den te babilonien ende ic sloech hem doot, ende hadt gedaen coninc  
 abroen ic en had nemmermeer van daer ghecomen, die mi dicwil  
 wt minen last heeft geholpen, ende hi dede des ammiraeles tanden ende  
 20 baert in aliames lancken om wel bewaert te sijn, ende die sijn ali-  
 ames hier wt gesneden te bourdeus, siet die wonde die hem daeraf  
 bleuen is ende mijn .x. ridders ende noch een man Astermant ghe-  
 heeten, waren deerlic verslagen, ay lacen ick mach wel beklagen  
 der deerlicher moort. O here dit dede Gheeraert ende hertoghe Gu-  
 25 bewaert met .v.c. mannen ende ic ende aliames mijn neue worden  
 gheuanghen ende de[67<sup>b</sup>]se ioncfrouwe die de dochter is vanden  
 amyrael Gaudijs, doen seyde dumael van beyeren. Hier is groote  
 verraderie geschiet, god moet alle verraders schenden, want si  
 weten so veel quader keeren, doen seyde coninc karel. Nv hoort  
 30 mijn heeren genoten, ic en wil mi hieraen niet besondigen, ic gheef  
 hugen in uwen handen, iugeert hem oft hi steruen sal oft niet. Doen  
 ghingen die heren te rade, ende hertoge Griffoen stont op ende  
 seyde. Ghi heeren dat hughe verslagen heeft Charlotten ende niet  
 volbracht en heeft zijn bootschap, daerom gheuet reden genoech  
 35 dat hy sal steruen, dese woorden behaechden Dumael van beyeren  
 niet ende seyde Ghi heren hoort een woort na mi, waert met huyghe  
 wel vergaen, ende dat hi waer in sinen state so soude hy met ons  
 te rade gaen, ende wesen een vanden ghenoten, daerom en moge

wy geen genoot verordelen dan met een volle bancke die wy nv niet en hebben, ende desen woorden volchde Ogier van denemercken, Hertoghe Salomon ende meer andere, ende mettien lieten si haren raet staen. Doe se karel sach comen vraechde hi oft den 5 raet ghesloten was, doen seyde dumaels van beyeren, men mach gheen ghenooot verordelen sonder die volle banc, doen seyde die coninc karel, dats wel ghedaen, maer huge heeft mijnen son verslagen, ende hi heeft mi crancke soene ghedaen, hierom iugeert huyghen dat ghi daer eere ende gheen schande af en cryget, doen 10 ghinghen die heeren weder te rade, doe seyde hertoge alorijs. Ghi heren ghi weet wel dat huge zijn bootschap niet en heeft ghedaen, want hy dat niet betogen en can daerom sal hy worden ghehanghen, doen seyden sommighe vanden rade als Guwijner ende Alorijs ende [68<sup>a</sup>] hertoghe griffoen, ende Tybaut van aspermonde, nae die or- 15 conde die hier ghedaen is, so volghen wy v, ende dese vijf heren verwesen hugen ter doot, doe stont op Dumaels van beyeren ende seyde. Soumen huyghe hanghen dat waer iammer ende schande. Men mach openbaerlijc mercken die wonde die si hebben ghesne- den in aliames lancken als hem ghenomen wert tanden ende baert. 20 Ende dese ioncfrouwe was des ammyraels dochter, doen seyde Die- derick van ardennen, die dat wil verstaen, so is aliames ghenomen daer huge om ghesonden was, so waert ooc onrecht soudemen huy- gen ter doot veroordelen, dat en salmen met rechte nyet doen, dat is waer seyde hertoghe Salomon ende die aerthbisschop van Riemen 25 die volchdens oock, ende Ogier van denemercken, ende ridtsaert dye vrye, dese ses ghenoten wijsden hughen los ende vrij, ende die ander vijf ghenoten wilden hem verslaen, want si seyden al had aliames wonderen ontfaen het waer onsekere wie dat hadde ghedaen, ende soudemen dat op gheraert legghen dat waer oock quaet, doen 30 seyde Dumaels van beyeren. Ghi heeren men moet eenen anderen raet ondersoecken wij willen beyden tot nae der noenen dan sullen wi weder te rade ghaen. Dien raet die was den sommighen leedt, dat si daer weder comen souden, doen sach se coninc karel weder vanden rade comen ende hi seyde Ghy heeren hebdi uwen raet 35 ghenomen met malcanderen oft huyghe sal steruen oft quijt gaen. Maer hoe dattet vergaan is seyde coninc karel. Hughe heeft mi crancke soene ghedaen. [68<sup>b</sup>] Doe sprac weder die getrouwte heere dumaels van beyeren. O heere tot achter noenen hebben wi onsen

raet vertrocken, ende karel en wilde daer niet teghen. Doe gincmen  
 ter maelijt blasen ende elc quam ter tafelen eten ende drincken,  
 ende dier wilen waren huge, alyamcs ende claramonde gebonden  
 aen eenen stijle al vaste dat si niet ontgaen en conden, ende Clara-  
 5 monde dye weende seer, doe seyde huge, o lief weest tevreden  
 ende stilt v doch om gods wille, doe seyde Claramonde Ick mach  
 wel droeue sijn, ghi seyde men soude ons groote eere doen in v  
 lant ende wi enquamen ter geender plaetsen daermen ons aldus-  
 danigen last aendede ende men wilt ons hier ons leuen benemen  
 10 ende doen ons quader doot steruen.

**Hoe hughe aliames ende Claramonde hem gauen tot god  
 ende riepen hem aen om troost.**

Als si so vast gebonden stonden ende wisten ghenen troost  
 so seyde aliames de grijse. O hughe laet ons doch god almachtich  
 15 aenroepen dat hi ons wil verlossen wt desen last. Doe vielen si  
 ghelyc op haer knyen biddende gode ende al haren troost aen hem  
 stellende ende si baden onfermherelic om gracie ende om haer  
 goet rechte te honden, dese iammerlike clachden hoorde coninck  
 abroen daer hi te moyn op sijn slott was ende hi vermaendet sinen  
 20 mannen ende edelen seggende Ghi heren hughe is nv in grooter  
 noot ic wil hem helpen ende verlossen daerom wensce ic mi te  
 bourdeus in die stat met hondert dusent mijne mannen Ende hi  
 was daer so ghe[69a. S]ringe als hi die woorden ghesproken had  
 met al sinen mannen. Ende doen quam coninc abroen in die sale  
 25 daer coninc karel sadt ende adt, ende huyghe kende terstont abroene  
 ende hi seydet Alyames ende Claramonde. Ende coninc abroen quam  
 so na bi coninc karel gegaen dat hi coninc karels hoet van sinen  
 hoofde stack. Doen seide coninc karel met grammen woorden. Dit  
 corte naenken comt so na ons ghegaen. Doe seyde coninc abroen,  
 30 ic ben een naenken als v vader puppijn was, al sidi groot ghewassen  
 wildi daerom te beter sijn. Doe dede coninc abroen doer ooc een  
 tafel stellen die was van goude, ende die schrageren van siluer. Ende  
 op de tafel stelde hi den gulden nap eenen yuoren horen ende den  
 costelijcken halsberch die so meesterlicke ghewracht was. Ende doe  
 35 dede hi ontbinden hughe, alyames ende claramonde ende hi settese  
 bi hem aen sijn tafel. Doe seyde abroen. O karel wie heeft huge

hier gheuangen in sijs sels lant. Doen dit 'dumaels van beyeren  
 hoorde, so stont hi op ende seyde. Heere tis gheleden eenen lan-  
 ghen tijt dat hughe versloech karels sone, ende daerom sant hem  
 mijn here te Babilonien totten amyrael Gaudijs om sinen baert ende  
 5 vier achterste tanden wt sinen mont ende dat hi dootslaen soude  
 den grootsten man die aer des amiraels tafel stont, hadde hi nv  
 gebracht den baert ende tanden tot karel, hi soude hem alle saken  
 vergheuen hebben Nv is hi geuangen ende men wil hem hangen,  
 wi hebben daerom menigen raet gehouden, ende na dem eten sullen  
 10 wi weder te rade gaen. Doen seyde coninc abroen wat wildi raden,  
 ic was te Babilonien doen Hughe sijn bootscap dede aer den amiraal  
 gaudijs ende sloech doot den groten coninc van Anapele ende hi  
 euste daer dit [69<sup>b</sup>] schoone wijf daerom sal hi sijn lijf behouden.  
 Ende huge had des amyraels baert ende tanden ende die had ick  
 15 ghedaen in alyames lancken tusschen vel ende vleesch om datse  
 wel bewaert souden sijn. Maer gheraert ende Gubewaert sijn wijs  
 vader verrieden hem buten die abdye van Cloengy int bosch daer si  
 hem belaecht hadden met .v.c. mannen, daer werden verslagen sijn  
 .x. edel ridders ende die sarasijn Astermant die nv kersten was,  
 20 ende was geweest die speelman vanden amiraal Gaudijs, ende si  
 namen Alyames, ende sneden hem wt sijn lancken den baert ende  
 tanden die coninc Abroen eyschte van Gheeraert die een cofferken  
 bracht daer abroen den baert ende tanden wt nam ende lietse hem  
 allen sien die in de sale waren. Doen seyde coninck Karel ende hi  
 25 loech, dat is eenen baert, maer wi weet wie hem droech. Doen  
 seyde coninck abroen, dye amiraal Gaudijs heeft hem ghedraghen  
 in oorconde van alle mijnen mannen die te babilonien bi hem waren.  
 Ende wilt hier yemant teghen segghen huighe sals campe nemen  
 30 ende salt hem doen bekennen vor v allen, ende ick sal selue comen  
 teghen hem met minen mannen. Doen seyde Dumaels van beyeren.  
 Ghy heren nv hebdi wel verstaen hoe dat Gheeraert sinen broeder  
 Hughen verraden heeft.

**Hoe die heeren te rade ghangen om vonnisze te gheuen  
 ouer den gheuen die misdaen soude hebben.**

35 [70<sup>a</sup>. S statt S ij] \* Als coninc karel dit al verstaen had van  
 coninc Abroen so seyde karel. Ghi heren laet ons gaen eeten ende

Huyge.

na den eten so gaet weder te rade ende hem doet recht ende iusticie  
 die misdaen heeft. Doe seyde Dumaels van beieren, wie en sijn  
 hier niet ghecomen om eten noch om den wijn te drincken, mer om  
 recht te doen ouer hem diet verdient heeft, ende hi seyde ooc.  
 ¶ Heere suldi goet recht doen ende een rechtueerdich keyser sijn so  
 doet Gheeraert vanghen, ende sijn wijs vader hertoghe Gubewaert.  
 Ende coninc karel dede also ende hi swoer dat hijse soude doen  
 hanghen ende seyde. Ghi heren gaet tesamen te rade ende iugeert  
 ende wijset tvennisse ouer dese ij. die grotelic misdaen hebben  
 want ic salse doen hangen [70<sup>b</sup>] Doe stonden die heeren op ende  
 gingent terade. Doe seyde dumael van beyeren. Ghi heren nv hebt  
 ghy alle wel verstaen hoe die saken van hugen sijn vergaen ende  
 dat hi zijn bootschap had ghedaen, ende hoe dat hi verraden heeft  
 gheweest, ende hadt die abt van Cloengi gedaen si hadden daer al  
 doot gebleuen Die dit al wel mercken wil so hebben si karel luttel  
 eerden gedaen die dese moort hebben volbracht, ende hielden ooc  
 gheuangen Hughen, alyames ende Claramonde. So seg ick voor  
 recht datmen niemant sparen en sal die desen moort hebben helpen  
 doen, ende men salse genen inden handen van coninc abroen om  
 daer mede sinen wille te doen. Als dit die heeren hoorden so sey-  
 den si eenpaerlic, wi alle die hier sijn volgen v in dit Ende so sijn  
 si comen voor coninc karel, ende dumael van beyeren seyde. Heer  
 coninc na dat wi wel verstaen hebben so had huge sijn bootcap  
 ghedaen die ghi hem beuolen hadt, ende had hi ongeuangen geble-  
 uen hi soude v die tanden ende baert gegheuen hebben. Merom die  
 ouerdaet die hem ghedaen was, so wijsen wi voor recht datmen  
 niemant sparen en sal die bi dese moordaet hebben geweest ende  
 dat mense coninc Abroen ouer geuen sal sinen wille daermete te  
 doen om dat hi van alle dingen die kennisse gheseyt heeft. Doe  
 seyde karel tot abroen. Here doet met ten moordenaers uwen wille.  
 Doen seyde abroen. Ic en sal niemant groten last doen, mer ic  
 wille die moordenaers buten Bourdeus aen die galge hebben. Ter-  
 stont quam daer een scherpe windeken die de moordenaers ver-  
 uerde aen die galge sonder eenich gheruchte Als dat nv gedaen  
 was so seyde coninc karel Laet ons met vreden gaen eten. Ende  
 daer werden de [71<sup>a</sup>] tafelen bereyt ende die coninck ghinc eten  
 ende drincken met al den heeren daer menigherley spijsen gebracht  
 was. Doen was abroen ooc aen sijn gulden tafel geseten ende hi

sloech een cruys ouer den nap, ende hi spranc vol wijs, ende hi gaf hem kaerlen die meende te drincken, mer den wijn ontsanc hem tot inden gront. Doe seyde karel. Dit dunct mi zijn eenen betoueren den wijn, ende hi gaf den nap Dumaels van beyeren die dranc van den goeden wijn ende seyde, ic heb god danc gedroncken Ende niemant van coninc karels heren en conden daer meer af drincken ende si gauen coninc Abroen die nap weder. Doe seyde abroen Ic vindt hier eenen goeden rechtveerdigen man dat is dumaels van beyeren daerom loech Ogier dat sijn oom die beste man was van alle karels mannen die in sijn palleys waren. Doen gaf Abroen den cop Hugen in sijn hant ende hi dranck daerwt den goeden wijn, ende na hem droncken Aliames ende Claramonde ende al abroens mannen. Daer nae seyde Abroen tot hughen. O hughe nv gheef ick v al mijne rijcheyt, alle wenschen suldi voortaan hebben in v ge-  
 welt, ende als ghi wilt suldi varen ouer zee ende als ghy wilt suld te Bourdeus in v stadt weder sijn, ende ghy sult sijn daer ghy be-  
 gheert ende niemant en salt v benemen, die suldi al van god hebben als ghi wilt ende gheuet alyames dit lant van bourdeus daeraf hi v leenman sijn sal, ende abroen seyde. O mijn vrient huge ghi sult  
 ooc ghewinnen een Claramonde twee knapelijn kinderen, daer nae-  
 mals af comen sullen coninghen ende heren van Jherusalem want  
 vanden eersten sal comen een gheslachte dat heeten sal vanden  
 swane waeraf naemaels descenderen sullen twee Coninghen van  
 [71b] Jherusalem. Aldus hughe so beueelick v Claramonde tot gode  
 ende blijft ghesont, ic keer weder tot bulgherie, ende coemt na mi  
 ende ontfanc v goet. Ende ghi sult ontfangen van god al dat mi  
 onderdanich is, want ic sal van aertrijcke scheyden ende varen in  
 den hemele daer god almachtich is in der glorien. Doe nam coninc  
 abroen vriendelic oorlof aen coninck karel, ende aen hem allen die  
 int hof waren Ende hy cust hughen aen sijne wanghen, ende hi ver-  
 track weder van daer hi comen was. Ende daerna heeft hughe alia-  
 mes dat lant von bourdeus ouer ghegenen, ende doen nam huge  
 oorlof ende hi is haestelijc coninc abroen gheulcht met Claramonde,  
 ende hi quam cortelinghe ter plaetsen daer hi al dat goet ontfink  
 van coninck abroen daer hughe noch langhe leefde god danckende  
 van al sijn weldaden die hi hem verleent had, ende hi sterf hier na  
 in een duechdelic leuen. Jhesus Christus marien son, warachtich  
 god ende mensche wil ons allen verleenen sijn godlike gracie dat

wi hier in dit verganlijc leuen also sijn heylige gheboden ende  
sinen godlijcken wille also volbrenghen moghen, dat sijn bittere  
passie, sijn dierbaer precioos bloet, sijn alder bitterste doot aen  
ons arme sondaren inder ewicheyt niet verloren en blijue. Amen.

- 5 Geprint Tantwerpen in die camer strate Inden gulden Eenhoren  
Bi my Willem Voorsterman. [72<sup>a</sup>] \* [72<sup>b</sup>] \*

## SCHLUSZBEMERKUNG DES HERAUSGEBERS.

**Das vorstehende volksbuch ist ein diplomatisch treuer abdruck des textes nach dem exemplare der k. k. hofbibliothek in Wien, das ich in meiner akademischen abhandlung „über die beiden wieder-aufgefundenen niederländischen volksbücher von der königin Sibille und von Huon von Bordeaux“ (im 8ten bande der denkschriften der philologisch historischen classe der k. akademie der wissenschaften, auch besonders abgedruckt, Wien, 1857: in 4<sup>o</sup>) genau beschrieben habe und auf welche ich hiemit verweise.**

**Die stellen, welche im originaldrucke einen holzschnitt enthalten, sind hier durch \* bezeichnet.**

**Den dort fehlenden titel habe ich nach dem von Jonckbloet (Geschiedenis der middennederlandse dichtkunst. Amsterdam, 1854. 8°. 3, 589) angeführten, auf der königl. bibliothek zu Haag befindlichen späteren, zu Amsterdam um 1644 gedruckten exemplare ergänzt.**

**Da mir seit dem erscheinen meiner erwähnten abhandlung über die sage von Huon weder durch fremde noch durch eigene forschung neue materialien oder resultate bekannt geworden sind, so muß ich mich begnügen, auf das früher darüber beigebrachte zu verweisen.**

**Der vorliegende wiederabdruck ist aber wohl dadurch gerechtfertigt, daß, abgesehen von der großen seltenheit des niederländischen volksbuches, wovon nur die beiden erwähnten exemplare bisher aufgefunden worden sind, kein deutsches davon existiert.**

## INHALTSÜBERSICHT.

	seite
Een schoone historie van Huyge van Bourdeus. Noyt wonderlijcker, noch onghoorder avontueren, dan die bij Huyghen voorschreven geschiet ende gebeurt zijn. En met schoone figueren verciert. Geprint T'Antwerpen in die camere strate in den gulden enhoren bij Willem Vor- sterman . . . . .	1
Die prologhe . . . . .	3
Hier volghet die na prologhe . . . . .	3
Hoe die groote Coninc Karel open hof hielt voor sijn heeren vrien- den, ridderschap ende dienaers . . . . .	5
Hoe Charlot coninc van vrancryc wert ghecroont ende ghesalft . . . . .	6
Hoe hughe des conincks brieuen ontfinck . . . . .	7
Hoe Hughe ende gheeraert met haer gheselschap na Parijs quamen daer si besprongen worden van den vyanden . . . . .	7
Hoe hughe ende amorijs tēghen malcanderen campten daer amorijs verslaghen bleeft . . . . .	10
Hoe hughe ghebannen wert wt al kerstenrijc, ende hoe hi wten lande reedt . . . . .	13
Hoe coninc karel Hughen belaste wat hi doen moeste ende vol- brenghen . . . . .	14
Hoe hughe te roomen hem biechte teghen den prochiaen . . . . .	15
Hoe heer Hughe met sinen ridders ende peerden, ende ander volc te schepe ghinc . . . . .	16
Hoe coninc Abroen ghecreech die gauen van te doen dat hi wilde . . . . .	18
Hoe coninc Abroen met Hughen sprack in dat groote foreeste . . . . .	19
Hoe hughe oorlof nam aan coninc Abroen . . . . .	21
Hoe die saryant den coninc bootscapte datter kerstenen int lant ghe- comen waren . . . . .	24
Hoe hughe op eenen stercken toren liep ende blies sinen horen als hem Oydom die valsche verlochende kersten vanghen ende doden wilde . . . . .	26
Hoe hughe voor Dunalster quam ende sloech aan dat gulden beckен dat aen der linden hinck voor dat casteel . . . . .	28
Hoe die ruese Dagayant verslagen was van huge metter hulpen van sijre nichten des ruesens wijf . . . . .	31
Hoe dat Aliames Gherijn ende die thien ridders quamen onder die linde ende sloeghen ooc op dat gulden becken om bi Hughen te comen	32

	seite
Hoe hughe binnen Babilonien alleen quam ghereden totten amiracl .	34
Hoe hughe gheuangen was ende wert ghebracht voor den amiracl	
Gaudijs . . . . .	36
Hoe hughe inden kercker badt god den here om sijn gracie ende hulpe . . . . .	38
Hoe ende wat Claramunde ende Huge te samen spreken . . . . .	41
Hoe hugens gesellen ende sijn nichte grote clachten deden daer si op een slot te dunnalster waren . . . . .	42
Hoe Gherijn ende thien ridders int geuangenis worden gheset . . . . .	43
Hoe Claramonde haren neue seyde hoe si den kersten een iaer lanck onderhouden hadde . . . . .	44
Hoe Claramonde haren neue Tryakel badt dat hi wilde doch swighen	47
Hoe Agayants broeder die Coninc van Tartarien te babilonien quam, daer hem dye amiracl feestelijcken ontfinck . . . . .	48
Hoe die Amiracl sprack met Tryakel sinen neue hem raets vra- ghende hoement beste metten campe maken soude ende wie dien best soude slaen . . . . .	49
Hoe hughe campte teghens den grooten rijcken ende machtighen co- ninc Agapaert . . . . .	50
Hoe hughe knielde voor Coninck Abroen ende dancten van sijne victorien die hi hem hadde doen hebben ende alle weldaden . . . . .	53
Hoe die donder ende blixem ende den storm der zee in stucken sloech dat schip daer hughe in was . . . . .	54
Hoe Claramonde wech gheuoert wert van mannen te perde daer si naeckt opt lant stont . . . . .	56
Hoe Claramonde metten coninc na palernen reedt . . . . .	56
Hoe maleproen badt den coninc abroen om dat hy hughen mochte helpen wt sijnen laste . . . . .	57
Hoe hughe ende dye speelman astermant reden nae mombrant . . . . .	60
Hoe hughe schaecte teghen coninck yuorijns dochter ende hoe hi dat spel ghewan . . . . .	61
Hoe coninck yuorijn raet vraechde aan Gherijn sinen dienaer, hoe hi weder crighen soude sijns broeders dochter . . . . .	62
Hoe hughe versloech den groten coninc Sorberijn ende noch eenen ridder van palernen . . . . .	65
Hoe alyames, gherijn, ende die ridders v. weken lanck hughen soch- ten op die zee . . . . .	67
Hoe Aliames Gherijn ende dye x. ridders Claramonden na hughe vraechden, ende hoe si in onmacht viel alsmen huge noemde . . . . .	68
Hoe coninck yuorijn wilde den speelman doen hanghen om dat hi hughen int landt ghebracht hadde . . . . .	71
Hoe die heren van bourdeus cooplieden wt seynden om Hughen ha- ren rechten here te soeken . . . . .	72
Hoe Claramonde ende Astermandt te Romen van den bisscop ghe- doopt worden . . . . .	74

Hoe hughe een bode seynde aen sinen broeder Gheraert, dat hi bi hem comen soude in die abdie sinte Peeters te Cloengi . . . . .	75
Hoe hughe aliames ende Claramonde hem gauen tot god ende rie- pen hem aen om troost . . . . .	80
Hoe die heeren te rade ghinghen om vonnisse te gheuen ouer den gheuen die misdaen soude hebben . . . . .	81
Schlußbemerkung des herausgebers . . . . .	85